

# **Ala xa masenyi Annabi Esekiyeli be Masenyi nde yi Kitaabui xa fe ra**

Annabi Esekiyeli findixi Ala xa namijonme nan na Yudaya boxi ma. Ala nu bara nate tongo Yudayakae birin xa xanin konyiya kui Babilon boxi ma, alo a naxan naba Isirayilakae ra naxee nu sabatixi koola mabiri. Na birin fatanxi e xa yunubie nan ma.

Ala mu na rabaxi temui keren xa ra. A naxa a ragiri Babilonkae xa pama saxan xanin je fu nun solofere bun ma, beenun e xa Darisalamu kana kerenyi ra. Annabi Esekiyeli nu na pama firin nde ya ma, naxan sabati Babilon.

Na pama a maroxun ne a e mu buma konyiya kui. E xa diine mixie nu a falama ne e be, a e gbilenma ne e xonyi heeri kui. Konon Ala naxa a masen e be Annabi Esekiyeli saabui ra, a e mu gbilenma mafuren mafuren e xa yunubie xa fe ra. E xa kuye batui nan a niyaxi e xa xanin Babilon boxi ma, e xa Ala xa jaxankate xungbe soto konyiya kui.

Konon Ala xa namijonme xa masenyi mu danma menni xe. Annabi Esekiyeli naxa a masen e be a Ala fama ne kaabanakoe rabade e ragbilenfe ra Darisalamu. A naxe Alatala Xaxili Seniyenxi fama ne gorode e ma, a a niya e xa tuubi, e man xa Ala xa marafanyi kolon e boje kui. A ngaxakerenyie gbegbe mu nu laxi na

masenyi ra, kɔnɔ ndee naxa e xaxili ti na xibaaru fanyi ra, e e tunnabɛxi na kui.

Annabi Esekiyeli naxa a masen e bɛ, Ala fama a xa hɔrɔmɔbanxi tide a firin nde ra ki naxɛ. Na tide nu gbo Isirayilakae bɛ. Babilɔnkɛ to e xa salide xungbe kana, e naxa a maɔɔxun Ala nu bara a rabolo. Yi kitaabui nu a masenma nɛ e bɛ a Ala nu bara e rabolo e xa yunubie xa fe ra, kɔnɔ a mu tondima e raminide na jaxankatɛ kui, a e rakisi. Ala tantu, mixi naxan Ala xa hɛɛri fenma, a a toma nɛ. Ala sago nan na ki.

Ala xa won mali birade a xa kira fɔxɔ ra, kira naxan won xaninma ariyanna. Amina.

## **Ala xa masenyi Annabi Esekiyeli bɛ**

*Ala a yɛtɛ masenfe Annabi Esekiyeli bɛ*

<sup>1</sup> Nɛ tongo saxan nde, a kike naani nde, xi suuli nde ra, n nu na Isirayilaka suxuxie ya ma Kebara xure fɛ ma. Koore naxa rabi, n naxa Ala xa laamatunyi to.

<sup>2</sup> Na jɛ nu findixi Yudaya Mangɛ Yehoyakini xa jɛ suuli nde nan na konyiya kui. Na xi suuli nde

<sup>3</sup> Alatala naxa masenyi ti n tan sɛrɛxɛdubɛ Esekiyeli bɛ, Busi xa di. N nu na Kalidi bɔxi nan ma Kebara xure fɛ ma. Alatala xɔnyɛ nu na n ma.

<sup>4</sup> N naxa turunnaadɛ to kelife kɔɔla mabiri, nuxui xungbe yanbama naxan nabilinxi naiyalanyi magaaxuxi ra. A xɔri nu luxi nɛ alo wure raxunuxi.

<sup>5</sup> Daalise naani nu na na te xōra. E nu maniyaxi xemee nan na,

<sup>6</sup> kōno yatagi naani nun gabutenyi naani nan nu na kankan ma.

<sup>7</sup> E sanwurie nu tinxin, e sanbonbōlae nu maniyaxi ninge toree nan na naxee yanbaxi alo wure gbeeli.

<sup>8</sup> Mixi bēlexee nu na e be e gabutenyie bun ma e seeti naanie ma. Yatagie nun gabutenyie nu na e naani birin ma,

<sup>9</sup> e gabutenyie nu dōxoxi e bore ra. Na ki e mu nu e ya ragbilenma sigafe ra, e nu siga yare tun.

<sup>10</sup> E yatagie nu na yi ki ne: yatagi adama daaxi, yatagi yete daaxi, yatagi ninge daaxi, nun yatagi sege daaxi nan nu na kankan be.

<sup>11</sup> E yatagie nu na na ki ne. Gabutenyi naani nu na kankan ma. Firin na seeti keren ma, naxee nu italaxi e bore fe ma. Gabutenyi firin nan fan nu e fatee makotoxi.

<sup>12</sup> Kankan nu biraxi Ala Xaxili nan fōxo ra. Na kui, e mu nu e ya ragbilenma, e nu fa siga yare tun.

<sup>13</sup> Na daalisee lahalē nu luxi ne alo te wolee nun te fulefulee. Na te yanbaxi nu a lintanma na daalisee longori ra alo seyamakōnyie.

<sup>14</sup> Na daalisee nu siga e gi ra, e xulun alo seyamakōnyi.

<sup>15</sup> N to nu yi daalisee matofe, n naxa sanyi radigilinxi keren to bōxi ma kankan seeti ma.

<sup>16</sup> Nee nu yanbama alo diyaman, e birin nu maniya. E rafala ki nu luxi ne alo sanyi radigilinxi nu na sanyi radigilinxi gbete kui.

<sup>17</sup> E ne sigama, e nu e jere ma e seeti naani nan ma, e mu nu e mafindima e xa jere kui.

<sup>18</sup> E nu ite, e tofan, e luxi alo yae nu na e be.

<sup>19</sup> Daalisee na e jere, e sanyie fan e jere. E na te koore ma, e sanyie fan te.

<sup>20</sup> Ala Xaxili nu siga dede, e fan nu birama ne a foxo ra, a nun e sanyie, barima na daalisee xaxili nu na e sanyie nan kui.

<sup>21</sup> Na daalisee na siga, e sanyie fan siga. Daalisee na ti, e sanyie fan ti. Daalisee na te koore ma, e sanyi fan te, barima na daalisee xaxili nu na e sanyie nan kui.

<sup>22</sup> Koore walaxe tofanyi alo diyaman nu italaxi e xun ma.

<sup>23</sup> Na daalisee gabutenyi firin nu italaxi e bore seeti ma, gabutenyi firin nu e fate makotoxi.

<sup>24</sup> E e jere temui naxe, xui nde nu minima alo baa moronyi xui, alo Ala Senbema xui, alo soori gaali xui. Daalisee na ti, e nu fa e gabutenyie iso.

<sup>25</sup> Na temui xui nde naxa mini koore walaxe fari naxan nu na daalisee xun ma, e gabutenyie isoxi.

<sup>26</sup> Se nde nu na na koore walaxe fari naxan nu luxi alo kibanyi naxan yailanxi diyaman na. Se nde nu na kibanyi kui naxan nu maniyaxi adamadi nde ra.

<sup>27</sup> A kanke nu yanbama alo wure raxunuxi, a sanyie fan nu yanba alo te. Naiyalanyi magaaxuxi nu na a rabilinyi birin ma.

<sup>28</sup> A yanbe nu luxi ne alo senkui naxan minima koore ma tune furu temui. N to na to, n naxa bira n na n yatagi rafelen boxi ma, n naxa xui nde me.

## 2

*Alatala Annabi Esekiyeli xeeffe*

<sup>1</sup> Alatala naxa a masen n be, «Adamadi, keli, n xa masenyi ti i be.»

<sup>2</sup> A fefe na woyenyi fala n be, Xaxili Seniyenxi naxa goro n ma, a n ti n sanyie xun ma. N naxa a xui me a falafe ra n be,

<sup>3</sup> «I tan adamadi, n tan nan i xeefe Isirayilakae ma, naxee bara muruta n ma, kelife e benbae xa temui ma han yi waxati.

<sup>4</sup> N i xema naxee xon, e tuli xoroxo. I xa a fala e be, «Alatala yi masenyi nan tixi.»

<sup>5</sup> Bonsoe murutaxi nan e ra, konoe e fama ne a kolonde namiponme nde bara lu e ya ma, hali e tondi i xui suxude.

<sup>6</sup> I tan adamadi, i naxa gaaxu e ya ra, i naxa kontofili e xa woyenyi xa fe ra, hali na birin fa findi toore ra i be, e fa lu alo talie. I naxa gaaxu na bonsoe murutaxi ya ra.

<sup>7</sup> Fo i xa n ma masenyi ti e be, hali e tondi e tuli matide i ra e xa matandi kui.

<sup>8</sup> Konoe i tan adamadi, i xa i tuli mati n xui ra, i naxa muruta alo yi bonsoe a rabama ki naxe. I xa i de rabi, i xa donse don n naxan soma i yi ra.»

<sup>9</sup> Na temui n naxa belexe italaxi nde to n ya i, keedi mafilixi nu na a kui.

<sup>10</sup> A naxa a itala n ya i, sebeli nu tixi a kui nun a fari naxan toore xoroxoe xa fe masenma.

### 3

#### *Annabi Esekiyeli xa xeraya*

<sup>1</sup> Alatala naxa a masen n be, «Adamadi, i xa yi keedi don, i sa masenyi tife Isirayila bonsoe be.»

<sup>2</sup> Awa, n naxa n de rabi, a naxa na keedi raso n de kui.

<sup>3</sup> A man naxa a masen n be, «Adamadi, i xa yi keedi birin don n naxan soxi i yi ra.» N to a don, a nu joxun n de i alo kumi.

<sup>4</sup> Na temui Alatala naxa a masen n be, «Adamadi, siga Isirayila bonsœ yire, i sa n ma masenyi ti e be.

<sup>5</sup> N mu na i xeefe jama xa ma, i mu naxan xa xui xoxoxœ mema. N bara i xee Isirayila bonsœ nan ma.

<sup>6</sup> N mu na i xeefe bonsœ wuyaxi xa ma, i mu naxee xa xui falama, i mu naxee xa xui mema. Xa a sa li n i xee ne nee fan ma nu, e i xui suxuma ne keren na.

<sup>7</sup> Kono Isirayila tan mu wama a tuli matife i ra, barima e mu tinma n ma masenyi ra. E xaxili xoxoxœ, matandi bara e boje suxu.

<sup>8</sup> Kono n i ya xoxoxoma ne dangife e tan na, n i xa limaniya xun masama ne.

<sup>9</sup> N a niyama ne i xa i tun nabexi alo fanye, i xa senbe soto naxan xoxoxœ alo gemœ. I naxa gaaxu e ya ra, i naxa ifu e ya i de, hali e to findixi bonsœ murutaxi ra.»

<sup>10</sup> Alatala naxa a masen n be, «Adamadi, I tuli mati n ma masenyi ra n naxan masenfe i be. I xa e ragata i boje ma.

<sup>11</sup> Yakosi i xa siga i xa jama yire, naxan na konyiya kui, i sa woyen e ra. I xa a fala e be, «Ala xa masenyi nan ya.» Xa e sa e tuli mati ba, xa e mu e tuli mati ba, i tan xa n ma masenyi ti.»

<sup>12</sup> Na temui Alatala Xaxili naxa n tongo, n naxa xui nde me n xanbi ra a falafe ra, «Matoxœ na Alatala noœ kanyi be a sabatixi dennaxe!»

<sup>13</sup> N naxa na daalisee gabutenyie xui me e garinfe e bore ra, a nun e sanyi digilinxie xui. Na senbe gbo.

<sup>14</sup> Ala xaxili naxa n nate koore ma, a n xanin. Xone nu bara n boje rate, konon Ala xonye naxa non na.

<sup>15</sup> Na kui n naxa n ma pama li naxan nu na konyiya kui Teli Abibi taa kui Kebara xure fe ma. N naxa xi solofere raba e tagi, n nakorixi kofu.

<sup>16</sup> Xi solofere to dangi, Alatala naxa yi masenyi ti n be, a naxe,

<sup>17</sup> «Adamadi, n bara i findi Isirayila bonsoe kantama ra. I na n ma masenyi me, i xa na fala e be.

<sup>18</sup> N na a masen mixi jaaxi be, <I faxama ne,> xa i mu a rasi a xa gbilen fe jaaxi foxo ra alako a xa kisi, n a faxama ne a xa yunubi xa fe ra. Na kui n a nii sare maxorinma i tan nan ma.

<sup>19</sup> Konon xa i bara a rasi, a fa lu a mu a yete ragbilen n ma, a faxama ne a xa yunubi kui, konon a lima ne i tan nii bara rakisi.»

<sup>20</sup> «Xa tinxintoe nde sa gbilen tinxinyi foxo ra, a kira gbete suxu, n a tooroma ne na kira xon, alako a naxa fa faxes. Xa i mu a rasi, a faxama ne a xa yunubi kui. A xa wali fanyie birin luma ne fu. Na kui n a nii sare maxorinma i tan nan ma.

<sup>21</sup> Konon xa i bara a rasi alako a naxa yunubi raba, a fa a tuli mati i ra, a kisima i tan nan saabui ra. Na kui i bara i yete fan nakisi.»

<sup>22</sup> Alatala xonye nu na n ma menni, a fa a masen n be, «Keli, mini filii ma. N sa woyenma i be menni ne.»

<sup>23</sup> N naxa keli, n siga fili ma. Menni n naxa Alatala xa nɔɔɛ to, alo n a toxi Kebara xure de ra ki naxe. N naxa n yatagi rafelen boxi ma.

<sup>24</sup> Alatala Xaxili naxa so n boɔɛ kui, a naxa n nakeli. A naxa a masen n be, «Siga i xɔnyi, i so banxi, i naade balan i yete xun na.

<sup>25</sup> I tan Adamadi, e i xirima ne luuti ra alako i naxa so jama ya ma.

<sup>26</sup> N i nenyi xirima ne, alako i naxa no sese falade na bɔnsɔɛ murutaxi be.

<sup>27</sup> Kɔnɔ n ne wɔyenma i be, n i nenyi fulunma ne, alako i xa a fala e be, <Wo Marigi Alatala yi nan masenxi wo be.> Xa a naxan kenɛn, a xa na rame. Xa a mu naxan kenɛn, a xa na lu na. Bɔnsɔɛ murutaxi nan e ra.»

## 4

### *Darisalamu suxuxi*

<sup>1</sup> «I tan adamadi, i xa walaxe bende daaxi tongo, i fa pirinti korin a ma naxan misaalixi Darisalamu taa ra.

<sup>2</sup> I xa se ndee yailan na walaxe rabilinyi ma naxan misaalixi gere ra Darisalamu xili ma. Bende nde malan misaali ra yaxuie fama tede tete ra naxan fari. Wuri die tongo naxee misaalixi wurie ra yaxuie naxee rawalima naade kanafe ra. Yonkindee yailan misaali ra yaxuie luma dennaxe.

<sup>3</sup> Wure nde ti i tan nun na walaxe tagi. Na xa findi misaali ra Darisalamu suxuma ki naxe. A xa findi tonxuma ra Isirayila bɔnsɔɛ be.»

<sup>4</sup> «I xa i sa i koola seeti ma na walaxe ya i. Na misaalima Isirayila xa yunubie nan na, naxee luma i ma i xa xi xasabi.



<sup>5</sup> I xa xi xasabi lanma e xa yunubi raba je xasabi nan ma. Na findixi xi keme saxan xi tongo solomanaani nan na. Isirayilakae xa yunubi kote doxo ma i xun ma na ki ne.»

<sup>6</sup> «I na ge na rabade, i man xa i sa i yirefanyi seeti ma. Na kui i xa Yuda bonsoe xa yunubi kote tongo xi tongo naani bun ma, naxan a masenma e lu yunubi raba ra na je nan na.

<sup>7</sup> I xa i ya ti na walaxe ra, i i belexe itala, i woyen Darisalamu be n xili ra.

<sup>8</sup> N i xirima ne luutie ra alako i naxa fa i mafindi i seeti nde ma, han i ge na waxati rakamalide.»

<sup>9</sup> «Mengi xorie, toge, tenge, nun na maniye tongo, i e sa se sase kui taami yailanfe ra i be na waxati. I fama ne na donde i saxi i seeti ma na xi keme saxan xi tongo solomanaani bun ma.

<sup>10</sup> I xa na donse maniya giramu keme firin, keme firin ma, i naxan donma loxo yo loxo a waxati ma.

<sup>11</sup> I xa ye fan litiri tagi maniya, i naxan minma loxo yo loxo a waxati.

<sup>12</sup> I xa taami yailan na mengi ra jama ya xori. I na gan mixi gbi ra.»

<sup>13</sup> Na temui Alatala naxa a masen, «Na kui Isirayilakae fama ne taami seniyantare donde jaman e gbete tagi, n e rayensenma dennaxe.»

<sup>14</sup> N naxa a yaabi, «N Marigi Alatala astofulahi! N tan luma seniyenye nan kui. Kabi n dimedi temui n mu sese raharamuxi don, alo sube naxan faxaxi a yete ma, xa na mu a ra sube naxan iboxi sube xaape nde saabui ra.»

<sup>15</sup> Na nan a ra, a naxa a fala n be, «Awa yire, i i xa taami ganma ninge jape nan fari, n bara mixi gbi fe lu na.»

<sup>16</sup> Na temui a naxa a fala n be, «Adamadi, n mu tinma baloe xa Darisalamu li. Taakae fama donse nun ye sotode a xuri xuri nan na, e fa lu toore nun kontofili kui.

<sup>17</sup> Baloe nun ye xurunma ne e yi, e fate jon e gaaxu e bore tofe ra. Na birin e lima e xa yunubi nan xa fe ra.»

## 5

### *Isirayila xa jaxankate*

<sup>1</sup> «I tan adamadi, i xa i xunyi nun i dexabe bi. I na ge na rabade, i xa na xunsexe nun na dexabe itaxun doxo saxan na.

<sup>2</sup> Darisalamu xa suxui xi konti na ge kamalide, i xunsexe nun dexabe doxo keren gan taa pirinti ma. I xa doxo keren maxaba santidegema ra pirinti rabilinyi ma. I xa doxo keren woli koore ma, foye xa a rayensen. Na birin a masenma ne n fama i keride santidegema ra ki naxe.

<sup>3</sup> Kono i xa xunsexe dondoronti tongo, i nee noxun i xa dugi kui.

<sup>4</sup> I man xa xunsexe nde woli te xora, naxan a masenma yi jaxankate fama ne dinde Isirayila bonsae birin na.»

<sup>5</sup> «N tan Marigi Alatala nan yi masenxi: Darisalamu nan ya n naxan doxo sie tagi. Namanee nan na a rabilinyi birin ma.

<sup>6</sup> Kono a bara muruta n ma seriye nun n ma yaamarie ma a xa jaxuxa kui. A bara a kobe raso n na, a gbilen n foxo ra.»

<sup>7</sup> «N tan Marigi Alatala nan yi masenxi: Wo bara ꝓaaxu dangife wo dɔxɔbooree birin na. Wo to mu tinxi birade n ma kira fɔxɔ ra, wo mu n ma seriye suxu. Hali wo dɔxɔbooree xa seriye, wo mu a binyama.»

<sup>8</sup> «N tan Marigi Alatala nan yi masenxi: N tan bara ti wo kanke Darisalamukae. N fama ne wo ꝓaxankatade sie ya xɔri.

<sup>9</sup> Wo to bira kuye xɔnxie batufe ra, n fe rabama ne wo ra n mu naxan singe rabaxi, n mu naxan nabama yare.

<sup>10</sup> Wo babae fama ne e xa die donde, wo xa die fama ne e babae donde. N wo ꝓaxankatama na ki ne, naxee luxi n fa e rayensen ꝓamanee ma.»

<sup>11</sup> «N tan Marigi Alatala n bara n kali: Wo to n ma hɔrɔmɔbanxi rafe kuye ꝓaaxie ra, wo fa batui raba n naxan xɔnxi, n na n ma hinne bama ne wo yi ra, n mu kinikinima wo ma, n mu wo rakisima fefe ma.

<sup>12</sup> Wo xa ꝓama dɔxɔ keren faxama ne wuganyi nun kaame ra. A dɔxɔ firin nde faxama santidegema nan na taa fari ma. A dɔxɔ saxan nde rayensen ye ꝓamanee ma, n e keri santidegema ra.»

<sup>13</sup> «Na temui, n ma xɔne danma ne. N gbe fama ne ꝓɔxɔde na kui. N na xɔnɔ e ma na ki, e fama ne a kolonde n tan Alatala bɔpe na ki naxe.

<sup>14</sup> N i findima yire kanaxi nan na, si gbete na naa to, e fa wo mabere.

<sup>15</sup> N na ge wo ꝓaxankatade n ma xɔne kui, e fe ꝓaaxi falama ne wo xun ma, e wo konbi. Wo findima masenyi magaaxuxi nan na sie be naxee na wo rabilinyi. Wo Marigi Alatala xui nan na ki.»

<sup>16</sup> «N na n ma xali faxatise wolima ne wo ma, naxan lanxi kaame ma. Nee wolima ne alako n xa wo sonto. N luma ne wo xa kaame xun masa ra, wo xa baloe xa non feo.

<sup>17</sup> N kaame radinma ne wo ma, n sube xaapee xee ma ne wo yire. Na birin wo xa die sontoma ne. Wuganyi, faxe, nun gere mu nonma wo tagi. Wo Marigi Alatala xui nan na ki.»

## 6

### *Naxankate geyae fari*

<sup>1</sup> Alatala naxa yi masenyi ti n be,

<sup>2</sup> «Adamadi, i ya rafindi Isirayila geyae ma, i xa n xui radangi e ma.

<sup>3</sup> I xa a fala, «Isirayilakae, wo wo tuli mati wo Marigi Alatala xa masenyi ra. N naxe wo tan naxee na geyae fari nun gulunbae kui, n fama ne wo sontode santidegema ra, n wo xa kuye batudee kana.

<sup>4</sup> Wo xa serexebadee kanama ne, wo xa surayi serexebadee yensen, wo faxa wo xa kuyee ya xori.

<sup>5</sup> N wo tan Isirayilakae binbie luma ne na serexebadee rabilinyi, wo xorie rayensenma ne naa.

<sup>6</sup> Wo sabati dede, wo xa taae nun wo xa batudee kanama ne. Wo xa serexebadee nun wo xa kuyee butuxunma ne, wo xa surayi serexebadee rabira. Wo xa wali birin xun nakanama ne.

<sup>7</sup> Mixi gbegebe na faxa wo ya ma, wo fama a kolonde a Alatala na n tan nan na.»

<sup>8</sup> «Kono n wo donxose ratangama ne santidegema ma, n fa wo lu pamanee ma.

<sup>9</sup> Na temui wo xa mixi naxee xaninxi konyiya kui, e fama ne ratude n ma. E fa e xa yanfanteya kolon n mabiri, e xa bire kuyee foxo ra, na birin bara n boje toro. E na fahaamui soto e xa jaaxuna ma, e boje fan toroma ne.

<sup>10</sup> Na temui e a kolonma ne a Alatala na n tan nan na. N mu woyenxi fufafu ra n to yi gbaloe fe fala e be.»

<sup>11</sup> «Wo Marigi Alatala xa masenyi nan ya: Wo wo belexe bonbo, wo wo sanyi ramaxa, a falafe ra, <Isirayila bonsoe xa jaaxuna birin bara a niya e xa faxa gere, kaame, nun wuganyi ra.

<sup>12</sup> Naxee makuya, wuganyi nan nee faxama. Naxee makore, nee faxama gere nan kui. Naxee na ratanga na gbaloe ma, kaame nan nee fan faxama. N na n ma xone fulunma ne e xili ma.

<sup>13</sup> E na e xa mixi binbie to e xa kuyee seeti ma na serexebadee yire geyae fari wurie bun ma e nu surayi fanyi ganma dennaxe serexe ra e xa kuyee be, e a kolonma ne a n tan nan na Alatala ra.

<sup>14</sup> N fama ne n belexe italade e xili ma, e xa boxi fa kana kelife gbengberenyi ma han Dibila. Na kui e a kolonma ne a n tan nan na Alatala ra.»

## 7

### *Isirayila xa fe rajonyi*

<sup>1</sup> Alatala naxa a masen n be, a naxe,

<sup>2</sup> «I tan adamadi, wo Marigi Alatala xui nan yi ki Isirayila bonsoe be, <Wo xa fe rajonyi bara wo xa boxi tunxun naani birin li!

<sup>3</sup> A gbe mu luxi n xa n ma xone radin wo ma, wo xa wo xa wali jaaxi sare soto, wo xa fe xa jon.

<sup>4</sup> N mu kinikinima wo ma fefe ma. N wo xa wali kobi birin nagbilenma ne wo ma. Na kui wo fama ne a kolonde n tan nan na Alatala ra.»

<sup>5</sup> «Wo Marigi Alatala xui nan yi ki, wo xa gbaloe magaaxuxi bara wo li.

<sup>6</sup> Wo xa fe ranonyi bara fa, a bara wo yire li, a bara keli wo xili ma!

<sup>7</sup> Fe xoxoxe bara wo li, wo tan naxee sabatixi Isirayila boxi ma. N ma kiiti loxoe bara fa. Seewe bara masara kontofili ra wo xa geyae fari.

<sup>8</sup> A gbe mu luxi n xa n ma xone radin wo ma a jaaxi ra. N wo makiitima ne wo xa wali jaaxi xa fe ra, n wo xa yunubie sare ragbilen wo ma.

<sup>9</sup> N mu kinikinima wo ma fefe ma. N wo xa wali kobi birin nagbilenma ne wo ma. Na kui wo fama ne a kolonde n tan nan na Alatala ra.»

<sup>10</sup> «Na loxoe nan yi ki! Gbaloe bara ramini alo fuge minima sansi wuri ma ki naxe. Wo xa yete igboja bara dange.

<sup>11</sup> Wo xa fe kobi bara findi luxusinyi ra n belexe kui. Nama yo mu luma wo xonyi, e harige birin jonma ne.

<sup>12</sup> Kiiti waxati bara fa, na loxoe bara a li. Saresoe naxa seewa, saremati naxa sunnun, barima Alatala xa xone na tefe nama birin xili ma.

<sup>13</sup> Saresoe mu sese fima sarematie ma e xa dunipeigiri kui, barima Ala xa nate mu masarama. E birin faxama ne e xa yunubie xa fe ra.

<sup>14</sup> Hali e sara fe, e gere fe yailan, mixi yo mu sigama gere sode barima n ma xone bara din e

birin na sinnanyi ma.»

<sup>15</sup> «Gere na taa fari ma, wuganyi nun kaame na taa kui. Naxan na daaxa na faxama gere nan kui, naxan na taa kui na kanyi faxa kaame nun wuganyi ra.

<sup>16</sup> Naxee na ratanga na ma, nee sa e nɔxunma geyae nan fari. E wama ne alo kolokonde e xa yunubie xa fe ra.

<sup>17</sup> E senbe ɲɔnma ne, e xinbie rakori.

<sup>18</sup> E sunnunyi dugi nan nagoroma e ma, e e xunyi nun e dexabe bi yaagi kui.

<sup>19</sup> E gbeti nun xεεma wolima ne tande alo se seniyentare, kɔnɔ na sese mu findima kisi ra e be Ala xa xɔne lɔxɔe. Na naafuli mu findima donse ra e be, barima a findi ne e ratantanse ra.

<sup>20</sup> E nu bara ɲelɛxin e xa xunmase fanyie ra, e naxee rawalixi kuye ɲaaxie yailanfe ra. Na kui n nee findima ne se seniyentaree ra,

<sup>21</sup> n nee so e yaxui ɲaaxie yi ra naxee e rawalima fe kobi ra ɲamanε ma.

<sup>22</sup> N na n kobe soma ne e ra. E fama ne sode n ma hɔrɔmɔbanxi kui, e fe seniyentare raba naa, e n ma see muɲa.»

<sup>23</sup> «Yɔlɔnɔnyie xa yailan, barima wo xa bɔxi rafexi suute nun faxetie nan na.

<sup>24</sup> N mixi ɲaaxie nan nafama kelife ɲamanεe ma, alako e xa wo xa banxie tongo, e xa wo rayaagi, e xa wo xa batudee mabere.

<sup>25</sup> Fe xɔrɔxɔe na wo li, wo bɔɲesa fenma ne, kɔnɔ wo mu na toma fefe ma.

<sup>26</sup> Gbaloe luma fa ra ne a bore fɔxɔ ra. Wo luma ne fe xɔrɔxɔe me ra. Wo xibaaru fanyi

fenma ne namijonme ra, konɔ marasi yo mu luma serexedubee nun forie yi ra.

<sup>27</sup> Mange luma ne sunnun na, a xa kuntigie nimisa, a xa jama birin seren gaaxui kui. N e makiitima e jere ki nan ma, alo e darixi a ra ki naxe. Na temui e a kolonma ne n tan nan na Alatala ra.»

## 8

### *Kuye batufe Ala xa hɔrɔmɔbanxi kui*

<sup>1</sup> A je senni nde, kike senni, xi suuli nde ra, n nu doxi n ma banxi nan kui, Yuda forie fan nu na n seti ma. Na temui Muxu Marigi Alatala naxa a senbe masen n be.

<sup>2</sup> N naxa laamatunyi to naxan lanxi xeme nde ma naxan sanyie nu luxi alo te, a kanke nu yanbama alo bafata raxunuxi.

<sup>3</sup> A naxa a belexe itala, a n xunsexe suxu. Ala Xaxili Seniyenxi naxa n tongo, a n ite koore nun boxi tagi, a fa laamatunyi masen n be. N naxa Ala xa hɔrɔmɔbanxi to Darisalamu. N to na sode de li naxan nu na koola ma, n naxa kuye nde to naa naxan Ala raxonoma.

<sup>4</sup> Isirayila Marigi Ala xa nore fan nu na menni, alo n a to ki naxe a singe ra fili ma.

<sup>5</sup> Ala naxa a masen n be, «I tan Adamadi, i ya ti koola biri ra.» N to n ya rasiga naa, n naxa na kuye to hɔrɔmɔbanxi sode de koola biri ra, naxan Alatala raxonoma.

<sup>6</sup> Ala naxa a masen n be, «Adamadi, i bara Isirayila bonsoe xa wali jaaxi to, wali naxan a niyama n xa n makuya n ma hɔrɔmɔbanxi ra? I fama ne fe gbete tode naxee jaaxu na be.»



<sup>7</sup> Ala naxa n xanin hōrōmōbanxi sode dε gbete ra. Menni n naxa yale nde to tete ma.

<sup>8</sup> A naxa a masen n be, «Adamadi, i xa na yale raxungbo.» N to na raba, n naxa naade nde to.

<sup>9</sup> A naxa a masen n be, «I xa so naa jama xa wali jaaxi matode.»

<sup>10</sup> N to so menni kui, n naxa bubusee, sube raharamuxie, nun Isirayila bōnsōe xa kuye birin xa pirinti to na banxi xale rabilinyi ma.

<sup>11</sup> Isirayila fori tongo solofere nun Safan xa di Yaasaniya nu na menni, surayi ganse suxuxi kankan yi ra, tuuri nu fa te a fa menni rafe.

<sup>12</sup> Ala naxa a masen n be, «Adamadi, i bara Isirayila bōnsōe forie xa wali to, e naxan nabafe dimi kui e xa kuyee ra? E naxe, «Alatala mu won toxi feo. A bara won ma bōxi rabolo.»

<sup>13</sup> Ala man naxa a masen n be, «I fama ne fe gbete tode naxee jaaxu na be.»

<sup>14</sup> Na temui a naxa n xanin Alatala xa hōrōmōbanxi sode dε ra kōola mabiri. N naxa ginε ndee li menni, e dōxōxi, e jōnfe rabafe kuye nde be naxan xili Tamusu.

<sup>15</sup> A naxa a masen n be, «Adamadi, i bara a to? I fama ne fe gbete tode naxee jaaxu na be.»

<sup>16</sup> A naxa n naso Alatala xa hōrōmōbanxi xa tete kui. N naxa mixi mōxōjen nun suuli to hōrōmōbanxi sode dε ra, gbutunyi nun serexebade tagi, e kobe soxi Alatala xa banxi ra, e ya rafindixi sogetede ma e nu suyidi soge be.

<sup>17</sup> Ala naxa a masen n be, «Adamadi, i bara a to? Fe xuri di nan yi ra Yudayakae na naxee rabafe be? E man na fe jaaxi nan nabama bōxi birin kui, fe naxan n naxōnōma han. A mato e na kuye salonsee sunbufe ki naxe.

18 Na kui n na n gbe ɲɔxɔma n ma xɔnɛ kui. N mu kinikinima e ma, n mu gbilenma na ɲaxankate fɔxɔ ra. Hali e n maxandi e xui itexi ra, n mu n tuli matima e ra fefe ma.»

## 9

### *Kuye batuie xa faxe*

<sup>1</sup> Na temui n naxa Ala xui itexi mɛ, a naxɛ, «Taa kantamae, wo xa fa wo xa geresosee ra!»

<sup>2</sup> Xɛmɛ senni naxa mini naadɛ fuge biri ra, naadɛ naxan ya rafindixi kɔɔla ma, birin nun a xa geresose ra a bɛlɛxɛ i. Xɛmɛ gbɛtɛ nu na e ya ma, dugi fiixɛ ragoroxi a ma, sɛbeli ti se nu na a bɛlɛxɛ i. E naxa fa, e ti sɛrɛxɛbade fɛ ma, naxan yailanxi wure gbɛli ra.

<sup>3</sup> Isirayila Marigi Ala xa nɔrɛ naxa keli malekɛɛ sawurɛ xun, a nu magoroxi naxee fari, a a xun ti banxi sode dɛ ra. Alatala naxa na xɛmɛ xili dugi fiixɛ ragoroxi naxan ma, sɛbeli ti se nu na naxan bɛlɛxɛ,

<sup>4</sup> a a masen a bɛ, «I xa i ɲɛrɛ Darisalamu taa kui tɔnxuma safe ra xɛmɛɛ birin tigi ra, naxee na tɔɔɔfɛ, naxee na wafe yi fe ɲaaxie xa fe ra naxee rabama Darisalamu.»

<sup>5</sup> A man naxa a masen a booree bɛ n ya xɔri, «Wo bira yi xɛmɛ fɔxɔ ra, wo xa faxɛ ti kinikinitareɲa kui!

<sup>6</sup> Wo xa mixi birin faxa, forie, sɛgɛtalae, sung-butunyie, ginɛ nun dimɛdie. Kɔnɔ tɔnxuma na naxee tigi ma, wo nee lu na! Wo xa yi wali folɔ n ma hɔrɔmɔbanxi seniyeɲxi yire.» Na kui e naxa na forie faxa naxee nu tixi hɔrɔmɔbanxi ya ra.

<sup>7</sup> A man naxa a masen e be, «Hali a findixi fe seniyantare nan na, wo xa n ma hōrōmōbanxi xa tete rafe binbie ra! Yakosi, wo siga!» Na kui e naxa mini, e faxe belebele ti taa kui.

<sup>8</sup> E nu faxe tima temui naxe, n naxa n felen bōxi ma n keren. N nu n mawafe Ala be a falafe ra, «N Marigi Alatala, i wama Isirayila bōnsōe birin sōntofe ne i xa xōne kui naxan na tefe Darisalamu taa kui?»

<sup>9</sup> A naxa n yaabi, «Isirayila nun Yuda bōnsōe xa yunubi gbo! E luma faxe ti ra temui birin, e fe tinxintaree raba bōxi birin kui. E naxe, <Alatala bara yi bōxi rabolo, a mu won ma fe toma sōnōn.>

<sup>10</sup> Na kui n mu kinikinima e ma fefe ma. N e xa wali jaaxi sare ragbilenma ne e ma a xōrōxōe ra.»

<sup>11</sup> Na temui na xeme dugi fiixe ragoroxi naxan ma, sebeli ti se suxuxi naxan yi ra, a naxa gbilen, a dentege sa a xema be, «N bara ge i xa yaamari rabade.»

## 10

### *Ala xa nōre xa keli a xa hōrōmōbanxi xun*

<sup>1</sup> Na laamatunyi kui n naxa kibanyi nde to malekee xun ma naxan nu luxi alo diyaman maniyē.

<sup>2</sup> Alatala naxa a masen xeme be dugi fiixe nu ragoroxi naxan ma, «I xa so malekee bun ma, sanyi radigilinxie na dennaxe, i xa te wolee tongo, i e rayensen taa ma.» A naxa na raba n ya xōri.

<sup>3</sup> Na malekee nu tixi hōrōmōbanxi yirefanyi ma na xeme so temui naxe. Kunda nu na hōrōmōbanxi tete kui.

<sup>4</sup> Alatala xa nɔrɛ naxa keli na malekɛɛ xun ma, a siga hɔrɔmɔbanxi sode dɛ ra. Kunda naxa hɔrɔmɔbanxi rafe, Alatala xa nɔrɛ xa yanbɛ fanyi nu na tɛtɛ birin kui.

<sup>5</sup> Na malekɛɛ gabutenyie xui nu mɛma boore tɛtɛ kui, a nu gbo alɔ Ala Sɛnbɛma wɔyɛn xui.

<sup>6</sup> Alatala to xɛmɛ yamari, dugi fiixɛ nu ragoroxi naxan ma, a xa tɛ wolee tongo se digilinxiɛ tagi malekɛɛ bun ma, a naxa so, a sa ti naa.

<sup>7</sup> Na malekɛ keren naxa tɛ wole ndee kɔ, a a sa na xɛmɛ bɛlɛxɛ i. Na naxa a rasuxu, a mini.

<sup>8</sup> Mixi bɛlɛxɛ maniyɛ nan nu minima na malekɛɛ gabutenyie bun ma.

<sup>9</sup> N naxa sanyi radigilinxi naani to malekɛɛ fɛ ma, keren keren nu na kankan bun ma. E nu mayanbama alɔ diyaman maniyɛ.

<sup>10</sup> Na sanyi radigilinxi naani birin nu maniya, kankan luxi alɔ a nu na sanyi radigilinxi gbɛtɛ nan kui.

<sup>11</sup> E nɛ sigama, malekɛ yatagi nu tixi dɛnnaxɛ ra e nu e jɛrɛma mɛnni biri nɛ, hali na sanyi to nu a mafindima.

<sup>12</sup> Yae nu na na malekɛ naanie birin fateɛ ma, a nun e farie ma, e bɛlɛxɛɛ ma, e gabutenyie ma, nun e sanyi radigilinxi naanie ma

<sup>13</sup> N naxa a mɛ, e na sanyi radigilinxiɛ xilima «sanyi firi firi.»

<sup>14</sup> Yatagi naani nan nu na na malekɛɛ birin bɛ. Keren nu luxi nɛ alɔ malekɛ yatagi, a firin nde nu luxi nɛ alɔ mixi yatagi, a saxan nde nu luxi nɛ alɔ yetɛ yatagi, a naani nde nu luxi nɛ alɔ sɛgɛ yatagi.

<sup>15</sup> Na tɛmɔi na malekɛɛ naxa keli. E nu maniyaxi na daalisee nan na n nu bara naxee to Kebara xure dɛ ra.

<sup>16</sup> Na malekɛɛ nɛ e ɲɛrɛma, e nun na sanyi radigilinxiɛ nan a ra. E na e gabutenyiɛ itala e xa keli, e nun na sanyie nan a ra.

<sup>17</sup> E na ti, e nun e sanyie nan a ra, e na te, e nun e sanyie nan a ra, barima na daalisee nii nu na e sanyi radigilinxiɛ nan kui.

<sup>18</sup> Na tɛmɔi Alatala xa nɔrɛ naxa keli hɔrɔmɔbanxi sode dɛ ra, a sa a magoro na malekɛɛ xun ma.

<sup>19</sup> E naxa e gabutenyiɛ itala, e keli bɔxi ma n ya xɔri e nun e sanyi radigilinxiɛ ra. E naxa e sa ti Alatala xa hɔrɔmɔbanxi dɛ ra sogetede biri ra. Isirayila Marigi Ala xa nɔrɛ nu na e xun ma.

<sup>20</sup> A rapɔnyɛ n naxa a kolon n na daalise naani n naxee toxi Kebara xure dɛ ra, e nu maniyaxi malekɛɛ nan na.

<sup>21</sup> Yatagi naani nun gabutenyi naani nu na e birin ma. Belexɛɛ fan nu na e gabutenyiɛ bun ma.

<sup>22</sup> E yatagie nu maniyaxi yatagie nan na n naxee to Kebara xure dɛ ra. E birin nu sigama yare nan tun.

## 11

*Darisalamu xa ɲaxankate nun Isirayila xa bɔɲɛ masarɛ*

<sup>1</sup> Na tɛmɔi Ala Xaxili Seniyɛnxi naxa n tongo menni, a n xanin Alatala xa hɔrɔmɔbanxi naade ra, naxan na sogetede biri ra. Xɛmɛ mɔxɔɲɛn nun suuli nu na menni. Nama kuntigie Asuru xa

di Yaasaniya nun Benaya xa di Pelataya fan nu na e ya ma.

<sup>2</sup> Alatala naxa a masen n be, «Adamadi, yi mixie na fe paaxi kui. E wama pama ratantanfe e xa marasi ra.

<sup>3</sup> E naxe, «Hali won mu banxi ti, barima yi taa luxi ne alo tunde won jinma naxan kui.»

<sup>4</sup> Na kui i tan adamadi, i xa n ma woyenyi radangi e ma.»

<sup>5</sup> Na temui Alatala Xaxili Seniyenxi naxa goro n ma, a yi masenyi ti n be n xa a radangi e ma, «Alatala xa masenyi nan ya: Wo tan Isirayila bonsoe, n wo xa mapoxunyi kolon.

<sup>6</sup> Wo bara mixi gbegbe faxa yi taa kui, wo bara e binbie lu kira ra.

<sup>7</sup> Na kui n tan, wo Marigi Alatala yi nan masenxi: Wo binbie naxee wolixi kira ra, e findixi subee nan na naxan fama gande yi tunde kui, konon wo tan kerima ne.

<sup>8</sup> Wo to gaaxuxi gere ya ra, n gere rafama ne wo ma! N tan Alatala xui nan ya.

<sup>9</sup> N wo raminima ne taa kui, n wo sa si gbete sagoe. Na nan findima wo xa jaxankate ra.

<sup>10</sup> Wo faxama gere nan kui Isirayila naaninyi ra. Na kui wo a kolonma ne a n tan nan na Alatala ra.

<sup>11</sup> Yi taa mu findima wo be tunde ra, wo tan mu findima sube ra naxan ganma be taa kui. N wo tan makiitima Isirayila naaninyi nan na.

<sup>12</sup> Wo a kolonma ne a n tan nan na Alatala ra, wo tondi birade naxan xa yaamarie foxo ra. Wo bara n ma seriye rabolo, wo bira si gbete xa seriye foxo ra.»

13 N to γε na masenyi falade, Benaya xa di Pelataya naxa faxa. N naxa n yatagi rafelen bɔxi ma keren na, n fa a fala n xui itexi ra, «N Marigi Alatala, i wama Isirayila mixi dɔnxɔe birin sɔntɔfe nɛ?»

14 Alatala naxa n yaabi,

15 «Adamadi, Darisalamukae na a falafe i baribooree nun Isirayila bɔnsɔe birin bɛ e xa e makuya Alatala ra, barima e naxɛ yi bɔxi findixi e gbe nan na.

16 Na kui i xa a fala e bɛ, «Alatala xa masenyi nan ya. Hali n e makuya, n e xanin pamanɛe ma, n luma nɛ e sɛɛti ma menni fan.»

17 «I xa yi masenyi ti: «Wo Marigi Alatala xa masenyi nan ya. N wo malanma nɛ kelife pamanɛe tagi wo yensenxi dennaxɛ, n man Isirayila bɔxi so wo yi ra.»

18 «E gbilenma nɛ e xa bɔxi ma, e fa kuye jaaxie birin ba naa.

19 N e bɔɔɛ findima bɔɔɛ keren nan na. N xaxili nɛɛnɛ so e yi ra. N e xa bɔɔɛ xɔɔɔɔe bama nɛ, n bɔɔɛ fanyi so e yi ra,

20 alako e xa bira n ma yaamarie fɔxɔ ra, e xa n ma seriye binya. E findima n ma pama nan na fa, n tan findi e Marigi Ala ra.

21 Kɔnɔ mixi naxee birama e xa kuye batufe fɔxɔ ra, n e xa wali jaaxi sare ragbilenma nɛ e ma. Alatala xui nan na ki.»

22 Na tɛmɛi na malekɛe naxa e gabutenyie itala nun e sanyi radigilinxie, Isirayila Marigi Alatala xa nɔɔɛ nu na e xun ma.

23 Alatala xa nɔɔɛ naxa keli taa kui, a sa a magoro geya fari naxan nu na sogetede.

<sup>24</sup> Na laamatunyi kui, Ala Xaxili Seniyenxi naxa n tongo menni, a n xanin Isirayila bõnsõe yire naxan nu na konyiya kui Kalide bõxi ma. Laamatunyi to jõn,

<sup>25</sup> n naxa Alatala xa masenyi birin nadangi e ma, a naxee masen n be.

## 12

### *Taali konyiya xa fe ra*

<sup>1</sup> Alatala naxa a masen n be, a naxe,

<sup>2</sup> «Adamadi, i na bõnsõe murutaxi nan tagi yi ki. E ya na na, kõõõ e mu se toma. E tuli na na, kõõõ e mu fe mema, barima bõnsõe murutela nan e ra.

<sup>3</sup> Adamadi, i naxan nabama, i xa kote yailan alo i na sigafe konyiya nan kui. I xa mini e ya xõri yanyi xare ra alo mixi suxuxi naxan xaninfe jamane ma. Na kui, hali e findixi bõnsõe murutaxi nan na, e fama ne fahaamui sõtode i xa taali kui.

<sup>4</sup> I xa i xa kote yailan yanyi ra e ya xõri. Nunmare temui i xa mini taa kui e ya xõri alo i na sigafe konyiya nan kui jamane ma.

<sup>5</sup> I xa yale ti taa tete ma e ya xõri, i fa mini na kui a nun i xa kote.

<sup>6</sup> I xa i xa kote dõxõ i tunki ma e ya xõri, i mini nunmare temui. I xa i yatagi makoto alako i naxa nõ bõxi tode. Na birin bara findi tõnxuma ra Isirayila bõnsõe be.»

<sup>7</sup> N naxa na raba alo Ala a masen n be ki naxe. N naxa n ma kote yailan yanyi xare ra. Nunmare ra, n naxa yale ti taa tete ma n belexe ra, n fa mini n ma kote ra e ya xõri.



<sup>8</sup> Na kuye iba, Alatala naxa n maxorin,

<sup>9</sup> «Adamadi, yi bõnsõε murutaxi mu i maxorin nu, i na fe naxan nabafe?»

<sup>10</sup> A fala e bε, «Alatala yi nan masenxi: Yi kiiti saxi Darisalamu mangεε nun Isirayila bõnsõε nan birin ma naxee sabatixi be.»

<sup>11</sup> A fala e bε, «N tan findixi wo bε tõnxuma nan na. N naxan nabaxi na ki, na nan fama rabade wo fan na. E wo suxuma nε, e wo xanin konyiya kui pamanε ma.»»

<sup>12</sup> «Mangε naxan na e xun ma, a a xa kote dõxõma a tunki nan ma nunmare temui, a a gi. E yale tima nε taa tete ma alako a xa mini na ra. A a yatagi makotoma nε alako a naxa bõxi to.

<sup>13</sup> N na n ma yeε italama nε a xun ma, n ma gantanyi a suxu. N a xaninma nε Babilõn, Kalidi bõnsõε xa bõxi ma, kõnõ a mu menni toma a ya ra. A faxama naa.

<sup>14</sup> N fama nε a xa mixi birin nayensende, a xa kuntigie nun a xa sõorie. N e birin nakerima nε santidegema ra.»

<sup>15</sup> «N na e keru pamanεε ma dunipa yire birin, e a kolonma nε na kui a n tan nan na Alatala ra.

<sup>16</sup> Kõnõ n mixi ndee ratangama nε e ya ma gere kui, n e ratanga kaameε nun wuganyi ma, alako e xa nõ e xa wali kobie mataalide si gbeteε bε e na lu dennaxe. E a kolonma nε a n tan nan na Alatala ra.»

<sup>17</sup> Alatala naxa a masen n bε, a naxe,

<sup>18</sup> «Adamadi, i nε i degema temui naxe, i xa seren gaaxui ra. I nε ye minma temui naxe, i imaxa kontofili ra.

<sup>19</sup> A fala pama bε, «Wo Marigi Alatala yi nan masenxi Darisalamukae nun Isirayilakae xa fe

ra. A naxe e e dɛgema gaaxui nan kui, e ye min kɔntɔfli ra, barima gbaloe jaaxi a niyama nɛ harige birin ba e xa bɔxi ma.

<sup>20</sup> Taae kanama nɛ, bɔxi xara. Na kui wo a kolonma nɛ a n tan nan na Alatala ra.»»

<sup>21</sup> Alatala naxa a masen n bɛ, a naxe,

<sup>22</sup> «Adamadi, munse na yi taali wɔyɛnyi ra, naxan na falafe wo tagi Isirayila bɔxi ma? Na taali naxe, <Lɔxɔɛɛ na e ikuyafe de, kɔnɔ Alatala xa laamatunyi mu kamalixi fefe ma.»

<sup>23</sup> A fala e bɛ, <Alatala yi nan masenxi: N fama nɛ na taali wɔyɛnyi ifale dande. Mixi yo mu na falama sɔnɔn Isirayila bɔxi ma.> A fala e bɛ, <A gbe mu luxi laamatunyi birin xa kamali.

<sup>24</sup> Wule laamatunyi nun wule masenyi jɔnma nɛ sematoe yi ra Isirayila bɔnsɔɛ ya ma.

<sup>25</sup> Kɔnɔ n tan Alatala na naxan masen, na kamalima nɛ a waxati ma. N fama n ma masenyi rakamalide wo tan murutelae nan bɛ. Alatala xui nan na ki.»»

<sup>26</sup> Alatala naxa a masen bɛ, a naxe,

<sup>27</sup> «Adamadi, Isirayila bɔnsɔɛ luma nɛ a fala ra i xa laamatunyi fe masen naxan buma a fa raba. A naxe namijɔnmɛ xa masenyi mu kamalima fo jɛ wuyaxi na dangi.

<sup>28</sup> Na kui, a fala e bɛ, <Alatala yi nan masenxi: N mu dugundima n ma masenyi rakamalide sɔnɔn. N naxan masenxi, na fama nɛ rabade. Alatala xui nan na ki.»»

## 13

### *Sematoe wule false*

<sup>1</sup> Alatala naxa a masen n bɛ, a naxe,

<sup>2</sup> «Adamadi, i xa masenyi ti n xili ra Isirayila namijonmɛɛ bɛ. A fala e bɛ, naxee masenyi tima e yetɛ bɔjɛ ma fe ma, i naxɛ, <Wo wo tuli mati Alatala xa masenyi ra!

<sup>3</sup> Alatala xa masenyi nan ya: Naxankatɛ na namijonmɛ wule falɛɛ bɛ, naxee birama e yetɛ xaxili foxɔ ra, e mu laamatunyi yo toxi.

<sup>4</sup> Isirayila, wo xa namijonmɛ wule falɛɛ luma nɛ alɔ xulumaseɛ banxi kanaxi kui.

<sup>5</sup> Wo mu Isirayila xa tɛtɛ yailanxi alako a xa ti gere kui Alatala xa lɔxɔɛ.

<sup>6</sup> E xa laamatunye findixi wule nan na. E xa masenyi mu findixi nɔndi ra fefe ma. E naxɛ, Alatala xui nan na ki, a fa li Alatala xa mu e xɛɛxi. E wama na xa kamali tun.

<sup>7</sup> Fu xa mu na wo xa laamatunye nun wo xa masenyie ra? Wo a falama, Ala xui nan na ki, a fa li n tan Ala xa xui mu a ra!»

<sup>8</sup> «Wo Marigi Alatala yi nan masenxi wo xa fe ra, a naxɛ: <N bara keli wo xili ma wo xa wule masenyie nun wo xa wule laamatunye xa fe ra. Alatala xui nan na ki.

<sup>9</sup> N na n bɛlɛɛ italama nɛ namijonmɛ wule falɛɛ bɛ, naxee wule laamatunye nun wule masenyie xa fe falama. E mu luma n ma pama kuntigie ya ma, e xili bama nɛ Isirayila xa taruxui kui, e mu soma Isirayila bɔxi ma sɔnɔn. Na kui wo a kolonma nɛ a n tan nan na Alatala ra.»

<sup>10</sup> «E to fa na n ma pama ralɔɛfe nɛ na ki a falafe ra, <Wo bɔjɛ xa sa,> kɔnɔ a fa li gbaloe na na. E tɛtɛ kobi nan ti, e fa a penti a fiixɛ ra.

<sup>11</sup> A fala e bɛ na tɛtɛ birama nɛ. Turunnaadɛ nun tunɛ xungbe na fa, balabalanyi goroma nɛ.

12 Na tete na bira, a mu falama xe wo be, <Wo mu a pentixi xe? Munse fa niyaxi?>>

13 «Wo Marigi Alatala yi nan masenxi: <N turunnaade xungbe radinma ne wo ma n ma xone kui, tune belebele nun balabalanyi sinma ne wo ma senbe ra, a kasare ti.

14 N tete rabirama ne, wo naxan pentixi, n a sanbunyi maba. A na bira wo ma, wo faxa a bun ma. Na temui, wo a kolonma ne a n tan nan na Alatala ra.

15 N na n ma xone birin naminima ne na tete ma, nun mixi naxee a pentixi. N a falama ne wo be, Tete mu na sonon, naxee fan a pentixi, nee fan mu na sonon.

16 Nee findixi na namironme wule false nan na, naxee nu woyenma Darisalamu xa fe ra, a bojesa xa fe fala e be, a fa li gbaloe nan tun nu na fafe e ma. Alatala xui nan na ki.>>

17 «Yakosi adamadi, i ya rafindi i xa jama xa gine dimedie ma, naxee namironme masenyi tima e yete boje ma fe ma. I xa masenyi ti e xili ma,

18 a falafe ra, <Alatala yi nan masenxi e be, «Naxankate na ginne be naxee belexekonnasoe yailanma karafili ra, xa na mu a ra e mafelenyie yailan mixi ratantanfe ra. Wo a mapoxunxi ne a wo na n ma mixie ratantan, wo mu toore sotoma na kui?

19 Wo bara n mabere donse di xa fe ra. Wo to wule fala n ma jama be naxan a tuli matima wule ra, wo bara mixi faxa naxan mu nu lanma a xa faxa, wo bara mixi lu naa naxan mu nu lanma a xa lu naa.>>>

20 «Wo Marigi Alatala yi nan masenxi: <Wo xa

karafilie mu rafan n ma, wo mixi ratantanma naxan na alo gantanyi sama xonie be ki naxe. N na karafilie bama ne wo belexe ra, n xoreya fima ne mixi ma wo naxan suxu gantanyi kui alo xonie.

<sup>21</sup> N wo xa mafelenyie bama ne wo ma, n na n ma jama ba wo xa noe bun ma. Na kui wo a kolonma ne a n tan nan na Alatala ra.

<sup>22</sup> Wo bara limaniya ba tinxintoe yi ra wo xa wulee ra, n nu wama naxan malife. Wo bara tinxintare rasi e xa lu e xa fe jaaxie kui, n nu wama naxan nakisife.

<sup>23</sup> Wo to na mooli raba, wo mu wule masenyi tife sonon, wo mu luma sematoc xa wali kui. N fama ne n ma jama ratangade wo belexe. Na kui wo a kolonma ne a n tan nan na Alatala ra.»

## 14

### *Ala xa kate Isirayila boje ragbilenfe a ma*

<sup>1</sup> Isirayila fori ndee naxa fa n xonyi. E to doxo,

<sup>2</sup> Alatala naxa a masen n be,

<sup>3</sup> «Adamadi, yi mixie bara kuyee fe tongo e a sa e nii ra, e fe jaaxie suxu naxee e rabirama. A lanma n xa tin e xa n maxandi?

<sup>4</sup> A fala e be, <Wo Marigi Alatala xa masenyi nan ya: Isirayilaka naxan yo kuye fe sa a nii ra, a fe jaaxi suxu naxan a rabirama, a na siga namiponme yire Ala maxandide, n a xa duba mafindima a xa yunubi raba xasabi nan ma.

<sup>5</sup> N yi rabama ne alako n xa Isirayila bonsoc boje rafindi n ma, hali e to bara e makuya n na e xa kuye batufe ra.»

<sup>6</sup> «A fala Isirayila bɔnsɔɛ bɛ, <Wo Marigi Alatala xa masenyi nan ya: Wo tuubi, wo gbilen wo xa kuye batufe fɔxɔ ra, wo wo kobe so wo xa fe ɲaaxie ra!

<sup>7</sup> Isirayilakae birin, xa na mu a ra wo xa xɔɲɛɛ, mixi yo naxan kuye fe sama a nii ra, a fe ɲaaxi suxu naxan a rabirama, na kanyi na siga namijɔnmɛ yire n maxandife ra, n tan Alatala yati fama na kanyi yaabide.

<sup>8</sup> N tima nɛ a kanke, n a findima misaali nan na ɲama bɛ, a xili findi konbi ra e ya ma. N a kerima nɛ n ma ɲama ya ma. Na kui wo a kolonma nɛ a n tan nan na Alatala ra.»

<sup>9</sup> «Xa na namijɔnmɛ fa tin masenyi falade n xili ra, n tan yati bara a madaxu a xa na raba. Na kui n na n bɛlɛxɛ itala a xili ma, n a xa fe xun nakana n ma ɲama Isirayila ya ma.

<sup>10</sup> E bara yunubi sɔtɔ na kui, namijɔnmɛ yo, nun mixi yo naxan maxandi tima a saabui ra.

<sup>11</sup> Na temui Isirayila bɔnsɔɛ mu luma e makuya ra n na, e seniyɛntareɲa bɛɲinma nɛ. E findima nɛ n ma ɲama ra, n fan findi e Marigi Ala ra. Alatala xui nan na ki.»

<sup>12</sup> Alatala naxa a masen n bɛ, a naxɛ,

<sup>13</sup> «Adamadi, xa ɲama nde n bɛɲin e xa yunubie xa fe ra, n fama nɛ n bɛlɛxɛ italade e xili ma, n e xa baloe ɲɔn, n kaamɛ radin e ma, n e xa mixie nun e xa xurusee faxa.

<sup>14</sup> Hali Annabi Nuha, Annabi Daniyɛli, nun Annabi Ayuba nu na e ya ma nu, ɲama nɔma kiside e xa tinxinyi gbansan nan saabui ra. Alatala xui nan na ki.»

15 «Xa n sube xaapɛe radin na bɔxi ma e xa dimɛe faxa, mixi birin xa keli naa na subee xa fe ra,

16 hali na namijɔnmɛ saxan sa lu naa, n tan wo Marigi Alatala bara n kali, pama mu nɔma e xa die rakiside. Na namijɔnmɛe gbansan nan kisima, bɔxikae tan lɔɛ.»

17 «Xa n gere rabula na bɔxi ma, n fa a fala <Santidegema xa be kana,> n fa a niya na bɔxikae nun e xa xurusee birin xa sɔntɔ,

18 hali na namijɔnmɛ saxan sa lu naa, n tan wo Marigi Alatala bara n kali, pama mu nɔma e xa die rakiside. Na namijɔnmɛe gbansan nan kisima.»

19 «Xa n wuganyi radin na bɔxi ma e xa mixi birin nun e xa xurusee faxa fe ra n ma xɔnɛ xa fe ma,

20 hali Annabi Nuha, Annabi Daniyeli, nun Annabi Ayuba sa lu naa, n tan wo Marigi Alatala bara n kali, pama mu nɔma e xa die rakiside. Nama nɔma kiside e xa tinxinyi gbansan nan saabui ra.»

21 «Wo Marigi Alatala xa masenyi nan ya: Wo xa fe xɔrɔxɔma nɛ dangife na tan na n na n ma kasare naani ti wo be, naxee findixi gere, kaame, sube xaapɛe, nun wuganyi ra. Na birin wo xa mixie nun wo xa xurusee sɔntɔma nɛ.

22 Kɔnɔ wo xa di ndee fama nɛ ratangade na ma. E fama nɛ wo yire, wo fa sɛɛwa e jɛrɛ ki matofe ra, wo fa madundu gbaloe xa fe ra n naxan nagirixi Darisalamu ma.

23 Wo madundui sɔtɔma nɛ e jɛrɛ ki matofe ra, barima wo fama nɛ a kolonde a n na birin

naba fe nde nan ma. Wo Marigi Alatala xui nan na ki.»

## 15

### *Darisalamu xa naxankatε*

<sup>1</sup> Alatala naxa a masen n be, a naxe:

<sup>2</sup> «Adamadi, weni bili fan fotonyi wuri salonyi be?»

<sup>3</sup> Weni bili wuri rawalima a xa findi se gbaku se ra, xa na mu a ra se gbete naxan tide na na?

<sup>4</sup> Na wuri mooli na gan, keli a xunyi ma han a sa doxo a xore ra, a noma rawalide se nde ra fa?

<sup>5</sup> Xa a mu nu noma rawalide se nde ra a to nu sixi, a na gan, tide yo mu luma a ma sonon.»

<sup>6</sup> «Na kui, wo Marigi Alatala xa masenyi nan ya: N fe rabama ne Darisalamukae ra, alo n fe naxan naba na weni bili wuri ra n naxan ganxi.

<sup>7</sup> N tima ne e kanke. Hali e mini te i, na te fanma e donde. N na ti e kanke ma, wo a kolonma ne a n tan nan na Alatala ra.

<sup>8</sup> N e xa boxi xun nakanama ne, barima e bara n yanfa. Alatala xui nan na ki.»

## 16

### *Isirayila xa yene Ala mabiri*

<sup>1</sup> Alatala naxa yi masenyi ti n be, a naxe:

<sup>2</sup> «Adamadi, Darisalamu rakolon a xa fe kobie ra.

<sup>3</sup> A fala a be, <I Marigi Alatala yi nan masenxi: I barixi Kanaan boxi nan ma, Amorika nan nu na i baba ra, i nga findixi Xitika nan na.



4 I barixi λοxοε naxe, mixi yo mu wo furixuli xaba, e mu i maxa ye nun φοxε ra alako i xa seniyen, e mu i mafilin dugi kui.

5 Mixi yo mu kinikini i ma na fe mooli rabafe ra. E i woli burunyi, barima i nu maḡaaxin birin be.»»

6 «N nu na dangife i yire temui naxe, n naxa i to i na i nii magagafe i saxi wuli xora. N naxa a fala i be, <I xa kisi.>

7 N naxa i ramο alo sansi moma ki naxe. I bara findi ginεdimedi tofanyi ra. I fate bara mo, i xunxexe bara kuya, kono han na temui dugi mu nu ragoroxi i ma. I mageli nan nu a ra.»

8 «Temui nde to dangi, n naxa a to i findixi sungbutunyi ra. Na kui n naxa n ma dugi sanbunyi felen i ma i suturafe ra, a findi saate ra won tagi. Na kui i findixi n tan nan gbe ra, i Marigi Alatala.»

9 «N naxa i maxa ye ra, n wuli ba i ma, n fa ture xiri fanyi so i ma.

10 N naxa dugi fanyi dege i be, n na ragoro i ma. N naxan sankiri fanyi so i sanyi.

11 N naxa i raxunma belexe rasoe nun konmagore ra.

12 N naxa xurunde sa i noε ra, n tulirasoe sa i tulie ra, n mangε tonxuma dusu i xun na.

13 I nu raxunmaxi xεema nun gbeti nan na, i nu maxirixi dugi tofanyie nan na, i nu donse fanyi donma naxan findi kumi nun ture ra. I xa tofanyi xun nu fa masa tun, mangeya naxa radaxa i be.

14 I xili naxa din ḡamanεe ra i xa tofanyi xa fe ra, barima tofanyi kamalixi nan nu a ra i xa noε

saabui ra n naxan fixi i ma. Alatala xui nan na ki.»

<sup>15</sup> «Kɔnɔ na tɛmɔi i naxa la fɔlɔ i xa tofanyi nun i xili fanyi ra, i fa so langoeɲa rabafe. I nu i yete soma mixi birin yi ra, i lu e sagoe.

<sup>16</sup> I naxa i xa dugi tofanyie itala geya fari i langoeɲa raba dennaxe. Na fe mɔɔli mu lanma feo. Na rabafe mu fan.

<sup>17</sup> I naxa i xa xunmase xεema nun gbeti daaxie tongo, n naxee fixi i ma, i e yailan kuye xεmεe ra, i fa langoeɲa raba nee ra.

<sup>18</sup> I naxa i xa dugi tofanyie ragoro e ma, i fa n ma ture nun n ma surayi ba serεεe ra e bε.

<sup>19</sup> N donse naxan so i yi ra, i bara na taami fanyi, na ture, nun na kumi birin ba serεεe gan daaxi ra e bε. I na nan nabaxi. Alatala xui nan na ki.»

<sup>20</sup> «I naxa i xa die tongo, n naxee fixi i ma, i e fan ba serεεe ra na kuyee bε. I xa langoeɲa mu nu i wasama nu?

<sup>21</sup> I bara n ma die kɔn naxaba, i e ba serεεe ra kuyee bε!

<sup>22</sup> I xa fe kobie nun i xa langoeɲa birin kui, i mu ratu a ma n naxan nabaxi i bε i mageli to nu a ra, i nu i nii magagafe i wuli xɔɔra tɛmɔi naxe?»

<sup>23</sup> «Naxankate na i bε! Alatala xui nan na ki. Safe i xa wali ɲaaxi xun ma, i bara fe gbete fan naba.

<sup>24</sup> I bara yiree ti taa tagi kira dε ra,

<sup>25</sup> i fa i fate xa tofanyi masen ɲama bε kεnε ma, alɔ langoe naxan wama xεmε mabendunfe a ma.

26 I bara langoeṗa raba Misirakae ra, i dɔxɔboore naxee xa gine fe xɔrɔxɔ. I xa langoeṗa radangixi bara n naxɔnɔ.

27 Na kui n bara n belexe itala i xili ma, n fa nde ba i xa bɔxi ra, n a sa i yaxuie Filisitakae sagoe, i xa wali kobie xa fe ra naxee bara e ratereṇna.

28 I bara langoeṗa raba Asiriyakae fan na, barima sese mu i wasama.

29 Na dangi xanbi i bara langoeṗa raba Babilon yulee ra, kɔnɔ nee fan mu i wasa.»

30 «I bɔṗe kobi! Alatala xui nan na ki. I yi langoeṗa mɔoli rabama di?

31 I to i xa langoe yiree ti taa kui kira de ra, i mu nu luxi alɔ langoe yati barima i nu langoeṗa rabafe ne tun kɔbiri xanbi!»

32 «Yene gine, xɔṗee rafan i ma dangife i xa mɔri ra.

33 Langoe birin wama langoe sare xɔn, kɔnɔ i tan nan luma i ṗengee ki ra, alako i xa e mabendun i ma a mɔoli birin na.

34 I mu luxi alɔ langoe gbete. Mixi yo mu i mayandima i xa wali ra. I tan nan e mayandima, i fa e sare fi, i mu se sɔtɔ.»

35 «I tan langoe gine, i tuli mati Alatala xa masenyi ra!

36 I Marigi Alatala yi nan masenxi: I to i xa naafuli ba alako i xa langoeṗa raba i ṗengee ra, i to kuyee mɔoli birin ti, i fa i xa die wuli ba serexe ra e be,

37 n fama ne i ṗengee birin malande, naxee nu rafan i ma nun naxee mu nu rafan i ma, n i ṗaibɔe masen e be a kene ma, i xa yaagi.

38 N i makiitima ne alo gine yenele nun faxeti makiitima ki naxe. N nan n gbe joxoma ne i ma n ma xone nun n ma tone xoxoxe ra.

39 Na temui n i sama ne i jengee sagoe, e i xa langoe yiree kana, e i xa dugie nun i xa xunmasee ba i ma, e fa i lu i mageli ra fon.

40 E e malanma ne i xili ma, e i magono gemee ra, e i masoxo e xa santidegemae ra.

41 E i xa banxie ganma ne, e i jaxankata gine gbege ya xori. N i xa langoepa danma ne, i mu i jengee kima sonon.

42 N na ge na rabade i ra, n ma xone goroma ne i xa yanfanteya xa fe ra.»

43 «N fama ne i xa wali sare birin nagbilende i ma, barima i mu i ratu i fonike temui ma. I Marigi Alatala xui nan na ki. I mu langoepa xa sa i xa fe kobi gbetee fari?»

44 «Taali falee fama yi taali falade i xun ma, <Nga lu ki yo ki, a xa di gine fan luma na ki ne!»

45 I nga xa di yati nan i ra, naxan me a xa mori nun a xa die ra. I taara ginema fan me ne e xa morie ra, nun e xa die ra. I nga findixi Xitika nan na, i baba findixi Amorika nan na.

46 Samari findixi i taara ginema nan na naxan sabatixi i kola ma, a nun a xa taa gbetee kui. Sodoma nan findixi i xunya ginema ra naxan sabatixi i yirefanyi ma, a nun a xa taa gbetee ra.

47 I bara bira e xa wali jaaxi foxo ra, i man bara jaaxu dangife e tan na.

48 N bara n kali, Sodoma nun a xa taae mu i xa jaaxupa lixi. Alatala xui nan na ki.»

49 «I xunya Sodoma xa yunubie findixi yi nan na: yete igbona, bannaya, nun kinikinitarepa

tōōromixie mabiri.

<sup>50</sup> E de igbo, e fe jaaxie rabama n ya xōri. Na kui, n naxa e xa fe jōn!

<sup>51</sup> Samari mu yunubi raba alo i tan. I xa fe kobi raba gbo dangi a gbe ra pon! Na taa jaaxi tinxin i be.

<sup>52</sup> I xa yaagi tun! I xa jaaxuna kui, a luxi ne alo i xunyae na fisa i be. I xa na kote xanin.»

<sup>53</sup> «Kōnō a raṇonyi, n fama ne Sodoma nun a xa taae nun Samari nun a xa taae xa fe xun nakelide. I fan luma ne na xunnakeli kui.

<sup>54</sup> I bara yaagi sōtō i xa wali kobi xa fe ra. Na bara a niya Sodoma nun Samari xili xa fan dondoronti.

<sup>55</sup> I xunya Sodoma nun a xa taae nun i taara Samari nun a xa taae xun nakelima ne alo singe. I fan nun i xa taae luma na xunnakeli nan kui.

<sup>56</sup> I nu i yete igboma temui naxe, i mu tin fe fanyi falade i xunya Sodoma xa fe ra,

<sup>57</sup> beenun i xa jaaxuna xa sa kenε ma. Yakosi Edon nun a xa taae nun Filisita nun a xa taae, e birin i maberema.

<sup>58</sup> Na langoepa nun fe kobie yaagi luma ne i ma. Alatala xui nan na ki.»

<sup>59</sup> «I Marigi Alatala yi nan masenxi: N i sare ragbilenma ne i ma seriye ki ma, barima i bara n ma kali mabere n ma saate kanafe ra.

<sup>60</sup> Kōnō n tan mu neemuma won ma saate ma, won naxan tongo i fonike temui. N fama ne saate tongode i be naxan mu jōnma abadan.

<sup>61</sup> Na kui, i taara nun i xunya na gbilen i ma, i ratuma ne i xa kira jaaxi ma yaagi ra. N e fima ne i ma, kōnō na fe mu na won ma saate singe kui.

<sup>62</sup> N saate tongoma ne i be, i a kolonma ne a n tan nan na Alatala ra.

<sup>63</sup> N na ge i xun sarade i xa yunubie xa fe ra, i fama ne ratude fe dangixie ma yaagi kui, i fa i de ragali i xa yaagi xa fe ra. Alatala xui nan na ki.»

## 17

### *Taali woyenyi Isirayila be*

<sup>1</sup> Alatala naxa a masen n be, a naxe,

<sup>2</sup> «Adamadi, i xa yi taali fala Isirayila bonsoe be.

<sup>3</sup> A fala e be, <Won Marigi Alatala yi nan masenxi: Sege xungbe, gabutenyi senbema, xabe kuye tofanxie, naxa fa Liban, a sediri bili salonyi bolon a kon na.

<sup>4</sup> A naxa na xanin yule boxi ma, a a si e xa taa kui.»

<sup>5</sup> «A naxa sansi xori nde tongo Isirayila boxi ma, a sa na si boxi fanyi ma, ye gboxi dennaxe.

<sup>6</sup> Na sansi xori naxa bula, a findi weni sansi dunke ra naxan salonyie nu kuyama a gbe ra. A salonyie nu fa e ramaxa koore ma, a sanke nu goro ye fenfe ra. Na sansie naxa fan, a salonyie naxa wuya a burexee naxa fan.»

<sup>7</sup> «Sege xungbe gbete naxa mini naa ra, a gabutenyie xungbo, a xabee wuya. Weni bili naxa a sankee nun a salonyie rapere kelifa boxi ma a nu sixi dennaxe, sigafe ra sege mabiri ye sotofe ra.

<sup>8</sup> A nu sixi boxi fanyi nan ma, ye gbegebe nu na dennaxe, alako a xa findi a ra, a weni bogi fanyi ramini.»

<sup>9</sup> «A fala e be, <Won Marigi Alatala yi nan masenxi: Na weni bili fanma? A mu fama a italade, a bogi bira, a xara? A salonyie nun a burexe kanama ne. A italafe mu xoxoxo.

<sup>10</sup> Hali a itala, a si yire gbete, foye naxan kelima sogetede mabiri a mu a xarama xe gbiki?»

<sup>11</sup> Alatala naxa a masen n be, a naxe,

<sup>12</sup> «A fala yi bonsoe murutaxi be, <Wo mu na taali fahaamuxi? Babilon mange bara siga Darisalamu, a naa mange nun a kuntigie suxu, a e xanin Babilon.

<sup>13</sup> A bara mixi keren sugandi mange bonsoe ya ma, a saate xiri a nun na tagi, a a ti mangeya ra kali ra. A man bara boxi kuntigie tan xanin,

<sup>14</sup> alako boxi senbe xa xurun, han a mu no a ikelide sonon, fo a nu saate rabatu tun.»

<sup>15</sup> «Kono na mange sugandixi fan naxa muruta, a xerae rasiga Misira mange ma soee nun soorie fende. Na fe mooli sooneyama? Naxan matandi tima na ki, a mu toroma yare?

<sup>16</sup> N bara n kali, n tan Alatala nan xui a ra, a faxama Babilon boxi nan ma, mange fe ma naxan mangeya soxi a yi ra, a naxan xa saate maberexi, a a kana.

<sup>17</sup> Misira mange mu noma a malide gere kui, a yaxuie see yailanma taa tete kanafe ra temui naxe.

<sup>18</sup> A to a xa kali mabere saate kanafe ra, a fama ne na sare sotode.»

<sup>19</sup> Na xa fe ra, Alatala yi nan masenxi, a naxe, «N bara n kali n yete ra, a to n ma kali mabere, a to n ma saate kana, n na sare ragbilenma ne a ma.

<sup>20</sup> N na n ma yeɛ italama ne a ya ra, n a suxu n ma gantanyi ra. N a xaninma ne Babilon boxi ma, n fa a jaxankata a xa yanfanteya xa fe ra menni, a naxan nabaxi n na.

<sup>21</sup> A xa soorie sontoma ne santidegema ra, mixi donxoe yensenma ne. Wo a kolonma ne na kui a n tan Alatala nan na nate tongoxi.»

<sup>22</sup> Won Marigi Alatala yi nan masenxi, a naxe, «N sediri salonyi bama ne a kon na, salonyi fanyi naxan na koore ma, n fa a si geya itexi fari.

<sup>23</sup> N a sima ne Isirayila geya ma, a salonyie fan, e bogi gbegbe ramini. A findima ne sediri wuri bili tofanyi ra. Xoni mooli birin fama ne e malabude, a salonyie niini bun ma a kon na.

<sup>24</sup> Na kui wuri bili birin a kolonma ne, a n tan Alatala nan wuri bili itexi igoroma, n wuri bili igoroxi ite. N wuri xinde xara, n wuri xare rafan. N tan Alatala xui nan na ki. N fama ne na rakamalide.»

## 18

### *Yunubitoe sare*

<sup>1</sup> Alatala naxa a masen n be, a naxe,

<sup>2</sup> «Wo yi taali woeyenyi falama ne Isirayila boxi ma. Wo naxe,

«Forie na mangoe yoxoe don,  
e xa die nan jinyie muluxunma.»

Wo na falama munfe ra?

<sup>3</sup> N bara n kali n yete ra, a mu lanma wo xa yi taali fala Isirayila boxi ma sonon.

<sup>4</sup> N tan nan gbe na nii birin na, babe ba, di ba. N tan nan gbe e birin na. Nii naxan na yunubi raba, na nii nan bonoma.»



<sup>5</sup> «Mixi naxan tinxin,  
 naxan fe fanyì rabama,  
<sup>6</sup> naxan mu serexe donma kuye be geyae fari,  
 naxan mu a ya tima Isirayila xa kuyee ra,  
 naxan mu yene rabama a doxo-boore gine ra,  
 naxan mu gine masama a xa kike wali kui,  
<sup>7</sup> naxan mu mixi rawalima a yete xa geeni xa fe  
 ra,  
 naxan donifa xa seeke ragbilenma a ma,  
 naxan mu mupe tima,  
 kono a fa setare ki, a dugi fi misikiine ma,  
<sup>8</sup> naxan mu geeni mooli yo fenma doni kui,  
 naxan a yete suxuma fe naaxi rabafe ra,  
 naxan kiiti tinxinxi sama mixie tagi,  
<sup>9</sup> naxan n ma yaamarie rabama, a n ma seriye  
 rabatu,  
 na kanyi findixi tinxintoe nan na.  
 Na kisima ne.  
 Alatala xui nan na ki.»  
<sup>10</sup> Kono xa a sa li a xa di nde na na, naxan mixi  
 bonboma, a faxe tima, a fe naaxi gbete raba  
<sup>11</sup> a baba mu darixi naxan na, a xa fe na di?  
 A serexe donma kuye be geya fari,  
 a yene raba a doxo-boore xa gine ra,  
<sup>12</sup> a setare nun misikiine tooroma,  
 a mupe tima,  
 a tondi seeke ragbilende,  
 a a yae tima kuyee ra,  
 a fe naaxie rabama,  
<sup>13</sup> a geeni fenma doni kui.  
 Na mixi mooli kisima? Ade, a a yete nii sare fima  
 ne faxe ra a xa fe naaxie ma!

14 «Κὼνὼ xa na di jaaxi di nde sɔtɔ, naxan bara a baba xa yunubie to, a fa lu a mu tin na wali mɔɔli rabade, a xa fe luma di?

15 A mu serexe donma kuye be geya fari.

A mu a ya tima Isirayila kuyee ra.

A mu yene rabama a dɔxɔboore gine ra.

16 A mu mixi rawalima a yete xa geeni xa fe ra.

A mu seeke maxɔrinma.

A mu muje tima,

kɔnɔ a setare kima, a dugi fima misikiine ma,

17 a a yete suxuma fe jaaxi rabafe ra,

a mu geeni mɔɔli yo fenma doni kui.

Na di mu bɔnɔma a baba xa fe jaaxi xa fe ra. A kisima ne.

18 Κὼνὼ a baba tan, naxan findi funmala ra, naxan a boore muja, naxan fe jaaxie raba a xa mixie tagi, a tan nan bɔnɔma a xa yunubie xa fe ra.»

19 «Κὼνὼ wo n maxɔrinma, <Munfera na di mu a baba xa yunubi kote tongoma?> N xa a fala wo be, na di tinxintɔe, naxan bara n ma seriye rabatu, a kisima ne.

20 Naxan na yunubi raba, na nan bɔnɔma. Di mu a baba xa yunubi kote xaninma. Baba fan mu a xa di xa yunubi kote xaninma. Tinxintɔe fama ne tinxinyi sare sɔtɔde. Yunubitɔe tan fama yunubi sare sɔtɔde.»

21 «Κὼνὼ xa yunubitɔe gbilen a xa yunubie fɔxɔ ra, a bira Ala xa seriye fɔxɔ ra tinxinyi kui, a kisima ne, a mu bɔnɔma.

22 A fe kobi naxee birin naba, na birin bama ne a ma, a fa kisi a xa tinxinyi saabui ra.

23 N tan wo Marigi Alatala jɛlexinma yunubitɔɛ xa jaxankatɛ ra? A xa gbilen a xa yunubi fɔxɔ ra, a xa kisi, na nan nafan n ma.»

24 «Kɔnɔ xa tinxintɔɛ gbilen a xa tinxinyi fɔxɔ ra, a fa fe jaaxi raba alo yunubitɔɛ a rabama ki naxɛ, a kisima? A fe fanyi naxee birin naba, na birin bama nɛ a ma, a yunubi sɔtɔ, a fa bɔnɔ a xa fe jaaxie saabui ra.»

25 «Wo naxɛ, <Marigi xa kira mu tinxin.> Isirayila bɔnsɔɛ, wo wo tuli mati n na. N ma kira mu tinxinxɪ xɛ, ka wo tan nan xa kira mu tinxin?»

26 Xa tinxintɔɛ a kobe so fe fanyi rabafe ra, a bɔnɔma a xa yunubie nan ma fe ra.

27 Kɔnɔ xa tinxintare a kobe so fe jaaxi rabafe ra, a bira tinxinyi fɔxɔ ra, a kisima nɛ.

28 A to a xa wali kobie birin mato, a natɛ tongo a xa gbilen nee fɔxɔ ra, na nan a ra a kisima, a mu bɔnɔma.

29 Kɔnɔ Isirayila bɔnsɔɛ naxɛ, <Ala xa kira mu tinxin.> N tan nan ma kira mu tinxin ba, ka wo tan nan xa kira mu tinxin?»

30 «Na kui Isirayila bɔnsɔɛ, n wo kankan makiitima a xa fe rabaxi bɛrɛ nan ma. Wo xa tuubi! Wo gbilen wo xa yunubie rabafe fɔxɔ ra, alako nee naxa wo bɔnɔ.

31 Wo xa wo makuya wo xa yunubie ra wo naxee rabaxi, wo wo bɔjɛ masara, wo xaxili nɛɛnɛ tongo. Isirayila bɔnsɔɛ, wo tima bɔnɔɛ kira ra munfe ra?

32 N mu wama mixi yo xa bɔnɔ. Wo tuubi alako wo xa kisi! Wo Marigi Alatala xui nan na ki.»

# 19

## *Isirayila mangɛɛ*

<sup>1</sup> Wo xa kinikini Isirayila mangɛɛ suukibae ma yi ki:

<sup>2</sup> «Wo nga findi yetɛ gine fanyi nan na yetɛɛ tagi. A saxi a xa die tagi, a e xuru.

<sup>3</sup> A naxa a xa di nde ramɔ, a findi senbema ra. Na di naxa fata a baloe fende, a mixie yati faxa.

<sup>4</sup> Namanɛɛ to a xa fe mɛ,  
e naxa a suxu e xa gantanyi ra,  
e a xanin Misira wure ra a jɔɛ kui.»

<sup>5</sup> «Na yetɛ gine to a to, a xa fe mu sooneyaxi,  
a naxa a xa di gbetɛ tongo,  
a a findi yetɛ senbema ra.

<sup>6</sup> Na di nu a jɛrɛma yetɛɛ tagi a senbɛ ma.  
A naxa fata a baloe fende, a mixie faxa.

<sup>7</sup> A naxa nee xa tetɛɛ kana, a taakae faxa.  
Nama birin nu bara gaaxu a xa yirindinyi yara.

<sup>8</sup> Namanɛɛ man naxa keli a rabilinyi,  
e naxa e xa yelɛɛ itala, e a suxu gantanyi ra.

<sup>9</sup> E naxa a raso kule kui wuree ra,  
e a xanin Babilɔn mangɛɛ xɔn ma.

Menni e naxa a raso geeli kui.  
A yirindin xui mu mɛ Isirayila geyae fari sɔnɔn.»

<sup>10</sup> «Wo nga nu luxi nɛ alo weni bili naxan sixi  
xure dɛ ra.

A nu bogima, a salonyie nu wuya,  
barima ye nu gbo a yire.

<sup>11</sup> Salon fanyie nu na a bɛ,  
naxee fan mangɛɛ sawuri ra.

A nu tixi sansie birin xun ma

a xa maite nun a salon wuyaxie xa fe ra.

<sup>12</sup> Κονο a bara tala xone kui, a rabira boxi ma.

Sogetede foye naxa a xara, a bogie kana.

A salon fanyie naxa lisi, te naxa e gan.

<sup>13</sup> Yakosi a sixi gbengberenyi nan ma,

boxi xoxoxe, ye mu na dennaxe.

<sup>14</sup> Te bara mini a salonyi nde kui, a a bogie gan.

Salon fanyi yo mu na a be sonon,

naxan findima mange sawuri ra.»

Kinikini suuki nan na ki naxan bama nimise kui.

## 20

### *Isirayila bonsoe xa matandi*

<sup>1</sup> A je solofere nde, kike suuli, xi fu nde ra, Isirayila fori ndee naxa fa n yire, e xa Alatala xa marasi fen.

<sup>2</sup> Alatala naxa a masen n be, a naxe,

<sup>3</sup> «Adamadi, Isirayila forie maxarin munfe ra e faxi n ma marasi fende, n to a fala e be n mu tin e xa n maxandi na ki. Alatala xui nan na ki.»

<sup>4</sup> «Adamadi, i xa e makiiti e xa fe jaaxie nun e benbae xa fe jaaxie xa fe ra.

<sup>5</sup> A fala e be, <Wo Marigi Alatala yi nan masenxi: N Isirayila sugandi temui naxe, n na n kali ne n belexe itexi ra Yaxuba bonsoe be a n tan nan na e Marigi Alatala ra. N na n yete masen e be Misira boxi ma,

<sup>6</sup> n fa n kali e be a n e raminima ne menni sigafe ra boxi fanyi ma, n dennaxe sugandixi e be, kumi nun xipe xelema boxi naxan ma.

<sup>7</sup> N a masen e be, e xa Misira kuyee wole, alako e naxa fa e yete findi seniyentaree ra. N tan nan na e Marigi Alatala ra.»»

<sup>8</sup> «Kono e naxa n xui matandi. E mu Misira kuyee wole, e mu gbilen nee foxo ra. Na kui n naxa a masen e be a n fama ne n ma xone radinde e ma Misira boxi ma.

<sup>9</sup> Na dangi xanbi, n naxa nate tongo n xa e ramini naa, alako n xili naxa fa mabere jamanee tagi e nu dennaxe.

<sup>10</sup> N naxa e ramini Misira boxi ra, n fa e xun ti gbengberenyi ra.

<sup>11</sup> Menni n naxa n ma yaamarie so e yi ra, n e rakolon n ma seriyε ra. Mixi naxee birama nee foxo ra, e kisima ne.

<sup>12</sup> N naxa malabui loxoe xa yaamari fan fi e ma tonxuma ra n tan nun e tan tagi, alako e xa a kolon n tan Alatala nan e raseniyenma.»

<sup>13</sup> «Kono Isirayila bonsoe naxa e kobe raso n na gbengberenyi ma. E n ma malabui loxoe xa yaamari mabere. E mu bira n ma yaamarie foxo ra, e mu n ma seriyε suxu, naxee nu noma e rakiside. Na kui n naxa a nate, n xa n ma xone birin namini e ma, n xa e sonto gbengberen yire.

<sup>14</sup> Hali n mu na raba, alako n xili naxa fa mabere jamanee tagi, n e ramini naxee ya xori Misira boxi ra,

<sup>15</sup> n naxa n kali n belexe itexi ra gbengberenyi ma, a n mu e xaninma na boxi fanyi ma sonon, n nu bara naxan fi e ma, xipe nun kumi xeleva dennaxe.

<sup>16</sup> N na nate tongo ne, barima e nu n ma yaamarie nun n ma seriyε nan maberema, e tondi n ma malabui loxoe xa yaamari suxude a ki ma. E xa kuye fe nan nu na e boje ma.

<sup>17</sup> Kono n naxa kinikini e ma, n mu e sonto gbengberenyi ma.

18 N naxa a masen e xa die be menni, n naxe, <Wo naxa bira wo benbae xa yaamarie nun e xa seriye foxo ra de. Wo naxa wo yete findi seniyantaree ra e xa kuyee batufe ra.

19 N tan nan na wo Marigi Alatala ra. Wo xa bira n tan nan ma yaamarie foxo ra, wo xa n ma seriye suxu.

20 Wo xa n ma malabui loxoe raseniyeen, alako na xa findi tonxuma ra won tagi. Na kui wo a kolonma ne a n tan nan na wo Marigi Alatala ra.>>

21 «Kono Isirayila die naxa muruta n ma, e mu n ma yaamarie rabatu, e mu e joxo sa n ma seriye xon ma naxan mixi rakisima, e fa n ma malabui loxoe xa yaamari mabere. Na kui n naxa a masen, n xa n ma xone birin namini e ma gbengberen yire.

22 Kono n mu na raba, alako n xili naxa fa mabere jamanee tagi, n e ramini naxee ya xori Misira boxi ra.

23 Kono n na n kali n belexe itexi nan na gbengberenyi ma, n xa e rayensen ye jamanee tagi,

24 barima e mu n ma seriye rabatu, e n ma yaamarie matandi, e n ma malabui loxoe xa yaamari mabere, e man fa e ya rafindi e benbae xa kuyee ma.

25 N naxa e lu e xa bira e yete xa yaamari jaaxie foxo ra, seriye mooli nde naxan mu noma sooneyade.

26 N naxa a lu e xa findi seniyantaree ra serexe mooli nde xa fe ra, mixi xa di singe faxama serexe naxan ma fe ra. N nu wama ne e xa na

fɔxi magaaxuxi to, alako e xa a kolon a n tan nan na Alatala ra.»

<sup>27</sup> «Adamadi, i xa a fala Isirayila bɔnsɔɛ bɛ, i naxɛ, <Wo marigi Alatala yi nan masenxi: Wo benbae bara n finsiriwali, e bara n yanfa.

<sup>28</sup> N to bara e raso bɔxi ma, n na n kali naxan na fife ra e ma, e naxa sɛrɛxɛ ba fɔlɔ kuyee bɛ geyae fari nun wurie bun ma. E nu surayi ganma e bɛ, e minse fan ba sɛrɛxɛ ra. Na birin naxa na xɔnɔ ki fanyi ra,

<sup>29</sup> n fa e maxɔrin, Munse na yi yire itexi ra wo sigafe dennaxɛ? Han ya na batudee xili falama Yire itexie.»

<sup>30</sup> «Na nan a ra, a fala Isirayila bɔnsɔɛ bɛ, <Wo Marigi Alatala yi nan masenxi: Wo wama findife seniyantaree ra alɔ wo benbae, wo fa bira e xa kuye paaxie fɔxɔ ra?

<sup>31</sup> Wo na wo xa die ba sɛrɛxɛ ra tɛ xɔɔra, wo na wo xa seniyyenyi nan kanafe na ki. A lanma n xa tin wo xa n maxandi? N tan wo Marigi Alatala, n bara n kali n mu wo luma wo xa n maxandi.»

<sup>32</sup> «Wo naxɛ wo wama nɛ lufe alɔ dunija pamanɛɛ, naxee wuri nun gɛmɛ batuma.

<sup>33</sup> N tan wo Marigi Alatala, n bara n kali a n na n ma mangɛya rapɛrɛma nɛ wo xun ma senbɛ ra, n na n ma xɔnɛ birin namini wo ma.

<sup>34</sup> N wo raminima nɛ pamanɛɛ ya ma senbɛ ra, n wo malan yire keren n ma xɔnɛ kui.

<sup>35</sup> N wo xaninma nɛ gbengberenyi ma pamanɛɛ tagi, n wo paxankata mɛnni.

<sup>36</sup> N naxan nabaxi wo benbae ra Misira gbengberenyi ma, n na fan nabama nɛ wo fan na. Wo Marigi Alatala xui nan na ki.



<sup>37</sup> N wo radangima ne n ma yisuxuwuri bun ma, n fa wo rapere n ma saate ra.

<sup>38</sup> N murutelae nun matandilae bama ne wo ya ma, naxee na n gerefe. N e raminima ne boxi ra e sabatixi dennaxe konyiya kui, kono n mu e xaninma Isirayila boxi ma. Na kui wo fama ne a kolonde a n tan nan na Alatala ra.»

<sup>39</sup> «Wo tan Isirayila bonsoe, wo Marigi Alatala yi nan masenxi wo be: «Xa wo wama sigafe wo xa kuyee batude, awa yire, kono xa a sa li wo wo tuli matima n xili seniyenxi nan na, wo naxa n mabere sonon wo xa kuye batui ra.

<sup>40</sup> Wo Marigi Alatala xui nan yi ki: Isirayila bonsoe fama ne n batude yi geya itexi seniyenxi fari. N e rasenema ne a fanyi ra, n e xa serexe seniyenxie tongo a nun e xa hadiya birin.

<sup>41</sup> N na wo ramini pamanee tagi wo rayensenxi dennaxe, n wo rasenema ne a fanyi ra, alo surayi xiri fanyi. N na n ma seniyenyi masenma ne pamanee be wo saabui ra.

<sup>42</sup> N na wo ragbilen wo xa boxi ma Isirayila, n na n kalixi naxan fife ra wo benbae ma, wo fama ne a kolonde a n tan nan na Alatala ra.

<sup>43</sup> Menni, wo wo ratuma ne wo xa fe jaaxie birin ma, naxee wo findi mixi seniyentaree ra, wo fa lu na yaagi kui tun.

<sup>44</sup> N na wo rakisi n xili xa fe ra, n mu wo xa wali jaaxie sare fi wo ma, wo fama ne a kolonde a n tan nan na Alatala ra. Isirayila bonsoe, wo Marigi Alatala xui nan na ki.»»

## 21

*Naxankate Negewi boxi be*

<sup>1</sup> Alatala naxa a masen n be, a naxe,

<sup>2</sup> «Adamadi, i ya rafindi i yirefanyi ma, i kawandi ti Negewi fotonyi be.

<sup>3</sup> A fala: «Negewi fotonyi, i i tuli mati i Marigi Alatala xa masenyi ra. A xui nan ya: N te radexema ne i xonyi, naxan i xa wuri xindee nun wuri xaree birin ganma. Na te mu tuma. A foxi toma ne keli yirefanyi ma han koola ma.

<sup>4</sup> Mixi birin a kolonma ne a n tan Alatala nan na te radexexi. A mu tuma.»

<sup>5</sup> Na temui n naxa a fala a be, «N Marigi Alatala, jama naxe, a n taali woyenyi nan tun falama.»

<sup>6</sup> Alatala naxa a masen n be,

<sup>7</sup> «Adamadi, i ya rafindi Darisalamu ma, i xa kawandi ti horomolingira xa fe ra. I xa masenyi ti n xili ra Isirayila xili ma.

<sup>8</sup> A fala Isirayila jama be: «Alatala yi nan masenxi: N tixi wo kanke. N na n ma santidegema bama ne a tee i, n fa wo xa tinxintoe nun wo xa tinxintaree faxa.

<sup>9</sup> N to nate tongo tinxintoe nun tinxintaree xili ma, n ma santidegema bama ne a tee i yi jama birin xa fe ra, naxee na yirefanyi nun koola ma.

<sup>10</sup> Na kui, birin a kolonma ne, a n tan nan n ma santidegema ramini a tee i wo xilima. N mu a rasoma sonon.»

<sup>11</sup> «Adamadi, i xa i wa xui ramini i boje toroxi sunnunxi xoroxoe xa fe ra.

<sup>12</sup> E na i maxorin i wafe fe naxan ma, i xa e yaabi, «Xibaaru xoroxoe bara n li. Limaniya bama ne mixi birin yi ra na xa fe ra. Mixi birin boje kontofilima ne, mixi birin sanyi seren

gaaxui kui.> N xa a fala i be, a na fafe. I Marigi Alatala xui nan na ki.»

<sup>13</sup> Alatala naxa a masen n be,

<sup>14</sup> «Adamadi, n ma xera iba, a falafe ra, <Wo Marigi Alatala yi nan masenxi, a naxe:

Santidegema fanyi, santidegema xaxenxi!

<sup>15</sup> Santidegema naxan gbaloe rabama, santidegema naxan dangima alo seyamakonyi. Won noma jalexinde n ma di xa mange sa wuri ra?

Ade, santidegema fama ne birin xun nakanade.

<sup>16</sup> Santidegema faxi ne a fe xa sooneya, a xaxen, a suxuxi faxeti yi ra.

<sup>17</sup> Adamadi, i wa xui ite, barima na santidegema tima ne n ma jama kanke,

a Isirayila mangae faha, a nun n ma jama.

Na kui, i kanke madin sunnunyi kui.»»

<sup>18</sup> «Matoe nan a ra.

Munse fama rabade xa Yudaya mangeya mu fa no tide yi santidegema yara?

Wo Marigi Alatala xui nan na ki.»

<sup>19</sup> «Adamadi, i xa masenyi ti n xili ra.

I xa i belexe bonbo keren.

Santidegema man xa bonbo firin, a xa bonbo saxan.

Santidegema nan a ra naxan gbaloe rabama, naxan faxe tima yire birin.

<sup>20</sup> Na kui limaniya bama ne mixie yi ra, mixi gbegbe sonto.

N ma santidegema tima ne naadde birin na faxe tife ra.

A dangima ne alo seyamakonyi.

<sup>21</sup> Santidegema xabe tima ne yirefanyi ma,  
a xabe ti koola ma,  
a de ya rafindixi yire birin ma.

<sup>22</sup> Na temui, n tan Alatala fama ne n belexee  
bonbode,  
n ma xone fa dan.

Alatala xui nan na ki.»

<sup>23</sup> Alatala naxa a masen n be, a naxe,

<sup>24</sup> «Adamadi, i naxan nabama, i xa kira firin  
naboo Babilon mange xa santidegema jere  
naxee ra. E firin xa keli yire keren, tonxuma xa  
ti yire nde e fatanma dennaxe.

<sup>25</sup> Kira keren xa siga Amorikeye xonyi naxan  
xili Raaba. Kira firin nde xa siga Yudaya xa taa  
makantaxi naxan xili Darisalamu.

<sup>26</sup> Babilon mange tima ne na kira firin xunyi  
ra, a xa sematoe wali raba alo xalie mawolife,  
kuyee maxorinfe, nun sube bone matofe.

<sup>27</sup> Na sematoe wali a masenma ne a be a xa  
siga Darisalamu mabiri, a xa geresosee tongo tete  
longori ra, a xa na naadee rabira, a fa gbaloe ti  
taa kui.

<sup>28</sup> Darisalamukae to saate xiri e nun Babilon  
mange ra, e na sematoe wali toma wule nan  
na. Kono Babilon mange mu a tuli matima e ra,  
barima a naxe e fan bara haake soto a mabiri.  
Na nan a ra, a e xaninma konyiya kui.»

<sup>29</sup> «Wo Marigi Alatala yi nan masenxi: Wo xa  
wali jaaxi bara a niya n xa ratu wo xa yunubi  
dangixie ma, n xa wo xanin konyiya kui.

<sup>30</sup> I tan Isirayila mange tinxintare, i xa  
jaxankate loxoe bara a li.

<sup>31</sup> I Marigi Alatala yi nan masenxi, a naxe, <Mange tonxuma ba i xunyi ma! Mangeya bara ba i yi ra. Mixi magoroxi xa fe itema ne, mixi matexi xa fe magoro.

<sup>32</sup> I xa mangeya xun nakanama ne, a non. Na mangeya mu gbilenma a ra fo mixi fa, a lan a xa so naxan yi ra. Na fima na kanyi nan ma.»

<sup>33</sup> «Adamadi, i xa masenyi ti n xili ra a falafe ra, <Alatala yi nan masenxi Amonikae xa konbie xa fe ra, a naxe:

Santidegema bara ba a tee i gbaloe xa fe ra.

A bara raxanen alako a xa faxe ti alo seya-makonyi.

<sup>34</sup> Wo bara la wule laamatunye ra,

wo bara wo tuli mati sematoe wule false ra.

Na kui na santidegema tima ne tinxintaree kon na,

naxee lanma e xa paxankata e xa yunubi kamalixie xa fe ra.

<sup>35</sup> Wo xa wo xa santidegema ragbilen a tee i.

N wo makiitima ne wo xa boxi ma wo daaxi dennaxe.

<sup>36</sup> N na n ma xone xoxoxe raminima ne wo ma, n wo so xeme naaxie yi ra naxee fata gbaloe ra.

<sup>37</sup> Wo luma ne alo yege te xora,

wo wuli ifili wo xa boxi ma,

wo xili non feo.

Alatala xa masenyi nan na ki.»

## 22

### *Darisalamu xa yunubie*

<sup>1</sup> Alatala naxa a masen n be, a naxe,

<sup>2</sup> «Adamadi, a mu lanma xe i xa yi taa faxeti makiiti, i xa a rakolon a xa wali kobie birin na?

<sup>3</sup> A fala a be, «Wo Marigi Alatala yi nan masenxi: Taa nan yi ki, naxan xun nakanama a xa faxe tife ra, naxan a findima taa seniyyentare ra a xa kuye batufe ra.

<sup>4</sup> Wo bara yunubi soto na faxe tife kui, wo bara seniyyentarena soto na kuyee batufe ra, wo naxee yailanxi wo belexe ra. A gbe mu luxi wo xa simaya xa non, si gbete xa wo xili mabere.

<sup>5</sup> Si naxee na rabilinyi nun si naxee na yire makuye, e birin wo mayelema ne wo xa yunubie xa fe ra. Wo xa fe xoxoxo!»

<sup>6</sup> «Wo xa mangxe faxe tima e xa nxe saabui ra,

<sup>7</sup> e mixie baba nun e nga maberema, e wo xa xone nun wo xa kiridie toroma.

<sup>8</sup> Wo n ma se seniyyenxie bote baxi, wo n ma malabui loxose maberema.

<sup>9</sup> Toonegelae na wo ya ma naxee faxe tima. Kuye batue na wo ya ma naxee serexe bama geya fari, e fa yene naaxi raba naa.

<sup>10</sup> Xemu na na naxee sama e baba xa gine fe ma, e gine masama naxan mu seniyyenxi a xa kike wali xa fe ra,

<sup>11</sup> e yene rabama e doxoboore xa gine ra, e yene rabama e xa di xa gine ra, e yene rabama e maagine yati ra e nun naxan baba keren.

<sup>12</sup> Mixie na wo ya ma naxee sare rasuxuma mixi faxafe ma. Ndee na na naxee geeni sama doni fari, e fuma e ngaxakerenyi ma. Wo bara nemu n tan ma! Alatala xui nan na ki.»

<sup>13</sup> «N na n belexe bonboma ne xone kui wo xa naafuli tinxintare nun wo xa faxe tife xa fe ra

14 Senbe luma wo be n ma kiiti sa loxo? Wo suusama n na? N xa a fala wo be, n wo naxankatama ne. Alatala xui nan na ki.

15 N wo rayensenma ne pamanee ma, n wo rayensen ye boxi birin ma. N wo xa seniyantarepa nonna ne.

16 Wo na lu yaagi kui pamanee tagi, wo fama ne a kolonde a n tan nan na Alatala ra.»

17 Alatala naxa a masen n be, a naxe,

18 «Adamadi, Isirayila bonsoe bara lu n be alo gbeti gbi xabude. E maniyaxi na wure gbeeli nan na, yoxui, wure, nun sunbui naxan bama gbeti raxunuxi ra.

19 Na kui, Marigi Alatala yi nan masenxi: <Wo to bara lu alo gbeti gbi, n wo malanma ne Darisalamu,

20 n ma xone fa wo raxunu alo gbeti, wure gbeeli, wure, yoxui, nun sunbui raxunuma ki naxe te ra.

21 N wo malanma ne n ma bonsete kui, n fa wo raxunu Darisalamu taa kui.

22 Wo na raxunu naa, wo a kolonma ne a n tan nan na Alatala ra, naxan a xa xone radinxi wo ma.»»

23 Alatala naxa a masen n be, a naxe,

24 «Adamadi, a fala Isirayila boxi be, i naxe: <Boxi nan i ra, naxan mu tune toma n ma xone loxo.

25 I xa mangee xaxili luma ne alo yete xaape naxan sube iboma. E na na mooli rabafe mixie ra. Ginee na findife kaape ra e xa faxe tife xa fe ra. E na mupe tife alo fe.

26 I xa serexedubee n ma seriyee matandima, e see seniyenxi findima se seniyantare ra. E mu se seniyenxi nun se seniyantare tagi rasama, e mu

mixie fan nakolonma na tagi rasa ra. E mu n ma malabui loxoε xa yaamari suxuma. Na birin kui, e n xili maberema e ya ma.

<sup>27</sup> I xa kuntigie luxi nε alo wulai bare naxee sube ibooma. E mixie faxa muje tife ma.

<sup>28</sup> I xa namijonmεe dugi felenma na birin ma e xa wule laamatunyie nun e xa wule masenyie ra. E naxε, «Ala nan a masenxi,» a fa li Ala mu sese masenxi e bε.

<sup>29</sup> Boxikae e bore rawalima tinxintareya kui. E muje tima, e setaree nun xojeε tooroa. E mu tinxin feo.»

<sup>30</sup> «N bara mixi nde fen e ya ma, naxan noa tete rakelide, a fa ti naade ya ra n ya i, alako na boxi naxa kana. Kono n mu na mixi soto.

<sup>31</sup> Na nan a ra, n fama n ma xone raminide e ma alo te, n e sonto e xa wali jaaxi sare ma. Marigi Alatala xui nan na ki.»

## 23

### *Di gine firin*

<sup>1</sup> Alatala naxa a masen n bε, a naxε,

<sup>2</sup> «Adamadi, gine firin xa taruxui nan yi ki, e birin nga keren.

<sup>3</sup> E fonike temui, e naxa e yete findi langoe gineε ra Misira boxi ma. Na ginedimedie naxa tin xemεe xa e xijeε masuxu.

<sup>4</sup> Gine naxan fori, a nu xili Ohola, a xunya xili Oholiba. E nu na n ma pama nan ya ma, e fa die bari. Ohola misaalixi Samari nan na, Oholiba misaalixi Darisalamu nan na.»

<sup>5</sup> «Ohola naxa a yete mati langoeja ra a nu na n ma niini bun ma temui naxε. A naxa a jenge



maxanu naxee findi Asiriyakae ra, soori tofanyi naxee

<sup>6</sup> gere dugi ragoroma e ma, e findi mangɛ ra, e findi soe ragie ra.

<sup>7</sup> A naxa a yɛtɛ fi e ma langoeɲa ra e tide to nu gbo, a man fa bira e xa kuyee fɔxɔ ra.

<sup>8</sup> A mu a xa langoe fe lu na, a naxan foloxi Misira boxi ma, xɛmɛe xa a xije fanyie masuxu, e e waxɔnfe raba a ra.»

<sup>9</sup> «Na nan a to, n naxa a lu a ɲenge Asiriyakae sagoe, a naxee maxanu.

<sup>10</sup> Nee nan a rageli ti, e naxa a xa die tongo, e a fan faxa santidegema ra. A xili naxa findi konbi ra ginɛe tagi a xa ɲaxankatɛ xa fe ra.»

<sup>11</sup> «A xunya Oholiba naxa na to, kɔnɔ a tan xa ɲenge suxufe nu xɔrɔxɔ a taara bɛ, a naxa bu langoeɲa kui.

<sup>12</sup> A fan nu wama soori Asiriyakae xɔn, naxee findi mangɛ ra, naxee findi soe ragie ra. E birin tofan e xa soori dugi kui.

<sup>13</sup> N naxa a to a fan nu na seniyentareɲa kui alo a taara.»

<sup>14</sup> «Kɔnɔ a tan bara fe gbɛtɛ sa na fari. A to Kalidikae xa pirinti gbeeli to banxi xalɛ nde ma,

<sup>15</sup> beleti xirixi e tagi, xun sase dɔxɔxi e xun, naxee findi soori mangɛ Kalidikae ra, naxee soori ragise ragima,

<sup>16</sup> a naxa xɛɛrae xɛɛ Kalidi boxi ma e xilide barima a nu wama e xɔn.

<sup>17</sup> E to fa a yire, e naxa sa e bore fe ma, e e sago raba. E to na fe seniyentare raba, e xa fe naxa rapaaxu a ma, a gbilen e fɔxɔ ra.

18 A to nu na na langoeṇa yaagitareya kui, a naxa rapaaxu n fan ma, n fa a rabolo alo n na rabaxi a xunya ra ki naxe.

19 A to ratu a xa fonikeya seniyeṇtareya ma Misira boxi ma, a naxa lu langoeṇa raba ra dangife a singe ra.

20 A ṇenge xa fe nu xoxoxo a ma. E senbe to gboxi yeṇe rabade alo sofalee nun soee.

21 Na nan na ki, wo xa langoeṇa wo fonike ra na xoli bara wo suxu alo a singe ra, Misira xemeṇe nu wo xiṇe masuxuma temui naxe.»

22 «Oholiba, Alatala yi nan masenxi na xa fe ra: <N i ṇengeṇe boṇe ratema ne i gerefe ma, i mexi naxee ra. N e rakelima yire birin fafe ra i gereḁe.

23 Babilonkae Kalidikae, Pekodikae, Sowakae, Kowakae, nun Asiriyakae xa soori senbemaṇe, mangṇe nun soe ragie,

24 e birin fama ne i xili ma nun e xa geresosee ra, e xa soori ragisee ra, e xa kote xanin see ra, nun e xa soori gaali ra. E i rabilinma ne, wure lefae na e belexee, makantasee na e xunyi ma. N i soma ne e yi ra, alako e xa i ṇaxankata e gbe ki ma.

25 N n ma xone raminima ne i ma, e fan i gerema ne e xa xone ra. E i xa mixie ṇe nun tulie xabama ne. Naxee luxi, e e tan faxama ne santideḁema ra. E i xa die xaninma ne. Naxee luxi, e e tan ganma ne.

26 E i xa sosee nun i xa xunmasee tofanyie xaninma ne.

27 N i xa langoeṇa danma ne, i naxan foloxi Misira. I mu i ṇoxo rasigama na ma sonon.»»

28 «I Marigi Alatala yi nan masenxi: <A gbe mu luxi n xa i sa i yaxuie sagoe, naxee nu rapaaxu i ma a singe ra, i fa gbilen e foxo ra.

29 E i gerema ne, e i harige birin ba i yi ra. E i luma i mageli nan na i xa langoeja xa yaagi kui.

30 I xa wali seniyentare bara yi gbaloe fi i ma, barima si gbete xoli nu na i ma, i fa fe jaaxi raba e xa kuyee ra.

31 I to ipere i taara xa kira xon ma, n a xa jaxankate tonbili nan soma i yi ra.»

32 «Alatala yi nan masenxi:

<I i taara xa jaxankate tonbili xungbe tongoma ne,

i fa jaxankate gbegbe soto, naxan na a kui, a fa findi yaagi belebele ra i be.

33 Na jaxankate nan a niyama i fa lu alo siisila nimisaxi.

Na findima kasare nun kanari nan na i be, alo a nu na ki naxe i xunya Samari be.

34 I fama ne na birin sotode han a dangi a i, i fa i yete xipe iboo sunnunyi kui.

I Marigi Alatala xui nan na ki.»

35 «Alatala yi nan masenxi na xa fe ra: <I to bara nemu n ma, i fa i kobe raso n na, a lanma ne i xa i xa langoeja kote xanin.»

36 Alatala naxa a masen n be, a naxe, «Adamadi, i Ohola nun Oholiba makiitima ne? E rakolon e xa wali jaaxie ra.

37 E bara yene raba, e bara faxe ti, e bara yene raba e xa kuyee ra, e bara e xa die fan gan serexe ra na kuyee be. Na die nu findixi n tan nan gbe ra.

<sup>38</sup> E man yi nan nabaxi n na: E bara n ma hōrōmōbanxi findi yire sēniyentare ra, e n ma malabui lōxōe fan mabere.

<sup>39</sup> E to nu e xa die bama sērexe ra e xa kuyee bē lōxōe naxē, e man so nē n ma hōrōmōbanxi kui, e a findi yire sēniyentare ra. E na nan nabaxi n ma banxi kui.»

<sup>40</sup> «E naxa xērae xēe yire makuye, alako mixie xa fa. E to i yire li, i naxa i maxa, i lini ti i yae ra, i i xa xunmase tofanyi gbaku i kōn ma alako i xa rafan e ma.

<sup>41</sup> I naxa e rasene sade fanyi ma, i n ma surayi nun ture dōxō teebili ra.»

<sup>42</sup> «Nama nu na i rabilinyi. Sebakae fan nu na naxee keli gbengberenyi ma. E nu bēlexerasoe soma i tan nun i xunya bēlexe ra, e fa mange nimitē tofanyi dusu wo xunyie ma.

<sup>43</sup> Na temui n naxa a fala na ginē xa fe ra naxan nu bara tagan a xa langoeja rabafe ra, <Wo xa a tongo langoe ginē ra, barima a na gbansan nan kolon.>

<sup>44</sup> E naxa sa na ginē fē ma langoe ki ma. E e sa Ohola nun Oholiba fē ma na ki nē.

<sup>45</sup> Kōnō tinxintōe e makiitima nē e xa yene xa fe ra, a nun e xa faxe tife xa fe ra.»

<sup>46</sup> «Wo Marigi Alatala yi nan masenxi: <Gali nde xa te e xili ma, e xa e xun nakana, e harige birin xanin.

<sup>47</sup> Na gali e magōnōma nē gemēe ra, a e faxes e xa santidēgemae ra. A e xa die faxes, a e xa banxie gan tē ra.>»

<sup>48</sup> «N langoeja jōnma na ki nē wo xa bōxi kui, alako ginēe xa a kolon a mu lanma e xa jere wo gbe ki ma.

<sup>49</sup> Wo xa yeε kote nun wo xa kuye batui kote na dɔxɔ wo xun ma, wo a kolonma ne a n tan nan na wo Marigi Alatala ra.»

## 24

### *Tunde taali*

<sup>1</sup> A ne solomanaani nde, kike fu, xi fu nde ra, Alatala naxa a masen n be, a naxe,

<sup>2</sup> «Adamadi, i xa yi ne, yi kike, nun yi loxɔe sebe, barima to Babilon mange gere foloma ne Darisalamu.

<sup>3</sup> I xa yi taali woyenyi fala yi bonsɔe murutaxi be. A fala e be:

«Alatala yi nan masenxi:

Ye sa tunde kui, tunde dɔxɔ te ma.

<sup>4</sup> Sube xuti fanyie sa a kui,

xutie naxee fan a birin be alo tabe nun tunki sube,

<sup>5</sup> naxan xabaxi xuruse fate fanyi ra.

Yege sa te han tunde xa satun, sube xa jin.»»

<sup>6</sup> «Wo Marigi Alatala yi nan masenxi:

Ghaloe bara yi boxi li.

Ye bara so sube ra tunde kui.

Sube xuti birin ba keren kerenyi ra.

<sup>7</sup> Mixi kon to raxaba, a raba fanye nan fari.

Xa a sa raba boxi ne nu, bende nu noma a makotode.

<sup>8</sup> N fan fama ne wo wuli rafilide n gberɔxɔe ra fanye fari,

alako a naxa makoto.»

<sup>9</sup> «Wo Marigi Alatala yi nan masenxi:

«Naxankate na yi taa faxeti be.

N yege gbege sama ne na te xora.

<sup>10</sup> Wo fan yege sa te, a xa xungbo.

Sube jin a fanyi ra, bore se sa a fari, a xorie xa gan feo.

<sup>11</sup> Na dangi xanbi, tunde igeli xa doro tige wolenxi fari,

han tunde xa fura alo wure gbeeli naxan wama raxunufe,

alako se birin naxan luxi tunde kui a xa jon.

<sup>12</sup> Koro na mu sooneyama.

Te mu noma se birin xoride naxan luma tunde kui.»»

<sup>13</sup> «Wo bara findi seniyentaree ra wo xa yene xa fe ra. N bara kata wo raseniyende, koro wo mu tin. Na kui wo mu seniyenyi sotoma han n ge n ma xone birin naminide wo ma.

<sup>14</sup> N tan Alatala xa a fala wo be, na waxati bara a li. N mu kinikinima wo ma, n mu gbilenma n ma nate ma. N wo makiitima wo jere ki nun wo xa wali nan ma. Wo Marigi Alatala xui nan nan ki.»

<sup>15</sup> Alatala naxa a masen n be, a naxe,

<sup>16</sup> «Adamadi, a gbe mu luxi n xa a niya a naxan nafan i ma dangife i yae yati ra, n fama ne na ralode i ma keren na. Koro i naxan nabama, i naxa wa xui yo ramini, i naxa ya ye keren namini.

<sup>17</sup> I xa i sabari i xa sunnunyi kui, i naxa i xui ramini alo mixie darixi a raba ra faxa mixie be ki naxe. I naxa i xunyi mageli ti, i naxa sankiri ba i sanyi, i naxa i yatagi makoto, i naxa donse don mixie darixi naxan don na jon fe temui.»

<sup>18</sup> N ma gine naxa faxa na nunmare ra. Na kuye iba gεεsege, n naxa a raba alo Alatala nu bara n yamari ki naxe.

<sup>19</sup> Nama naxa n maxorin, «I na yi jon fe rabafe ki naxe, na munse masenma muxu tan be?»

<sup>20</sup> N naxa e yaabi, «Alatala naxa a masen n be, a naxe,

<sup>21</sup> <A fala Isirayila bonsoe be, wo Marigi Alatala naxe, a gbe mu luxi n xa a niya n ma horomobanxi xa findi yire seniyentare ra, na banxi naxan nafan wo ma ki fanyi ra. Wo xa die man faxama ne santidegema ra.>

<sup>22</sup> Na temui wo fama na jon fe suxude alo n a suxu ki naxe. Wo mu wo yatagi makotoma, wo mu jon fe donse donma,

<sup>23</sup> wo mu wo xunyi mageli tima, wo mu sankiri bama wo sanyi. Wo mu jon fe rabama wa xui ra. Wo xa yunubie nan tun wo xun nakanama.

<sup>24</sup> Ala man naxe, <Annabi Esekiyeli findima wo be misaali nan na. A naxan nabaxi, wo fan fama na nan nabade. Na fee na raba, wo a kolonma ne a n tan nan na wo Marigi Alatala ra.>»

<sup>25</sup> «Adamadi, n xa a fala i be, n e xa horomobanxi, naxan nafanxi e ma ki fanyi ra, a nun e xa die, n nee bama e yi ra loxo naxe,

<sup>26</sup> na loxo yati mixi ratangaxi fama ne i yire, a na xibaarui fala i be.

<sup>27</sup> Na loxo, i nenyi fulunma ne na mixi ratangaxi ya xori, i mu findima boboe ra sonon. Na birin findima misaali nan na nama be, e fa a kolonde a n tan nan na Alatala ra.»

*Amon, Mowaba, Edon, nun Filisita xa  
naxankats*

<sup>1</sup> Alatala naxa a masen n βε, a naxε,

<sup>2</sup> «Adamadi, i xa n ma masenyi ti Amonikae xili ma.

<sup>3</sup> A fala e βε, <Wo wo tuli mati wo Marigi Alatala xui ra. A yi nan masenxi: Wo to yele n ma hōrōmōbanxi xa seniyenyi kanafe ra, a nun Isirayila xa bōxi xa kanari, a nun Yuda bōnsōε sigafe ra konyiya kui,

<sup>4</sup> n wo sama nε sogetedekae sagoe. E yonkinma nε wo tagi, e wo xa donse don, e wo xa xijε min.

<sup>5</sup> N Raaba findima nōxōmε gōōrε nan na, n Amoni bōxi findi yεxεε malabude ra. Wo a kolonma nε a n tan nan na Alatala ra.>»

<sup>6</sup> «Wo Marigi Alatala yi masenxi, a naxε, <Wo tan bōjε naxie to fare boron nεlexinyi kui n ma nama xa gbaloe xa fe ra,

<sup>7</sup> n fama nε n belexε italade wo xili ma, n wo sa si gbetεε sagoe. N wo si nōnma nε duniņa ma. N na gε na rabade, wo a kolonma nε a n tan nan na Alatala ra.>»

<sup>8</sup> «Wo Marigi Alatala yi nan masenxi, a naxε, <Mowaba nun Seyiri to bara a fala a Yuda bōnsōε luxi nε alō namanεε birin,

<sup>9</sup> n fama nε a niyade a xa bōxi fanyi keli Beti Yesimoti ma, Bali Meyoni, han Kiriyatayimi, birin xa lu a yaxuie sagoe.

<sup>10</sup> N a fima nε sogetedekae ma, a nun Amoni bōxi n fama naxan xili nōnde duniņa ma.

<sup>11</sup> N na gε Mowaba naxankatade, e a kolonma nε a n tan nan na Alatala ra.>»



<sup>12</sup> «Wo Marigi Alatala yi nan masenxi, a naxe, <Edon bonsɔɛ to a gbeɔɔɔ Yuda bonsɔɛ ma, e bara haake sɔɔ.

<sup>13</sup> Na kui, Alatala yi nan masenxi: N Edon gerema ne santidegema ra, n mixi nun xuruse birin sɔntɔ kelife Teman ma han Dedan.

<sup>14</sup> N na n gbeɔɔɔma ne Edon ma n ma jama Isirayila saabui ra n ma xɔne bere ra. E fama ne gbeɔɔɔ kolonde. Wo Marigi Alatala xui nan na ki.»»

<sup>15</sup> «Wo Marigi Alatala yi nan masenxi, a naxe, <Filisitakae to e gbeɔɔɔ Yudaya ma e naxan xɔnxi kabi temui xɔnkuye,

<sup>16</sup> n tan wo Marigi Alatala yi nan masenxi: N Filisitakae gerema ne, n Keriti bonsɔɛ jɔn, n mixie sɔntɔ naxee sabatixi baa de ra.

<sup>17</sup> N na n gbeɔɔɔma ne e ma n ma xɔne kui. Na temui e a kolonma ne a n tan nan na Alatala ra.»»

## 26

### *Tire xa jaxankate*

<sup>1</sup> A je fu nun keren nde, kike xi singe ra, Alatala naxa a masen n be, a naxe,

<sup>2</sup> «Adamadi, Tire to bara a kolon a Darisalamu na safe si gbete sagoe, a fa a maɔɔɔun a noma naafuli sɔɔde na gbaloe raba xa fe ra,

<sup>3</sup> wo Marigi Alatala yi nan masenxi, <Tire, n tixi wo kanke! N fama ne si gbete ra wo yire, e din wo ra alɔ baa mɔɔnyie.

<sup>4</sup> E Tire tete birin yensenma ne, e wo xa yire makantaxie kana, wo xɔnyi fa findi fanye mageli ra,

<sup>5</sup> γεξεsuxuie e xa yelee raxarama dennaxe. Alatala xui nan na ki. N a xa naafuli fima ne si gbete ma,

<sup>6</sup> a xa mixie faxama ne santidegema ra. Na kui, e a kolonma ne a n tan nan na Alatala ra.»»

<sup>7</sup> «Wo Marigi Alatala yi nan masenxi, a naxe, <N fama ne Babilon mange xungbe Nebukadansari ra kelife kola ma, a xa wo tan Tirekae gere a xa soori gali nun a xa soe rafi gali ra.

<sup>8</sup> A wo xa mixie sontoma ne santidegema ra. A yiree mate wo xa tete seti ma alako a xa naa kana. Wo mu noma a torode a xa wure lefae xa fe ra.

<sup>9</sup> A dinma ne wo xa naadee nun wo xa yire makantaxie ra a xa geresosee ra, han e bira.

<sup>10</sup> A xa soe gali xube ratema ne han. Wo xa tete serenma ne e xa soe, e xa soori ragisee, nun e xa se xanin see xui ra, e na so wo xa tete biraxi tagi temui naxe.

<sup>11</sup> E wo xa kirae boronma ne, e wo xa mixie faxa santidegema ra, e wo xa banxi fanyie rabira.

<sup>12</sup> E wo xa naafuli xaninma ne, e wo harige xun nakana. E wo xa tete rabira, e wo xa banxie kana, naxan na lu, e na wole baa ma.

<sup>13</sup> N wo xa sigi sa danma ne, wo xa kora xui mu mema sonon.

<sup>14</sup> N i findima fanye mabaxi nan na, yelee raxarama dennaxe. Wo xa taa mu gbilenma ti ra sonon, barima n xui nan na ki. Wo Marigi Alatala na nan masenxi.»»

<sup>15</sup> «Wo Marigi Alatala yi nan masenxi Tire be, a naxe, <Si gbete naxee sabatixi baa de ra, e fama ne wo wa xui mede yi gbaloe xa fe ra.

<sup>16</sup> E xa mangɛe goroma nɛ e xa kibanyie kui, e e xa dugi fanyie ba e ma, e fa sunnun dugi ragoro e ma, alako e xa dɔxɔ wo sɛɛti ma bɔxi ma yaragaaxui kui.

<sup>17</sup> E sunnun suuki nde xabuma nɛ wo xun ma, naxan a falama,  
Wo xa fe xun bara rakana,  
wo tan taa senbema kunkui rapɛɛɛ.  
Wo senbɛ nu gbo baa ma,  
birin nu gaaxuma wo ya ra.

<sup>18</sup> Kɔnɔ yakɔsi si naxee sabatixi baa dɛ ra,  
e bara gaaxu a fanyi ra wo xa gbaloe xa fe ra.»

<sup>19</sup> «Wo Marigi Alatala yi nan masenxi, a naxɛ,  
«N na wo xa taa kana, mixi yo mu lu naa sɔnɔn,  
baa ye fa din na yire ma,

<sup>20</sup> na luma nɛ alɔ mixi dangixi naxee bara siga aligiyama. N wo nɔxunma nɛ bɔxi bun ma, wo mu gbilen dunipa ma sɔnɔn.

<sup>21</sup> N wo rapɔnma nɛ yi gbaloe kui feo. Mixi naxan wo fenma, a mu wo toma sɔnɔn. Wo Marigi Alatala xui nan na ki.»

## 27

### *Sunnun suuki Tire bɛ*

<sup>1</sup> Alatala naxa a masen n bɛ, a naxɛ,

<sup>2</sup> «Adamadi, sunnun suuki ba Tire bɛ.

<sup>3</sup> I xa a fala yi bɔnsɔɛ bɛ, naxan sabatixi baa dɛ ra, naxan yuleya raba dunipa birin, «Alatala yi nan masenxi:

Wo tan Tire, wo naxɛ wo tofan dangi birin na.

<sup>4</sup> Wo senbɛ nu gbo baa ma,  
wo xa kunkui yailanyie nu walima a fanyi ra.

<sup>5</sup> E nu sipirɛ wuri rawalima kelifɛ Seniri bɔxi ma,

e nu sɛdiri wuri rawali kelife Liban bela ra.

<sup>6</sup> E nu konde wuri yailan laala ra naxan kelixi Basan.

E nu santali wuri rawali kelife Sipiri bɔxi ma kunkui raxunmase ra,

e fa gɛmɛ tofanyie raso na wuri kui.

<sup>7</sup> I xa bela yailanxi tasɔxɔɛ tofanyi nan na kelife Misira.

Dugi gbɛtɛɛ fan nu gbakuma wo xa kunkuie ra naxee findixi garɛ dugi ra kelife Elisaha bɔxi ma.

<sup>8</sup> Sidɔnkae nun Arawadakaɛ nan nu na wo xa laalabae ra,

Tirekaɛ nan nu na wo xa kunkui rapɛrɛɛ ra.

<sup>9</sup> Gebalikae nan nu na wo xa kunkui yailanyie ra.

Kunkuie nu fama wo yire kelife dunija birin ma yuleya rabade.»»

<sup>10</sup> «Perisekaɛ, Lidikaɛ, nun Putikaɛ nan nu na wo xa sɔori galie ra,

e xa geresosee nun e xa makantasee nu gbakuma wo xɔnyi nɛ.

Na birin findixi xili fanyi nan na wo bɛ.

<sup>11</sup> Arawada nun Helexi sɔorie nan nu wo xa tɛtɛ makantama,

Gamadikaɛ nan nu mɛɛnima wo xa yire makan-taxie ma,

e xa geresosee nun e xa makantasee nu gbakuma wo xɔnyi nɛ.

Na birin findixi xili fanyi nan na wo bɛ.»

<sup>12</sup> Tarasisikaɛ nu gbeti, wure, yɔxui, nun sunbui nan masarama wo xa yirabasee ra.

<sup>13</sup> Girekikaɛ, Tubalikaɛ, nun Mesekikaɛ nu konyie nun wure gbeeli nan masarama wo xa yirabasee ra.

14 Togaramakae nu soe nun sofale mooli birin nan masarama wo xa yirabasee ra.

15 Dedankae nu sare soma wo xonyi sili jinyie nun wuri fanyi nan na.

16 Wo tan nun Aramikae nu yuleya rabama wo bore tagi. E nu geme tofanyi, gare dugi, dugi rawalixi, dugi masoxoxie, baa bun ma geme, nun geme tofanyi gbeelie nan masarama wo xa yirabasee ra.

17 Yudakae nun Isirayilakae nu mengi nun fundenyi maniye naxee kelixi Miniti boxi ma, donse joxunmee, kumi, ture, nun seri nan masarama wo xa yirabasee ra.

18 Damasikae nu fama weni nan na kelife Xelebon nun yexee xabe kelife Saxaru, e nu e masarama wo xa yirabasee ra.

19 Danakae nun Yawanikae naxee kelixi Usali, e nu wure, kasiya wuri, nun seri nan masarama wo xa yirabasee ra.

20 Dedankae nu fama soe maxiri dugie nan na.

21 Arabikae nun Kedari mangee nu yuleya rabama wo xonyi yexeee, si kontonyie, nun sie nan na.

22 Seeba nun Rama yulee nu se xiri joxunme, geme tofanyie, nun xema nan masarama wo xa yirabasee ra.

23 «Xaranikae, Kannekae, Edenkae, Seebakae, Asiriyakae, nun Kilimadakae birin nu yuleya rabama wo xonyi ne.

24 E nu fama dugi tofanyie, gare dugie, dugi tasoxoe, nun dugi masoxoxie mooli birin nan na.»

25 «Tarasisi kunkuie nan wo xa yuleya see  
maxaninma wo be.

Wo xa kote gbo naxan jereba baa ma.

26 Wo xa laala bae wo xaninma yire makuye baa  
ma,

konɔ foye naxan kelima sogetede mabiri, a wo  
madulama ne baa ma.

27 Wo xa naafuli, wo xa yuleya see, wo xa  
yirabasee,

wo xa kunkui ragie, wo xa kunkui yailanyie, wo  
xa soorie, wo xa yulee,

mixi birin naxee na wo xa kunkuie kui,  
e madulama ne na gbaloe loxo.

28 Kunkui rajere gbelegbele xui mema ne kelife  
baa de ra.

29 Laala bae, kunkui rajere birin tima baa de ra  
na fe ma.

30 E wama, e xa sunnunyi xui ratema wo xa  
gbaloe xa fe ra,

e xube so e xunye ma wo xa jon fe temui.

31 E e xunye bima ne sunnunyi kui, e sunnun  
dugie ragoro e ma.

E wa e xui itexi ra, e boje toroma ne ki fanyi  
ra.»

32 «Na birin kui e sunnun suuki nde bama ne wo  
be, a falafe ra,

<Si mundun jonma yi ki alo Tire jonxi ki naxe?>

33 Wo xa yuleya kote to jereba baa ma,

paname nu jalexinma ne wo xa yirabasee ra.

Wo xa naafuli nun wo harige nan nu a niyama  
dunija mangee xa bannaya so.

34 Konɔ yakosi baa tan bara wo xun nakana,

a bara wo xa kote nun wo xa mixie don gbiki.

<sup>35</sup> Mixi naxee sabatixi baa de, e bara gaaxu,  
hali mangɛ de bara ixara.

<sup>36</sup> Yule naxee na dunija,  
e birin bara kaaba wo xa gbaloe xa fe ra.  
Wo xa fe bara jon kerenyi ra.»

## 28

### *Masenyi Tire mangɛ nun Sidon be*

<sup>1</sup> Alatala naxa a masen n be, a naxɛ,

<sup>2</sup> «Adamadi, a fala Tire mangɛ be, <I Marigi  
Alatala yi nan masenxi:

I bara la i yete ra a falafe ra, «Ala nan n tan na!  
N doxo alae xa kibanyi nan kui baa de ra!»

Kono i mu findixi ala yo ra,  
hali i to a mapoxunxi a i xaxili luxi ne alo Ala  
gbe.

Ibunadama tun nan na i ra.

<sup>3</sup> I joxo a ma a i xaxili fan dangi Annabi Daniyeli  
gbe ra?

I gundo fe birin kolon?

<sup>4</sup> I xa xaxilimaya bara a niya i xa bannaya soto,  
xema nun gbeti gboxi i xa naafuli ya ma.

<sup>5</sup> I fata yuleya rabade.

Na bara findi bannaya ra i be,  
kono a man bara a niya i xa findi yete igboe ra.»

<sup>6</sup> «Na fe ma, i Marigi Alatala yi nan masenxi:

I joxo a ma i xaxili luxi ne alo Ala gbe,

<sup>7</sup> n i yaxui kobie radinma ne i ma,  
alako e xa e xa santidegema ba e tee kui,  
e xa wo xa tofanyi nun wo xaxilimaya ragoro,  
i xa fe fanyi xun fa rakana.

<sup>8</sup> E i madulama ne baa ma, i fa faxe xoxoxoe soto,  
i goro aligiyama.

<sup>9</sup> I fama ne a falade faxetie ya i, <Ala na n na>?  
Mixi nan tun na i ra naxan faxama mixie belexe  
ra.

<sup>10</sup> I faxama ne yaagi kui alo bilakore.

I Marigi Alatala xui nan nan ki.»

<sup>11</sup> Alatala naxa a masen n be, a naxe,

<sup>12</sup> «Adamadi, sunnun suuki nde ba Tire mange  
be, a falafe ra,

<I Marigi Alatala yi nan masenxi:

I nu kamalixi xaxilimaya nun tofanyi nan na.

<sup>13</sup> A nu luxi ne alo i sabatixi Ala xa yire fanyi nan  
kui naxan xili Eden boxi.

Geme tofanyi naxee sare gbo e nu na i yi ra.

E xili nu falama: sariduwani, topasi, diya-  
man, kirosolite, onixi, yasape, safiri,  
esikaribukulu, nun emerode.

Nee nu saxi xema raxunmasee nan tagi, e findi  
xurunde, belexerasoe, nun konmagoree  
ra.

Ala na nan birin rafalaxi i be i daa temui.

<sup>14</sup> N to i ti mange ra, n maleke senbe so i yi ra.

I nu perema te nan tagi n ma geya fari.

<sup>15</sup> I nu seniye n kabi i daa loxoe,

kononoxintareya bara i suxu.

<sup>16</sup> I xa yuleya xa gboe bara i findi yunubitoe  
naaxi ra.

Na kui n naxa i keru Ala xa geya fari,  
n naxa maleke senbe ba i yi.

<sup>17</sup> I xa tofanyi nan a niya i xa findi yete igboe ra.

I xa fe kolonyi nan a niya i xun xa rakana.

Na kui n naxa i xa fe magoro boxi ma alako  
mangee xa i to.



18 I xa yunubie nun i xa tinxintareya i xa yuleya  
kui,

na bara i xa salidee findi yire seniyantaree ra.  
N bara te ramini i xili ma naxan i xun nakanama,  
n bara i findi xube ra pama ya xori.

19 Mange naxee nu i kolon,  
e birin bara makaaba i xa gbaloe xa fe ra.  
I xa fe bara jon kerenyi ra.»»

20 Alatala naxa a masen n be, a naxe,

21 «Adamadi, i xa ti Sidon kanke, i xa masenyi ti  
a be n xili ra, a falafe ra,

22 <Wo Marigi Alatala yi nan masenxi:

N bara keli i xili ma Sidon!

N na n ma nore masenma ne wo tagi.

N na wo jaxankata, mixie a kolonma ne a n tan  
nan na Alatala ra.

Na loxe n na n ma seniyyeni masenma ne wo  
ya ma.

23 N wuganyi radinma ne wo ma, mixi gbegebe xa  
fafa taa kui.

N santidegema rawalima ne wo xili ma, mixi  
gbegebe xa sonto yire birin.

Na kui mixie a kolonma ne a n tan nan na Alatala  
ra.»»

24 «Na temui wo mu luma alo tunbee Isirayila  
bonsoe seeti ma sonon, e fa a kolon a n tan nan  
na e Marigi Alatala ra.»

25 Alatala naxa a masen n be, a naxe, «N  
na ge Isirayila bonsoe birin tongode pamanee  
tagi e rayensenxi dennaxe, n na n ma seniyyeni  
masenma ne e be pamanee ya xori. Na temui e  
sabatima ne fa e xa boxi ma, n naxan fixi n ma  
konyi Yaxuba ma.

<sup>26</sup> E luma ne naa xaxilisa kui, e banxie ti, e sansie si. E doxo naa xaxilisa kui, n na e doxo booree naxankatama temui naxe, naxee nu bara e tooro ki fanyi ra. Na temui, e a kolonma ne a n tan nan e Marigi Alatala ra.»

## 29

### *Misira xa naxankate*

<sup>1</sup> A ne fu nde, kike fu, xi fu nun firin nde ra, Alatala naxa a masen n be, a naxe,

<sup>2</sup> «Adamadi, i xa n ma masenyi ti Misira mange nun a xa nama be.

<sup>3</sup> A fala a be, <Alatala yi nan masenxi: N bara keli i xili ma, i tan Misira Firawuna, naxan luxi alo soje magaaxuxi xure senkinnee ma.

I naxe, «N bara Nili xure daa n yete be.»

<sup>4</sup> Kono n konyi belebele sotima ne i banganyie kui,

n a niyama ne yexee xa boni i xalee ma, n fa i rate xure kui, i tan nun na yexee birin na.

<sup>5</sup> N i luma gbengberenyi nan ma, i tan nun na yexee birin.

Wo luma naa, mixi yo mu wo makoma.

Wo findima donse nan na wulai subee nun xonie be.

<sup>6</sup> Na temui Misirakae birin a kolonma ne a n tan nan na Alatala ra.»

«Wo bara lu alo kale Isirayila bonsoe naxan suxu mali se ra,

<sup>7</sup> kono wo fa iboo a belexe kui, wo a tunki soxo. E to e xaxili ti wo ra, wo e yanfa ne, e fa lu toore kui.

8 Wo Marigi Alatala yi nan masenxi:

N fama ne santidegema ra wo xa mixie nun wo xa xuruse faxafe ra.

9 Misira boxi na findi yire maxaraxi ra naxan nabepinxi,

e a kolonma ne a n tan nan na Alatala ra.»

«Wo to a fala, <N bara Nili xure daa n yete be,>

10 n kelima ne wo xili ma nun wo xa xuree xili ma.

N Misira boxi raxarama ne, n a rabepin,

kelife Migidoli ma, han a sa doxo Asuwan ra, han Kusi naaninyi ra.

11 Mixie mu dangima naa, subee mu dangima naa.

Mixi yo mu sabatima naa han ne tongo naani.

12 N Misira boxi rabepinma alo yire gbete,

n a xa taae xun nakanama ne alo taa gbete.

N Misirakae rayensenma ne dunija yire birin.»

13 Kono wo Marigi Alatala man yi nan masenxi:

«Ne tongo naani dangi xanbi, n man Misirakae malanma ne, kelife jamanee ma n e rayensen dennaxe.

14 N e ragbilenma ne e xonyi Patiroso mabiri kelife konyiya kui. N e luma ne e xa e yete yamari, kono e xa mangeya mu senbe gbegbe sotoma.

15 E mu e xunyi itema boxi gbete yo xun ma sonon. N e magoroma ne, alako e naxa no jamanee ra.

16 E mu limaniya fima Isirayila ma sonon. Isirayila na Misira fe mapoxun, e ratuma e xa yunubie nan tun ma, e to e xaxili ti e ra. Na

tɛmɛi, e a kolonma nɛ a n tan nan na e Marigi Alatala ra.»

<sup>17</sup> A jɛ mɔxɔɲɛn nde, kike singe, xi singe ra, Alatala naxa masen n bɛ, a naxɛ,

<sup>18</sup> «Adamadi, Babilɔn mange Nebukadansari nun a xa sɔɔrie bara kata Tire ragorode, kɔnɔ e mu nɔ a ra fefe ma. E tɔɔrɔ nɛ tun, e mu naafuli yo sɔtɔ na kui.

<sup>19</sup> Na nan a ra, wo Marigi Alatala yi nan masenxi: N Misira bɔxi tan fima nɛ Babilɔn mange Nebukadansari ma, a xa e xa naafuli birin xanin a xa sɔɔri gali sare ra.

<sup>20</sup> N na birin fima nɛ a ma, barima a tan nun a xa sɔɔrie na nan nabaxi n tan bɛ. Wo Marigi Alatala xui nan na ki.

<sup>21</sup> Na lɔxɔɛ, n Isirayila bɔnsɔɛ sɛnbɛ gboma nɛ, n i xɛema masenyi tide e bɛ. Na tɛmɛi, e a kolonma nɛ a n tan nan na Alatala ra.»

## 30

### *Sunnun suuki Misira bɛ*

<sup>1</sup> Alatala naxa a masen n bɛ, a naxɛ,

<sup>2</sup> «Adamadi, i xa yi masenyi ti n xili ra: <Wo Marigi Alatala yi nan masenxi:

Wo gbelegbele! Gbaloe lɔxɔɛ bara fa!

<sup>3</sup> Alatala xa lɔxɔɛ bara makɔɛ, dimi bara fa gbaloe lɔxɔɛ ra jamanɛ bɛ.

<sup>4</sup> Santidegema fama nɛ Misira xili ma, tɔɔrɛ dinma nɛ Kusikae ra.

Misirakae faxama nɛ, e xa naafuli xanin, e xa tɛtɛ bira.»»

<sup>5</sup> Kusi, Puti, Ludu, Arabu, Libiya, nun Ala xa jama a saate tongoxi naxan bɛ, e birin faxama nɛ santidegema ra a nun Misira.

6 «Alatala yi nan masenxi:  
 <Misira malimae birama ne,  
 a yete senbe nonna ne, a nu laxi naxan na.  
 Kelife Migidoli, han Asuwan, e faxama ne san-  
 tidεgema ra.  
 Wo Marigi Alatala xui nan na ki.»»

7 «N Misira boxi rabεjinma ne alo yire gbeteε,  
 n a xa taεe xun nakana alo taa gbeteε.

8 N na te so Misira ra, n na no e malimae ra,  
 e a kolonma ne a n tan nan na Alatala ra.»

9 «Na loxoε, n xεεraε xεema ne kunkuie kui,  
 e xa Kusikae magaaxu, alako a xa bira n foxo  
 ra. Kontofili dusuma ne e xun na Misirakae xa  
 gbaloe loxoε naxan fafe, a mu kanama.»

10 «Wo Marigi Alatala yi nan masenxi:  
 <N Misira xa nama wuyaxi sontoma ne Babilon  
 mangε Nebukadansari senbe ra.

11 A tan nun a xa soori gali, naxan magaaxuxi  
 soori gali birin be,  
 n e fama ne na boxi xun nakanade.  
 E Misirakae faxama ne santidεgema ra,  
 e boxi rafema ne na binbie ra.

12 N Nili xure xorima ne,  
 n a boxi mati mixi jaaxie ma,  
 naxee a niya na boxi birin xun xa rakana.  
 Alatala xui nan na ki.»»

13 «Wo Marigi Alatala yi nan masenxi:  
 N wo xa kuyee kanama ne,  
 n wo xa kuyee ranonma ne Nofi taa kui.  
 Mangε yo mu luma Misira boxi ma sonon.  
 N gaaxui luma ne na boxi birin ma.

14 N Patirosi xun nakanama ne,

n tɛ din Sowan na,  
n Tebese ɲaxankata.

<sup>15</sup> N na n ma xɔnɛ raminima nɛ Sini ma, Misira  
sɛnbɛ na dɛnnaxɛ,  
n Tebese xa ɲama birin sɔntɔ.

<sup>16</sup> N tɛ soma nɛ Misira ra,  
n Sini rasɛrɛn tɔɔrɛ kui,  
n Tebese xun nakana,  
n Nofi so a yaxuie yi ra.

<sup>17</sup> Oni nun Pi Bɛsɛti sɔɔrie birin faxama nɛ  
santidɛgɛma ra,  
taakɛ xaninma nɛ konyiya kui.

<sup>18</sup> Tapanxɛsi bira lɔxɔɛ xɔrɔxɔma nɛ Misira bɛ,  
barima na tɛmɛi, a sɛnbɛ ɲɔnma nɛ,  
a sɛnbɛ a nu laxi naxan na.

<sup>19</sup> N Misira ɲaxankatama nɛ,  
e fa a kolon a n tan nan Alatala ra.»

<sup>20</sup> A ɲɛ fu nun kɛrɛn ndɛ, kikɛ singɛ, xi solofɛrɛ  
ndɛ ra, Alatala naxa a masɛn n bɛ, a naxɛ,

<sup>21</sup> «Adamadi, n bara Misira Firawuna bɛlɛxɛ  
gira. A mu maxirima, sɛri mu sama a ma, sɛsɛ  
mu rabama a yalanfɛ ra, a fa nɔ santidɛgɛma  
tongodɛ.

<sup>22</sup> Wo Marigi Alatala yi nan masɛnxi: N fafɛ  
Misira Firawuna xili ma, n xa a bɛlɛxɛ firinyiɛ  
gira, a bɛlɛxɛ fanyi nun a bɛlɛxɛ kanaxi, alako a  
xa santidɛgɛma lu naa abadan.

<sup>23</sup> N Misirakɛ rayɛnsɛnma nɛ dunija birin  
ma.

<sup>24</sup> N na n ma santidɛgɛma soma nɛ Babilɔn  
mangɛ yi, n sɛnbɛ fi a ma, kɔnɔ n Firawuna  
bɛlɛxɛ girama nɛ, a nuunu a ya i alɔ mixi naxan  
na faxafɛ.

<sup>25</sup> N sɛnbɛ fima nɛ Babilɔn mangɛ ma, kɔnɔ n Firawuna tan bɛlɛxɛ igoro. N na n ma santidɛgɛma sa Babilɔn mangɛ bɛlɛxɛ tɛmɛi naxɛ, a naxa a ite Misira xili ma, e a kolonma nɛ a n tan nan na Alatala ra.

<sup>26</sup> N Misirakɛ rayensenma nɛ dunɪja birin ma. Na tɛmɛi, e a kolonma nɛ a n tan nan na Alatala ra.»

## 31

### *Taali wɔyɛnyi Misira xa fe ra*

<sup>1</sup> A jɛ fu nun keren nde, kike saxan, xi singe ra, Alatala naxa a masen n bɛ, a naxɛ,

<sup>2</sup> «Adamadi, a fala Misira Firawuna nun a xa jama bɛ,

«Wo maniyɛ na minden?

<sup>3</sup> Asiriya bɔxi nu luxi nɛ alɔ sɛdiri wuri bili nde naxan nu na Liban wondi.

A salonyie nu tofan, a niini gbo, a ite dangi wuri birin na.

<sup>4</sup> Tunɛ ye nu bara a ramɔ,

ye naxan na bɔxi bun, na nu bara a rakuya.

A nu ye radinma a sankee ma,

a fa ye xanin fɔtonyi birin kui.

<sup>5</sup> Na nan a niya, a tan nu ite na fɔtonyi wuri bilie birin bɛ,

a salonyie nu bara wuya,

e nu fa kuya ra na ye saabui ra.

<sup>6</sup> Xɔnie nu e xɛlɛ sama a salonyie ma,

burunyi subee nu di barima a niini bun ma,

jamanɛɛ nu sabatixi a sɛɛti ma.

<sup>7</sup> A nu tofan a xa xungbe xa fe ra,

a salonyie nu kuya han, a sanke nu birixi bɔxi  
bun ma pon ye fenfe ra.

<sup>8</sup> Sɛdiri bili naxee nu na Ala xa bɔxi ma Eden  
mabiri,

nee mu a xa kuyɛ sɔto.

A salonyie nu kuya Sipiri salonyie bɛ, e kuya  
wuri mɔoli birin bɛ.

A tofanyi maniyɛ yo mu nu na Ala xa bɔxi ma.

<sup>9</sup> N tan nan a ratofan, n tan na a salonyie wuya,  
dangife wuri bili birin na Ala xa bɔxi ma Eden  
mabiri.»»

<sup>10</sup> «Na nan a to, wo Marigi Alatala naxa yi  
masen: A to nu ite dangi wuri birin na, yetɛ  
igboɲa fa lu a bɔɲɛ kui,

<sup>11</sup> n a saxi ɲamanɛɛ xa mangɛɛ sagoe na nan  
ma, e xa a ɲaxankata a xa ɲaaxɲa bɛɛ ra. N to  
a bɛɲin,

<sup>12</sup> mangɛɛ nde naxan kobi a birin bɛ, a bara a  
fɔn, a fa a lu naa. A salonyie bara bira geyae fari  
nun gulunbae kui. A salonyi giraxie nu na bɔxi  
birin ma. ɲamanɛɛ naxa keli a niini bun ma.

<sup>13</sup> Xɔnie nun burunyi subee gbansan nan nu  
luxi a salonyie tagi.

<sup>14</sup> Na kui, a mu lanma wuri yo xa kuya na ki  
dangi wuri birin na. Wuri naxee ye sɔto a fanyi  
ra, a mu lan e xa na kuyɛya li. Seriyɛ ki ma, e xa  
faxa alo ibunadama naxan sigama aligiyama.»

<sup>15</sup> «Wo Marigi Alatala yi nan masenxi: A faxa  
lɔxɔɛ naxɛ, n a ɲɔn fe raba nɛ ye birin na, ye  
fa xɔri. N naxa dimi rasin Liban ma a xa fe ra,  
fɔtonyi naxa xara.

<sup>16</sup> N naxa ɲamanɛɛ ragaaxu a bira xui ma, n to  
a faxa alo mixi naxee faxaxi sigama aligiyama.



Na temui Eden wuri bilie birin, naxee fan Liban wuri bilie birin be, naxee ye soto a fanyi ra, nee naxa raxara.

<sup>17</sup> Mixi naxee nu sabatixi na wuri xungbe niini bun ma, e nun naxee nu saataxi, e fan naxa siga aligiyama, e fa mixie li e nu bara naxee faxa santidegema ra.»

<sup>18</sup> «Eden wuri mundun maniyama wo xa tofanyi nun wo xa senbe ra? Hali wo tan goro aligiyama, wo fa lu sunnatatee ya ma naxee faxama santidegema ra. Na birin misaalixi Misira mange Firawuna nun a xa soori gali nan na. Wo Marigi Alatala xui nan na ki.»

## 32

### *Sunnun suuki Firawuna be*

<sup>1</sup> A je fu nun firin nde, kike fu nun firin, xi singe ra, Alatala naxa a masen n be, a naxe,

<sup>2</sup> «Adamadi suuki nde sa Misira mange Firawuna be, a falafe ra:

«I luxi ne alo yete pamanee tagi,

alo yexe magaaxuxi baa ma,

naxan ye imaxama a bele ra han a dunda.

<sup>3</sup> I Marigi Alatala yi nan masenxi, a naxe:

N na n ma yele dusuma ne i xun na,

gali fa i bendun n ma.

<sup>4</sup> N i ratema ne xare ma,

n i woli fili ma, xonie nun burunyi subee luga i ra.

<sup>5</sup> N i sube sama ne geyae fari,

i xuntunye lu gulunbae kui,

<sup>6</sup> boxi bunda i wuli ra han geyae fari,

i sube to folee kui.

7 N na i xun nakana,  
n koore makotoma ne, n tunbuie xa yanbe ba.  
N soge makotoma ne nuxui ra, kike fan mu  
yanbama.

8 N yanbasee birin makotoma ne i xa fe ra,  
n dimi rasin i xa boxi ma.  
I Marigi Alatala xui nan nan ki.»

9 «N na i xa kanari masen jamanee ma,  
n jama gbegbe raxonna ne i xili ma,  
i mu naxee kolon.

10 N na n ma santidegema ba a tee kui,  
n si gbegbe raterennama ne i xa fe ra,  
e xa mangee fa gaaxu.

E na i xa bire to,  
e birin gaaxuma ne e yete xa fe ra.

11 E Marigi Alatala yi nan masenxi, a naxee:  
Babilon mangee xa santidegema i lima ne.

12 N i xa soori galie ragoroma ne jalamae xa  
santidegema ra,

jalamae naxee jaaxu soorie birin be.  
E Misirakae xa yete igbona kanama ne,  
e e xa soori galie sonto.

13 N i xa xurusee faxama ne Nili xure de ra.  
Mixi yo, xuruse yo, sese mu lu na ye dunda ra.

14 N na ye raxarama ne, a xele alo ture.  
I Marigi Alatala xui nan na ki.»

15 «N na Misira boxi findi yire maxaraxi ra,  
n na a harige birin ba naa,  
n na a xa mixie birin faxesa,  
na temui, e a kolonma ne a n tan nan na e Marigi  
Alatala ra.»

16 «Sunnun suuki nan na ki, pamanεε fama naxan bade Misira nun a xa sɔɔri galie bε. Wo Marigi Alatala xui nan na ki.»

17 A jε fu nun firin nde, kike fu nun firin, xi fu nun suuli nde ra, Alatala naxa a masen n bε, a naxε,

18 «Adamadi, wa xui rate Misira xa sɔɔri galie nun pamanεε xa fe ra, naxee birin sigama aligiyama.

19 A fala e bε, <Wo tan xa fe dangi wo booree ra? Wo faxama nε, wo nun sunnataree ragata yire keren.>

20 Misira nun a xa sɔɔri galie faxama santidεgema nan saabui ra.

21 E jamanε mange jalamae lima nε aligiyama, naxee a falama Misira xa fe ra, <E fan bara siga aligiyama, e fa lu sunnataree fe ma naxee man faxaxi santidεgema ra.>»

22 «Asiriya nun a xa sɔɔri gali birin na menni gaburie tagi, a xa mixie birin naxee faxaxi santidεgema ra.

23 Asiriyakae ragataxi aligiyama, e xa sɔɔri galie saxi e sεeti ma, e tan naxee birin gbaloe radin dunija ma e xa santidεgema saabui ra.»

24 «Elama nun a xa sɔɔri galie fan na e xa gaburie sεeti ma. E fan faxaxi santidεgema nan na, e tan naxee gbaloe radin dunija ma, e fan sama nε sunnataree sεeti ma aligiyama, yaagi na e fɔxɔ ra.

25 A tan nun a xa sɔɔri galie birin saxi mixi faxaxie ya ma menni, e gaburie a rabilinxi. Na sunnataree birin faxaxi santidεgema nan na. E

to gbaloe radin dunija ma, e fan sigama ne aligiyama yaagi kui, e fa lu mixi faxaxie ya ma.»

<sup>26</sup> «Meseki nun Tubali xa soori galie fan na naa gaburie kui. Na sunnatatee birin faxaxi santidegema nan na, barima e nu gbaloe radinma dunija ma.

<sup>27</sup> E mu saxi soori sunnatatee gbete fe ma, naxee sigaxi aligiyama e xa geresosee ra, e xa santidegema saxi e xunyi bun ma? E xa yunubi sare bara gbilen e xorie ma gbaloe xa fe ra, e naxan nabaxi dunija ma.»

<sup>28</sup> «Misira mangɛ Firawuna fan birama ne, a fa sa sunnatatee ya ma naxee faxaxi santidegema ra.»

<sup>29</sup> «Edon xa mangɛ nun a xa kuntigie fan na naa. Hali e senbe nu gbo, yakosi e saxi sunnatatee ya ma naxee faxaxi santidegema ra.»

<sup>30</sup> «Mangɛ naxee kelixi koola mabiri ra, nun Sidonkae fan na naa. Hali e senbe nu gbo, e fa gbaloe raba dunija ma, e fan saxi sunnatatee ya ma naxee faxaxi santidegema ra. Na yaagi na e xun ma aligiyama.»

<sup>31</sup> «Misira xa Firawuna nun a xa soori galie nee toma ne, e fa madundu e xa soorie xa fe ra naxee faxaxi santidegema ra. Wo Marigi Alatala xui nan na ki.

<sup>32</sup> Hali n to a lu a gbaloe raba dunija ma, Firawuna nun a xa soori galie sama ne sunnatatee fe ma naxee faxaxi santidegema ra. Wo Marigi Alatala xui nan na ki.»

## 33

### *Makantama*

<sup>1</sup> Alatala naxa a masen n be, a naxe,

<sup>2</sup> «Adamadi, a fala i ngaxakerenyie be, <N na fa santidegema ra wo xa boxi xili ma, na a lima ne wo jan bara mixi nde sugandi taa makantama ra.

<sup>3</sup> Xa na taa makantama yaxuie to fa ra, a lanma a xa sara fe nama rakolonfe ra.

<sup>4</sup> Xa a na raba, kono mixi nde fa a bote raba na marakolonyi xui ma, a fa faxa gere kui, a bara na faxe ragiri a yete ma.

<sup>5</sup> A to sara fe xui me, kono a fa a bote raba, a nii kote na a yete nan xun ma. Kono mixi naxan na marakolonyi me, a fa a suxu soobe ra, na kanyi a nii rakisima ne.

<sup>6</sup> Kono xa taa makantama yaxuie to fa ra, a mu sara fe a xa mixie rakolon, na temui mixi naxan faxama na gere kui, hali e xa yunubie bara a niya e xa sonto, n e nii kote sama taa makantama nan xun ma.»

<sup>7</sup> «Adamadi, n bara i sugandi taa makantama ra Isirayila bonsoe be. I xa i tuli mati n ma masenyi ra, i fa e rakolon a ra n tan xili ra.

<sup>8</sup> N na a fala mixi kobi be a faxama ne, xa i mu a rakolon a xa gbilen a xa kira kobi foxo ra, na mixi jaaxi faxama ne a xa yunubi xa fe ra, kono n na nii kote sama i tan xun ma.

<sup>9</sup> Kono xa i a rakolon a xa gbilen a xa kira kobi foxo ra, a fa lu a mu tin na ra, a faxama a xa yunubi xa fe nan na, kono i tan bara i nii rakisi.»

<sup>10</sup> «Adamadi, a fala Isirayila bonsoe be, i naxe, <Wo yete a falama, wo wo xa murute nun wo xa yunubie kolon wo bope kui. Wo wama a kolonfe ne wo kisi sotoma ki naxe.

11 Wo Marigi Alatala naxe, «N bara n kali n yete ra, n mu wama mixi kobi xa faxa, n wama ne a xa gbilen a xa kira kobi nan foxo ra, a xa kisi. Yandi, wo xa gbilen wo xa kira kobie foxo ra. Isirayila bonsoe, wo buma faxe kira xon ma munfe ra?»»

12 «Adamadi, a fala i ngaxakerenyie be, <Tinxintoe xa tinxinyi mu a rakisima a na muruta loxoe naxe. Mixi tinxintare xa tinxintareya mu a raloea a na gbilen a xa kira kobi foxo ra loxoe naxe. Tinxintoe mu a yete rakisima a xa tinxinyi dangixi saabui ra, xa a bira fe kobi foxo ra.

13 N na a masen tinxintoe nde be a kisima ne, konon a fa la a xa tinxinyi dangixi ra, a so fe kobi rabafe, a xa tinxinyi luma ne a ma fu. Yakosi a faxama ne a xa fe kobi xa fe ra.

14 N na a masen mixi kobi nde be a mu kisima, konon a fa gbilen a xa yunubi foxo ra, a so fe tinxinxie rabafe,

15 alo seeke ragbilenfe donima ma, se muxaxi ragbilenfe a kanyi ma, jerefe seriye kui, gbilenfe fe kobi foxo ra, na temui a kisima ne, a mu faxama.

16 A yunubi naxan birin naba temui dangixi, na birin xafarima ne. Xa a bara jere seriye nun tinxinyi ra, a kisima ne.»»

17 «I ngaxakerenyie a falama, <Marigi mu tinxin.> Konon xa a fala i be, e tan nan mu tinxin.

18 Xa tinxintoe a kobe so a xa tinxinyi ra, a so tinxintareya rabafe, a faxama ne.

19 Xa mixi tinxintare gbilen a xa fe kobie foxo ra, a so fe tinxinxie rabafe, a kisima ne na saabui ra.

20 N xa a fala e be, <Isirayila bonsoe naxe n mu tinxin, konon fama ne wo tan makiitide, kankan xa a nere ki sare fi.>»

21 A je fu nun firin nde ra, kike fu, xi fu nun suuli nde ra muxu xa konyiya kui, mixi nde kelife gere yire, a naxa fa, a fala n be, a e bara Darisalamu suxu.

22 Na kee ra beenun na mixi xa fa, Alatala nu bara a belexe sa n de ma, a n nenyi rafulun alako n xa no woyende, n naxa lu boboya kui sonon.

23 Na temui Alatala naxa a masen n be, a naxe,

24 «Adamadi, jama donxoe naxee sabatixi Darisalamu kanaxi tagi, nee na a falafe, <Ibura-hima naxa no yi boxi sode a keren. Won tan naxan findixi jama ra, Ala tondima yi boxi fide won ma?>

25 Na kui a lanma i xa a fala e be, <Wo Marigi Alatala yi nan masenxi: Wo to sube donma wuli na a kui, wo to kuye batuma, wo to faxe tima, a lanma yi boxi xa findi wo gbe ra?>

26 Wo laxi wo xa santidegema gbansan nan na, wo fe jaaxie rabama temui birin, wo yene rabama wo doxoboore xa gine ra. Hali wo to na birin nabama, wo wama ne yi boxi man xa findi wo gbe ra?>»

27 «A fala e be, <Wo Marigi Ala yi nan masenxi: N bara n kali n yete ra, naxee luxi Darisalamu kanaxi tagi, nee faxama ne santidegema ra. Mixi naxee luxi wulai, burunyi subee nee faxama ne. Mixi naxee e noxunxi geya fari gemee longori ra, nee faxama ne wuganyi ra.>

28 N na boxi findima ne yire maxaraxi ra, n yete igboe xa fe xun nakana, n a niyama ne si

gbete mixie mu dangi Isirayila geyae ra.

<sup>29</sup> N na na boxi kana e xa fe naaxie xa fe ra, e a kolonma ne a n tan nan Alatala ra.»»

<sup>30</sup> «Adamadi, i tan to a ra, i ngaxakerenyie na a makoyikoyife e xonyi a falafe ra, <Wo fa, wo fa wo tuli mati. Alatala na masenyi mundun tife yi ki?»

<sup>31</sup> N ma nama fama ne i yire, e e tuli mati i xa masenyi ra, konɔ e mu a rabatuma feo. E a falama e wama n ma fe xon, konɔ e bope biraxi naafuli tinxintare nan foxo ra.

<sup>32</sup> I luxi ne e be alo sigisa xui joxunme, naxan fe fanyie falama. E i xa masenyi mema, konɔ e mu tinma birade a foxo ra.»

<sup>33</sup> «N ma masenyi birin na kamali nɔndi ki ma temui naxe, e a kolonma ne a namijonme nde nu na e ya ma.»

## 34

### *Xurusee nun a demadonyi xa taali*

<sup>1</sup> Alatala naxa a masen n be, a naxe,

<sup>2</sup> «Adamadi, i xa n ma masenyi ti Isirayila yareratie be naxee luxi alo xuruse demadonyie, a falafe ra, <Wo Marigi Ala yi nan masenxi: Naxankate na wo be, wo tan Isirayila xuruse demadonyie. Wo wo joxo sama wo yete nan tun xon ma. Xuruse demadonyi mu lanma xe a xa xurusee makanta?»

<sup>3</sup> Wo xurusee xipe minma, wo e xabe yailanma dugi ra, wo e sube donma, konɔ wo mu wo joxo sama e xon ma.

<sup>4</sup> Wo mu xuruse senbetare ralimaniyama, wo mu xuruse furaxi dandanma, wo mu xuruse maxonoxi maxirima seri ra. Wo mu xuruse



lœxie fenma, e xa gbilen gœœre kui. Wo e yamarima nœ xœœœœ nan tun na.

<sup>5</sup> E yensenxi, barima xuruse demadonyi mu nu na e fœœœ ra. Na kui wulai sube bara ndee ibœœ.

<sup>6</sup> N ma xuruse gali bara yensen yœ geya itexie ma, e lœœ dunija birin ma, kœœœ mixi yo mu mini e fende.»»

<sup>7</sup> «Xuruse demadonyie, wo wo tuli mati Alatala xa masenyi ra:

<sup>8</sup> N tan wo Marigi Alatala, n bara n kali n yetœ ra, wo to n ma xurusee rabœœœn, e findi wulai subee xa baloe ra, wo to mu wo œœœœ saxi e xœœn ma, wo mœœœni wo yetœ gbansan ma,

<sup>9</sup> wo tan xuruse demadonyie xa wo tuli mati Alatala xa kiiti ra.

<sup>10</sup> Wo Marigi Alatala yi nan masenxi: N fafe na xuruse demadonyie nan xili ma, e xa n sare fi gœœœœ xa fe ra. N e bama nœ xuruse demadonyi wali kui, alako e naxa na raba e yetœ xa geeni gbansan ma. N na n ma xurusee ratangama nœ e ma, alako e naxa n ma xurusee tœœœœ.»

<sup>11</sup> «Wo Marigi Alatala yi nan masenxi: N tan yati sigama nœ n ma xurusee fende,

<sup>12</sup> alo xuruse demadonyi a rabama a xa xuruse rayensenxie bœ ki naxœ. N e ragbilenma nœ yire birin e lœœxi dennaxœ na lœœœœ.

<sup>13</sup> N e raminima nœ œœœœœœ birin longori ra, n e xanin e xœœœyi. N mœœœnima nœ e ma e xa geyœe fari nun e xa gulunbae kui, e xa lu e yetœ xa bœœœ ma.

<sup>14</sup> N e dœ madonma nœ fili fanyie ma Isirayila geyœe fari. Mœœœni e e malabuma nœ yire fanyi ma, e balo Isirayila geyœe fari.

15 N tan nan yati n ma xurusee de madonma, n malabui fima e ma. Wo Marigi Alatala xui nan nan ki.

16 N xuruse loxi fenma ne, n xuruse maxonoxi dandanma ne, n xuruse senbetare ralimaniyama ne. Konon xuruse naxee bara xungbo, naxee bara non booree ra, n nee tan faxama ne kiiti tinxinxira.»

17 «Wo tan n ma xurusee, wo Marigi Alatala yi nan masenxi: N kiiti sama ne xurusee tagi, yexee kontonyie nun sikotee tagi.

18 Wo na sexe fanyi don fili ma, na mu wo wasama, fo wo xa a donxoe fan iboron? Wo na ye tinsexi min, na mu wo wasama, fo wo xa a donxoe dunda?

19 A lanma n ma xurusee xa sexe don wo naxan iboronxi? A lanma e xa ye min, wo naxan dundaxi?»

20 «Na kui wo Marigi Alatala yi nan masenxi nee xa fe ra: N yete yati nan fama kiiti sade xuruse xungbee nun a lanmae tagi.

21 Wo bara din n ma xuruse senbetaree ra wo ferie ra, han e bara mini goore kui.

22 N fama ne n ma xurusee rakiside, alako mixi naxa fu e ma sonon. N kiiti sama ne xurusee tagi.

23 N xuruse demadonyi nde tima ne n ma xurusee xun ma, naxan fama e de madonde a ki ma. N ma konyi Dawuda nan na ki.

24 N tan findima ne e Marigi Ala ra, n ma konyi Dawuda findi mange ra e tagi. N tan Alatala xui nan na ki.»

25 «N bojesa saate tongoma ne e be. N wulai sube xaapee nonma ne boxi ma, alako mixi xa non sabatide yire birin bojesa kui.

<sup>26</sup> N baraka ragoroma ne e ma. N tune rafama ne a waxati, alako boxi xa fan n ma geya seniyenxi rabilinyi.

<sup>27</sup> Wurie bogima ne, boxi xee fan. N ma jama sabatima ne bojesa kui a xa boxi ma. Na temui, e a kolonma ne a n tan nan na Alatala ra, a n tan nan yolonxonnye bolonma, n e ratanga e yaxuie ma.

<sup>28</sup> Namanee mu e tooroma sonon, sube xaarnee fan mu e donma sonon. E sabatima xaxilisa nan kui, mixi yo mu e magaaxuma.

<sup>29</sup> N e xa sansi bilie rafanma ne jamanee ya xori. Kaame mu e suxuma sonon, e xa yaagi e xa setareja kui.

<sup>30</sup> Na temui, e a kolonma ne a n tan e Marigi Alatala na e foxo ra, e man a kolon a e tan Isirayila bonsoe findixi n ma jama nan na. Wo Marigi Alatala xui nan na ki.

<sup>31</sup> Wo tan n ma xurusee, n naxee de madonma, adamadi nan wo ra. N tan nan na wo Marigi ra. Wo Marigi Alatala xui nan na ki.»

## 35

### *Naxankate na Edon be*

<sup>1</sup> Alatala naxa a masen n be, a naxe,

<sup>2</sup> «Adamadi, i xa n ma masenyi ti n xili ra Edonkae be, naxee sabatixi Seyiri geya ma,

<sup>3</sup> a fala e be, <Wo Marigi Alatala yi nan masenxi: N fama ne wo tan Edonkae xili ma, n na n senbe ramini wo ma, n Seyiri geya findi yire maxaraxi ra.

<sup>4</sup> N wo xa taae xun nakanama ne, nee xa findi yire rabepinxi ra. Na temui, wo a kolonma ne a n tan nan na Alatala ra.»»

<sup>5</sup> «Wo to Isirayilakae xon kabi temui xonkuye, han wo bara e yanfa, wo e sa wo yaxuie sagoe e xa naxankate waxati,

<sup>6</sup> n tan wo Marigi Alatala naxe, <N bara n kali n yete ra, n a niyama ne wo xa bu gere kui. Wo to gbata wuli raminide, n a ragirima ne na fe mooli xa bira wo foxo ra temui birin.

<sup>7</sup> N Seyiri geya findima ne yire maxaraxi ra mixi mu sigama dennaxe.

<sup>8</sup> Binbie luma ne wo xa boxi birin ma, naxee faxaxi santidegema ra wo xa geyae fari, wo xa gulunbae kui, nun wo xa folee longori ra.

<sup>9</sup> N wo xa boxi findima ne yire maxaraxi ra, mixi yo mu sabatima wo xa taae kui. Na temui, wo a kolonma ne a n tan nan na Alatala ra.»»

<sup>10</sup> «Wo to a fala Yudaya nun Isirayila findima ne wo gbe ra, hali n nu na e foxo ra,

<sup>11</sup> n bara n kali n yete ra, n tan wo Marigi Alatala yi nan masenxi: <N fan wo gerema ne wo xa xone nun tone bere ma, naxan nu na wo bope kui e tan mabiri. N na wo makiiti temui naxe, n na n yete masenma ne e tan be.

<sup>12</sup> Na kui, wo a kolonma ne a n tan Alatala bara wo xa konbie birin me, wo naxee ilanxi Isirayila xa geyae ra. Wo nu bara a fala, Mennikae xun bara rakana, alako na boxi xa findi muxu gbe ra.

<sup>13</sup> Wo xa yete igboya kui, wo bara n mabere n ma yaragaaxuitarepa kui. N na birin me ne.»»

<sup>14</sup> «Wo Marigi Alatala yi nan masenxi: Duniya birin na lu seewe kui, n wo xun nakanama ne a

ɲaaxi ra.

<sup>15</sup> Seyiri geya nun Edonkae birin, n wo xun nakanama nɛ feo. Na tɛmɛi wo a kolonma nɛ, a n tan nan na Alatala ra!»

## 36

### *Masenyi Isirayila bɔxi bɛ*

<sup>1</sup> «Adamadi, i xa masenyi ti n xili ra Isirayila xa geyae bɛ, i naxɛ, <Isirayila geyae, wo wo tuli mati Alatala xa masenyi ra.

<sup>2</sup> Wo Marigi Alatala yi nan masenxi, a naxɛ: Wo yaxuie bara a fala wo xa geyae findima nɛ e gbe ra.

<sup>3</sup> Na kui, i xa masenyi ti n xili ra, a falafe ra, Wo Marigi Alatala yi nan masenxi: E to bara wa wo xun nakanafe, e wo raxɛten alako wo xa lu si gbɛtɛɛ sagoe naxee wo maberema, e wo mafala,

<sup>4</sup> n tan wo Marigi Alatala n xa a masen wo bɛ, wo tan geyae, gulunbae, folee, taa kanaxi naxee harige birin bara xanin si gbɛtɛɛ saabui ra,

<sup>5</sup> n bara natɛ tongo n ma xɔnɛ kui si gbɛtɛɛ nun Edon xili ma, barima e tan bara n ma bɔxi findi e gbe ra sɛɛwɛ birin na e bɔɲɛ ɲaaxi kui, alako e xa e xa xurusee dɛ madon naa.»

<sup>6</sup> «Na kui, i xa masenyi ti n xili ra Isirayila bɔxi bɛ. A fala geyae, folee, nun gulunbae bɛ, i naxɛ, <Wo Marigi Alatala yi nan masenxi: N na masenyi tife xɔnɛ nun tɔɔnɛ nan kui, barima si gbɛtɛɛ bara yo wo ma.

<sup>7</sup> Na xa fe ra, wo Marigi Alatala yi nan masenxi: N bara n kali n bɛlɛxɛ itexi ra, ɲamanɛ naxee wo rabilinxi, e xa marasɔtɔɛ gbilenma nɛ e ma.»

<sup>8</sup> «Wo tan Isirayila geyae, wo fama ne wuri bilie raminide, naxee salonyie bogi fanyie fima n ma jama Isirayila ma, barima a gbe mu luxi e xa gbilen e xonyi.

<sup>9</sup> N mænima ne wo ma. N hinnema ne wo xa xe safe ma,

<sup>10</sup> nun wo xa taa tife ra. N wo xa mixie rawuyama ne, Isirayila bõnsõe xa sabati naa.

<sup>11</sup> N mixi nun xuruse rawuyama ne wo be, e findi di barie ra dangi a singe ra. Na temui, wo a kolonma ne a n tan nan na Alatala ra.

<sup>12</sup> N ma jama Isirayila a xa nõe raperema ne wo fari, wo findi e ke ra, wo mu e xa die ba e yi ra sõnõn.»

<sup>13</sup> «Wo Marigi Alatala yi nan masenxi, a naxe: <Mixie to a falama, a wo tan Isirayila bõxi mixie donma, wo a niya e xa xanin konyiya kui,

<sup>14</sup> n a niyama ne na mixi donfe mu fala wo xun sõnõn, nee birin faxa. Wo Marigi Alatala xui nan na ki.

<sup>15</sup> N si gbetee xa marasotõe danma ne wo mabiri, e mu yo wo ma sõnõn, wo mu wo sabati boore rabira sõnõn. Wo Marigi Alatala xui nan na ki.»

<sup>16</sup> Alatala man naxa a masen n be, a naxe,

<sup>17</sup> «Adamadi, Isirayila bõnsõe to nu sabatixi a xa bõxi ma, a jere ki naxa a findi seniyyentare ra n ya i, alõ gine naxan na a xa kike wali tofe.

<sup>18</sup> N naxa n ma xõne dusu e xun na e xa faxe tife nun e xa kuye batufe xa fe ra.

<sup>19</sup> N naxa e rayensen ye jamanee ma e jere ki xa fe ra.

<sup>20</sup> E siga dennaxe dunija ma, mixie bara n xili seniyyenxi mabere e xa fe ra, a falafe ra, <Ala xa

ɲama nan yi ki, naxan kelixi a xa bɔxi ma!›

<sup>21</sup> N nu wama ne n xili seniyeɲxi matangafe, Isirayila bɔnsɔe nu naxan maberefe ɲamanee tagi.»

<sup>22</sup> «Na nan a ra, i xa a fala Isirayila bɔnsɔe be, <Wo Marigi Alatala yi nan masenxi: N fama ne fe nde rabade, kɔnɔ n mu a rabama wo tan be, n a rabama n xili seniyeɲxi nan xa fe ra, wo bara naxan mabere ɲamanee ma.

<sup>23</sup> N na n xili xungbe xa seniyeɲyi masenma ne, wo naxan maberexi. N na n ma seniyeɲyi masenma wo saabui ra e ya xɔri, duniɲa ɲamanee a kolonma ne a Alatala nan n na. Wo Marigi Alatala xui nan na ki.»

<sup>24</sup> «N wo tongoma ne ɲamanee tagi, n wo ragbilen wo xa bɔxi ma.

<sup>25</sup> N ye seniyeɲxi kasanma ne wo ma wo raseniyeɲfe ra. N wo xa seniyeɲtareɲa birin bama ne wo ma naxee fatanxi wo xa wali kobie nun wo xa kuye batufe ra.

<sup>26</sup> N bɔɲe neene nun xaxili neene fima ne wo ma. N wo xa bɔɲe xɔɔxɔe masara bɔɲe fanyi ra.

<sup>27</sup> N na n xaxili sama ne wo bɔɲe ma, n fa a niya wo xa n ma yaamarie rabatu, wo xa bira n ma seriye fɔxɔ ra.

<sup>28</sup> Wo sabatima ne bɔxi ma, n naxan fi wo benbae ma. Wo findima ne n ma ɲama ra, n fan findi wo Marigi Ala ra.

<sup>29</sup> N wo rakisima ne wo xa seniyeɲtareɲa ma, n baloe rawuyama ne wo be, alako wo naxa lu kaame kui sɔnɔn.

<sup>30</sup> N wuri bogie nun xe sansie rawuyama ne, alako kaame naxa wo rayarabi ɲamanee tagi

sonon.

<sup>31</sup> Na temui, wo wo ratuma ne wo jere ki jaaxie ma, wo nimisa wo xa yunubie xa fe ra.

<sup>32</sup> Wo xa a kolon a n mu yi rabama wo tan xa fe xa ra. Wo Marigi Alatala xui nan na ki. Isirayila bonsoe, wo wo xun sin, wo xa yaagi wo xa fe jaaxi rabaxie ra.»

<sup>33</sup> «Wo Marigi Alatala yi nan masenxi, a naxe: N na wo rasenyen wo xa yunubie ma loxoee naxe, n wo xa taae rafema ne jama ra, n wo xa yire kanaxie yailan.

<sup>34</sup> Xee fama ne sade boxi ma, naxan nu bara xara dangi mixie ya tode ra.

<sup>35</sup> E man a falama ne, <Yi boxi naxan nu xaraxi, na man bara lu alo Eden sansi yire. A taa kanaxie man bara ti senbe ra, mixie bara sabati e kui.>

<sup>36</sup> Na temui, jamanee naxee luma wo rabilinyie, nee a kolonma ne a n tan Alatala bara yire kanaxi yailan, n bara xee sa boxi ma naxan nu bara xara. N tan Alatala xui nan na ki. N naxan fala, n na nan nabama.»

<sup>37</sup> «Wo Marigi Ala yi nan masenxi, a naxe: N man Isirayila xa maxandi suxuma ne yi fe rabafe ra e be. N e rawuyama ne alo xuruse gali

<sup>38</sup> naxan toma Darisalamu sali loxoee. Isirayila taa kanaxie rafema ne mixi gali ra, e fa a kolonde a n tan nan na Alatala ra.»

## 37

### *Xori xaraxie*

<sup>1</sup> Alatala senbe naxa goro n ma, a Xaxili Seniyenxi naxa n tongo, a sa n ti gulunba nde tagi xorie gbegbe nu na dennaxe.



<sup>2</sup> A naxa n naɓɓe na xorie longori ra, e birin xaraxi gben.

<sup>3</sup> A naxa n maxorin, a naxe, «Adamadi, yi xorie man noma balode?» N naxa a yaabi, «N Marigi Alatala, i keren nan a kolon!»

<sup>4</sup> Na temui a naxa a masen n be, «I xa masenyi ti yi xorie be n xili ra. I xa a fala e be, <Xori xaraxie, wo wo tuli mati Alatala xa masenyi ra.

<sup>5</sup> Wo Marigi Alatala yi nan masenxi wo tan xori xaraxie be, a naxe: N xa nii foye rafa wo ma, wo man xa balo.

<sup>6</sup> N fassee yailanma ne wo be, n fate sube nun fate kiri sa wo ma, n jengi raso wo fate i, wo fa gbilen balo ra. Na temui, wo a kolonma ne a n tan nan na Alatala ra.»

<sup>7</sup> N naxa a xa masenyi radangi alo a n yamari a ra ki naxe. N to nu woyenma a namijonme ki ma, xui nde naxa mini xorie tagi, e wundu, e fa so e masofe e bore ra.

<sup>8</sup> N naxa fassee, sube, nun kiri to e ma, kononii foye mu nu rasoxi e fate.

<sup>9</sup> Na temui a naxa a masen n be, a naxe, «Adamadi, i xa n ma masenyi ti nii foye be a falafe ra, <I Marigi Alatala yi nan masenxi: I tan nii foye, i xa keli duniya tunxun naanie ra, i xa so yi mixi faxaxie fatee, e xa keli faxe ma, e xa balo!»

<sup>10</sup> Awa, n naxa na masenyi radangi alo a n yamari ki naxe. N to na raba, nii foye naxa so e fate i, e naxa balo, e keli, e ti e sanyi xun na. Nama gbegbe nan nu nee ra.»

<sup>11</sup> Na temui a naxa a masen n be, a naxe, «Adamadi, yi xorie misaalixi Isirayila bonsoe

nan na. E naxe, <Muxu xorie bara xara, muxu xaxili tidee bara ꞓon, muxu bara rabolo.>

<sup>12</sup> I xa yi masenyi ti e be n xili ra, <Wo Marigi Alatala yi nan masenxi: N ma pama, n wo xa gaburie rabima ne, n wo rate e kui, n wo xanin Isirayila boxi ma.

<sup>13</sup> N na ge na rabade, wo tan n ma pama, wo a kolonma ne a Alatala nan n na.

<sup>14</sup> N na n Xaxili Seniyenxi ragoroma ne wo ma, wo man gbilen balo ra, n wo rasabati wo xa boxi ma. Na temui, wo a kolonma ne a n tan Alatala bara woyen, a n tan Alatala bara na rakamali. Alatala xui nan na ki.»

<sup>15</sup> Alatala naxa a masen n be, a naxe,

<sup>16</sup> «Adamadi, i xa wuri nde tongo, i a sebe a ma, <Yuda nun a malan boore Isirayilakae gbe.> I xa wuri gbete tongo, i a sebe na tan ma, <Yusufu xa di Eframi nun a malan boore Isirayila bonsoe gbe.>

<sup>17</sup> Na temui i xa e suxu i belexe ra, e xa lu alo wuri keren.»

<sup>18</sup> «I ngaxakerenyie na i maxorin na fatanfasife ra e be,

<sup>19</sup> i xa e yaabi, <Wo Marigi Alatala yi nan masenxi: N Yusufu xa wuri tongoma ne, naxan na Eframi nun a malan boore Isirayila bonsoe yi ra, n xa doxo Yuda xa wuri ra, e xa findi keren na n belexe kui.

<sup>20</sup> I xa na wurie itala e mabiri, sebeli tixi naxee ma,

<sup>21</sup> i a fala e be, Wo Marigi Alatala yi nan masenxi: N Isirayilakae tongoma ne pamanee kui, n e ragbilen e xa boxi ma.

<sup>22</sup> N e birin findi si keren na Isirayila geyae fari. Mangε keren nan e birin yamarima. E mu mεema e bore ra sɔnɔn findife si firin na.

<sup>23</sup> E mu findima seniyentaree ra sɔnɔn, kuye batufe ra nun fe jaaxi rabafe ra. N e ratangama nε na birin ma, n e raseniyen. E findima nε n ma jama ra, n fan findi e Marigi Ala ra.»

<sup>24</sup> «N ma konyi Dawuda nan findima e xa mangε ra, xuruse kantε keren lu e birin bε. E birama nε n ma yaamarie fɔxɔ ra, e n ma seriye rabatu a ki ma.

<sup>25</sup> E sabatima nε bɔxi ma, n naxan fi n ma konyi Yaxuba ma, wo benbae sabati dennaxε. E tan, e xa die nun e xa mamadie sabatima nε menni, n ma konyi Dawuda nan findima e xa mangε ra abadan.

<sup>26</sup> N bɔnesa saate tongoma nε e bε, naxan mu kanama abadan. N e rasabatima nε naa, n e bɔnsɔε rawuya. N ma hɔrɔmɔlingira luma nε e tagi abadan.

<sup>27</sup> E findima nε n ma jama ra, n fan findi e Marigi Ala ra, n ma hɔrɔmɔlingira fa lu e ya ma.

<sup>28</sup> N ma hɔrɔmɔlingira na sabati e tagi abadan, si gbεtεe a kolonma nε a n tan Alatala nan Isirayila raseniyenxi.»

## 38

### *Ala xa masenyi mangε Gogo bε*

<sup>1</sup> Alatala naxa a masen n bε, a naxε,

<sup>2</sup> «Adamadi, i xa n ma masenyi ti Magogo bɔxi mangε Gogo bε, naxan Rosi, Meseki, nun Tubali taae yamarima.

<sup>3</sup> A fala a be, <Marigi Alatala yi nan masenxi: Rosi, Tubali nun Meseki xa mange Gogo, n fafe i xili ma.

<sup>4</sup> N wure rasoma ne i banganyie kui, n i ramini, i tan nun i xa soori galie birin: i xa soee, e ragima tofanyie, i xa soorie nun e xa wure lefa yanbaxie,

<sup>5</sup> soori Perisekae, soori Kusikae, soori Putikae, e birin nun e xa wure lefae nun e xun makanta see,

<sup>6</sup> Gomeri nun a xa soori gali, Togarama nun a xa soori gali kelife koola ma.>>

<sup>7</sup> <I xa na soori galie birin yailan a fanyi ra i xa yaamari bun ma.

<sup>8</sup> Temui xonkuye na dangi, n i xilima ne gere tife ra. I fama ne sigade boxi nde ma naxan bara gere raba, e xanin konyiya kui pamane ma, e fa gbilen e xonyi, e sabati bojesa kui Isirayila geyae fari.

<sup>9</sup> I menni lima ne alo turunnaade, i tan nun i xa soori galie naxee kelixi dunija birin ma. Wo luma ne alo nuxui ifooroxi naxan tima boxi xun na.>>

<sup>10</sup> <Marigi Alatala yi nan masenxi, a naxe: Na loxo, i nate paaxi tongoma ne.

<sup>11</sup> I a falama ne, <N sigama ne boxi xili ma, tete mu naxan nabilinxi. Naakae mu yailanxi gere tife ra, e birin sabatixi bojesa kui. Tete mu na e xa tae rabilinyi, naade balanxie mu na e xonyi.

<sup>12</sup> N e harige birin tongoma ne e xa taa yailanxie kui, e gbilenxi dennaxe kelife pamane ma. Naafuli nun xuruse gbege na menni boxi tagi.>

<sup>13</sup> Seebakae, Dedankae, Tarasisi yulee, nun e xa mixie birin i maxorinma ne, <I na sigafe naafuli

nan tongode? I bara soori galie xili wo xa muƙe belebele ti, alo xεεma, gbeti, xurusee, nun se fanyi gbete?»

<sup>14</sup> «Na nan a ra, adamadi, i xa n ma masenyi ti Gogo be, i naxe, «Marigi Alatala yi nan masenxi: N ma nama Isirayila na sabati xaxilisa kui loxoε naxe, i fama na tode.

<sup>15</sup> I kelima ne i xonyi koola mabiri, i tan nun soori gali wuyaxie kelife dunija birin ma, e birin tixi soee fari, e bira i foxo ra.

<sup>16</sup> I fama ne n ma nama Isirayila xili ma, alo nuxui ifoxoxi naxan dusuma boxi xun na. Na temui n i rafama ne n ma boxi xili ma, alako dunija xa n ma seniyenyi kolon i saabui ra.»

<sup>17</sup> «Marigi Alatala yi nan masenxi, a naxe: Temui dangixi n ma konyi namijonme Isirayilakae nu bara i xa fe fala, n i xεεma e gereƙe ki naxe.

<sup>18</sup> Yi nan fama rabade na loxoε: Gogo na din Isirayila ra, n ma xone tema ne alo te.

<sup>19</sup> Isirayila boxi serema ne n ma xone xungbe kui.

<sup>20</sup> Yexee, xonie, wulai subee, bubusee, nun adamadie birin, e gaaxuma ne n ya ra. Geyae nun tentenyie birama ne, banxie xalee kana.

<sup>21</sup> N gere ya rafindima ne Gogo ma n ma geyae birin fari! Marigi Alatala xui nan na ki. A xa soorie e xa santidegema raminima ne e tee kui e ngaxakerenyie xili ma.

<sup>22</sup> N Gogo xun nakanama ne wuganyi nun faxe tife ra. N tune xoxoxe, balabalanyi, nun te ragoroma ne a ma, a nun a xa soori galie ma kelife dunija birin ma.

<sup>23</sup> Na kui, n na n ma mangeya nun n ma seniyeanyi masenma ne dunija si birin be. Na temui, e a kolonma ne a Alatala nan n na.»

## 39

### *Mange Gogo rajonyi*

<sup>1</sup> «Adamadi, n ma masenyi xoxoxe ti mange Gogo be, a falafe ra, <Marigi Alatala yi nan masenxi: Meseki nun Tubali mange Gogo, n bara ti i kanke!

<sup>2</sup> N i mafindima ne alo n wama a xon ki naxe. N i rakelima i xonyi koola ma, n fa i ra Isirayila geyae ma gere tife ra.

<sup>3</sup> Menni n i xa xali nun i xa xali woli se rabirama ne.

<sup>4</sup> I tan nun i xa soorie birin faxama ne na geyae longori. N wo findima yubee nun burunyi subee xa donse nan na,

<sup>5</sup> wo binbie fa lu kene ma. Marigi Alatala xui nan na ki.

<sup>6</sup> N te soma ne Magogo ra, nun yire raxaraxi baa de ra. Na temui, e a kolonma ne a n tan nan na Alatala ra.»

<sup>7</sup> «N na n xili seniyeanyi masenma ne n ma nama Isirayila be, n man mu tinma sonon e xa n mabere. Si gbete fama ne a kolonde, a n tan Alatala nan na Isirayila xa Seniyeantoe ra.

<sup>8</sup> Na fe birin fama ne rabade. Marigi Alatala xui nan na ki. Loxoe na a ra, n naxan xa fe fala.»

<sup>9</sup> «Isirayilaka naxee sabatixi taae kui, e minima geresosee matongode boxi ma, alo wure lefae, xalie, xalie woli see, tanbee, nun wuri faxeti see, e fa e gan yege fari. Na e hayi fanma je solofere nan bun ma.

<sup>10</sup> E mu yege fenma filili nun fotonyi ma sɔnɔn, barima geresosee nan findima yege ra e be. Naxee bara wa harige bafe e yi ra, e tan nan fama harige bade nee yi ra. Marigi Alatala xui nan na ki.»

<sup>11</sup> «Na ɔxɔɛ, n a niyama ne Gogo xa ragata Isirayila bɔxi ma, gulunba nde kui mixie dangima dennaxe sigafe ra baa de ra sogetede mabiri. Na gulunba kira ibolonma ne Gogo nun a xa sɔorie ragatade xa fe ra. E menni xili sama ne <Gogo xa nama xa gulunba.>»

<sup>12</sup> «Isirayila bɔnsɔɛ kike solofere nan nabama na mixie ragatafe ra, alako e xa bɔxi xa seniyen.

<sup>13</sup> Nama birin luma ne na wali raba ra. N ma nɔre to ɔxɔɛ findima fe belebele nan na e be. Wo Marigi Alatala xui nan na ki.

<sup>14</sup> E mixie sugandima ne bɔxi raseniyende. Nee tan nun e booree luma ne bɔxi birin ipere ra binbie ragatafe ra. Na wali buma ne je solofere.

<sup>15</sup> E na ge na ra, e man bɔxi iperema ne mixi xorie fende. E na nde to, e tonxuma nde ti naa alako gaburi gemae xa a to, e xa na xorie xanin Gogo xa nama xa gulunba yire.

<sup>16</sup> E bɔxi raseniyenma na ki ne. Taa nde tima naa, naxan xilima Hamona. Xili nan na ki naxan a falama <Nama> e gbe xui ra.»

<sup>17</sup> «Adamadi, i Marigi Alatala yi nan masenxi: A fala wulai xonie nun sube mooli birin be, <Wo birin xa fa be, n xa n ma serexe xungbe rafala Isirayila geyae ma. Menni wo sube nun wuli donma ne.

<sup>18</sup> Wo senbema sube donma ne, wo bɔxi mangee wuli min alo xuruse naxee raturaxi

Basan boxi ma.

<sup>19</sup> Na serexε temui, wo wasama ne e sube ra, wo siisi e wuli ra.

<sup>20</sup> Wo lugama ne soe nun a ragimae sube ra, mangεe nun soori mooli birin sube. Wo Marigi Alatala xui nan na ki.»

<sup>21</sup> «N na n ma nore masenma ne dunija birin be Gogo pama xa paxankate saabui ra.

<sup>22</sup> Keli na loxoe ma, Isirayila bonsoe a kolonma ne a n tan nan na e Marigi Alatala ra.

<sup>23</sup> Si gbeteε a kolonma ne a Isirayila xa yunubie nan a niya e xa siga konyiya kui. E to n yanfa, n naxa n kobe raso e ra, n fa e sa e yaxuie sagoe. Na nan a ra, e naxa faxa santidegema ra.

<sup>24</sup> N e paxankataxi e xa yunubie nun e xa seniyantarepa nan ma. Na nan a niyaxi n xa n kobe so e ra.»

<sup>25</sup> «Awa, i Marigi Alatala yi nan masenxi, a naxe: Yakosi, n Yaxuba bonsoe ragbilenma ne kelifε konyiya kui. N kinikinima ne Isirayila bonsoeε ma, n fa a ragiri n xili xa binya.

<sup>26</sup> E na sabati e xonyi xaxilisa kui, mixi yo mu e tooro, yaagi man luma ne e ma e xa yanfanteya xa fe ra n tan mabiri.

<sup>27</sup> N na e ramanima ne pamanee kui, n fa e ra e xonyi, pamanee fa n ma seniyenyi tode na saabui ra.

<sup>28</sup> Na temui, Isirayila bonsoe a kolonma ne a n tan nan na e Marigi Alatala ra, barima hali n to e rasiga konyiya kui pamanee tagi, n man bara e birin nagbilen, mixi yo mu lu e xanbi ra.

<sup>29</sup> N mu n kobe soma e ra sonon, barima n na n Xaxili luma ne Isirayila bonsoe ma. I Marigi Alatala xui nan na ki.»



## 40

### *Hərəməbanxi nəne xa tətə*

<sup>1</sup> Muxu xa konyiya jə məxəjən nun suuli nde ra, jə kike singe ra, xi fu nde ra, naxan nu ilanxi Darisalamu xa kanə dangi xanbi jə fu nun naani nde ma, na ləxəe yati yati, Alatala senbə naxa goro n ma,

<sup>2</sup> a n xanin laamatunyi ki ma Isirayila geya itexi nde fari. N naxa taa nde to koola mabiri.

<sup>3</sup> Alatala to n xanin naa, n naxa xəmə nde to, naxan fate nu yanbafə alə wure gbeeli. A nu tixi sode də ra, luuti nun maniya se wuri suxuxi a yi ra.

<sup>4</sup> Na xəmə naxa a fala n bə, a naxə, «Adamadi, i ya ti a fanyi ra, i tuli mati n xui ra. N fe naxan birin masenma i bə, i xa i jəxə sa a xən ma, barima i rafaxi nə be alako i xa na kolon, i xa na birin tagi raba Isirayila bənsəe bə.»

<sup>5</sup> N naxa tətə nde to naxan hərəməbanxi rabilinxi. Wuri maniya se nu na na xəmə yi ra, naxan kuya nəngən ya senni a nun suxui senni. A naxa tətə xələ xa maigboe nun a xa maite maniya, e firinyi birin lan na wuri maniyase ya keren nan ma.

<sup>6</sup> A naxa siga sode də ra, naxan ya rafindixi sogetede ma. A naxa te na tede ra naxee nu na a ya ra, a sode də xa maite maniya, naxan lan na wuri maniyase ya keren ma.

<sup>7</sup> Hərəməlingira kantamae xa tede nu na sode də sətə ma, kankan xa maite nun maigboe lan na wuri maniyase ya keren nan ma. Xələ naxan nu na e tagi, na lan nəngən ya suuli nan ma. Buntunyi sode də xa maite fan lan na

wuri maniyase ya keren nan ma, naxan ya nu rafindixi hōrōmōbanxi ma.

<sup>8</sup> A naxa buntunyi maniya,

<sup>9</sup> naxan xa kuye lan nōngōn ya solomasaxan ma, a kinkie lan nōngōn ya firin ma. Na buntunyi ya nu rafindixi hōrōmōbanxi nan ma tete kui.

<sup>10</sup> Hōrōmōbanxi kantamae tide senni nu na sogetede sode de sētie ma, sēti keren saxan, sēti boore fan saxan. Nee birin xa maniye xasabi lan, e kinkie fan birin xa maniye xasabi lan.

<sup>11</sup> A naxa sode de xa maigboe maniya, naxan lan nōngōn fu ma, a xa maite lan nōngōn fu nun saxan nan ma.

<sup>12</sup> Xele di nu na hōrōmōbanxi kantamae xa tidee ya ra, naxan nu ite nōngōn ya keren. Na tidee xa maigboe nun e xa maite lan nōngōn ya senni nan ma.

<sup>13</sup> A naxa a maniya kelifē kantama singe xa tide xanbi ra, han boore kantama xa tide xanbi ra, na fa lan nōngōn ya mōxōnēn nun suuli ma, kelifē yire fanyi ma, han kōola ma.

<sup>14</sup> A naxa xele birin maniya na sode de longori han tete kui, na lan nōngōn ya tongo senni nan ma.

<sup>15</sup> Kelifē sode de ra, han tete kui buntunyi xanbi ra, na lan nōngōn ya tongo suuli nan ma.

<sup>16</sup> Wunderie nu na na xalee ma sode de mabiri, alō wunderi gbeteē to nu na xalee ma hōrōmōbanxi mabiri. Tugi fensee nu masolixi na longori birin.

<sup>17</sup> A to n naso tete kui, n naxa yire tongo saxan to naxee fatuxi tete ma.

18 Bɔxi nu yailanxi gɛmɛ fanyie nan na naxan xa maite lan tɛtɛ sode dɛ ma.

19 Na xɛmɛ naxa a maniya kelife sode dɛ fɔlɛ ma, han tɛtɛ gbɛtɛ sode dɛ ra naxan nu na na tɛtɛ singe kui. Na lan nɔngɔn kɛmɛ nan ma sogetede mabiri nun kɔɔla mabiri.

20 Na tɛmɛi, na xɛmɛ naxa tɛtɛ sode dɛ maniya naxan nu na kɔɔla mabiri.

21 Hɔrɔmɔbanxi kantamae tidee fan nu na mɛnni alɔ boore sode dɛɛ ra. Saxan nu na sɛɛti keren, saxan nu na boore sɛɛti. Na xa maite lan nɔngɔn tongo suuli nan ma, a maigboe lan nɔngɔn mɔxɔɔnɛn nun suuli nan ma.

22 A xa wunderie, a xa buntunyi, a xa tugi fɛnsɛ naxee masolixi a ma, nee nun sogetede sode dɛ xa maniye xasabi lan. Santide solofere nan nu na a bɛ tede ra, a xa buntunyi nu na nee nan ya i.

23 Tɛtɛ firin nde sode dɛ nu na tɛtɛ singe sode dɛ nan ya ra kɔɔla nun sogetede mabiri. Nɔngɔn ya kɛmɛ nu na e tagi.

24 Na tɛmɛi, na xɛmɛ naxa n xanin tɛtɛ sode dɛ yirefanyi mabiri. Mɛnni xa maniye xasabi lan boore sode dɛɛ xa maniye nan ma.

25 Wunderie nu na na sode dɛ nun a xa buntunyi bɛ e rabilinyi birin ma, alɔ boore sode dɛɛ. Na sode dɛ nu ite nɔngɔn ya tongo suuli, a nu igbo nɔngɔn ya mɔxɔɔnɛn nun suuli.

26 Santide solofere nan nu na a bɛ tede ra, a xa buntunyi nu na nee nan ya i. Tugi fɛnsɛ nu masolixi a kinkie sɛɛti birin ma.

27 Tɛtɛ firin nde sode dɛ fan nu na yirefanyi mabiri. Kelife na sode dɛ ma han na tɛtɛ singe

sode de yirefanyi mabiri, a lan nongon ya keme nan ma.

<sup>28</sup> Na temui, na xeme naxa n xanin na tete firin nde kui naxan nu na boore tete kui. A naxa n naso na yirefanyi sode de ra. A naxa na maniya. A tan nun sode de booree birin nu lan.

<sup>29</sup> A kantamae tidee, a xa kinkie, nun a xa buntunyi xa maniyε xasabi lan booree xasabi nan ma. Wunderie nu na na sode de nun a xa buntunyi birin nabilinyi ra. Kelife na sode de fole ma, han tete kui lan nongon ya tongo suuli nan ma, a igboe lan nongon ya moxonen nun suuli nan ma.

<sup>30</sup> Buntunyi naxee nu na na tete firin nde kui, e xa maigboe lan nongon ya moxonen nun suuli nan ma, e xa maite lan nongon ya suuli nan ma.

<sup>31</sup> Na buntunyi ya nu rafindixi tete singe nan ma. Tugi fensee nu masolixi e kinkie ma, tede solomasaxan nan nu na e be.

<sup>32</sup> Na temui, na xeme naxa n xanin yi tete firin nde sode de ra naxan nu na sogetede mabiri. A naxa na maniya. A tan nun sode de booree birin nu lan.

<sup>33</sup> A kantamae tidee, a xa kinkie, nun a xa buntunyi xa maniyε nu lanxi booree xa maniyε nan ma. Wunderie nu na na sode de nun a xa buntunyi rabilinyi birin ma. A xa maigboe lan nongon ya moxonen nun suuli nan ma, a xa maite lan nongon ya suuli nan ma.

<sup>34</sup> Na buntunyi ya nu rafindixi tete singe nan ma. Tugi fensee nu masolixi e kinkie ma, tede solomasaxan nan nu na e be.

<sup>35</sup> Na temui, na xeme naxa n xanin yi tete firin nde sode de ra, naxan nu na koola mabiri. A

naxa na maniya. A tan nun sode de booree birin nu lan.

<sup>36</sup> A kantamae tidee, a xa kinkie, nun a xa buntunyi xa maniyε nu lanxi booree xa maniyε nan ma. Wunderie nu na na sode de nun a xa buntunyi rabilinyi birin ma. A xa maigboe lan nongon ya moxonen nun suuli nan ma, a xa maite lan nongon ya suuli nan ma.

<sup>37</sup> Na buntunyi ya nu rafindixi tete singe nan ma. Tugi fensee nu masolixi e kinkie ma, tede solomasaxan nan nu na e be.

<sup>38</sup> Yire nde nu na kankan xa sode de ra, xuruse naxee bama serexe gan daaxi ra, nee nu maxama menni ne.

<sup>39</sup> Teebilie nu na sode de buntun firinyi kui, firin nu na seeti keren ma, firin nu na boore seeti fan ma. Xurusee kon naxabama na teebilie nan fari, naxee findi serexe gan daaxi ra, yunubi xafari serexe ra.

<sup>40</sup> Teebili gbete nu na sode de tede seeti ma, firin seeti keren, firin boore seeti fan ma, tete fari ma buntunyi kui.

<sup>41</sup> Na nan a ra teebili naani nu na sode de seeti keren na, naani nu na boore seeti ra. Xurusee nu rafalama na teebilie nan fari beenun e xa ba serexe ra.

<sup>42</sup> Na teebili naanie nu yailanxi gemεe nan na, e nu kuya nongon ya keren nun a tagi, e nu igbo nongon ya keren. Yirabasee nu sama nee nan fari, naxee nu lanma e xa rawali xuruse rafalafe ra naxee nu findima serexe gan daaxie nun serexe mooli gbete ra.

<sup>43</sup> Wuree nu na banxi xeε ma xurusee nu gbakuma dennaxe, e sube sa teebilie fari.

<sup>44</sup> Tete firin nde sode de seeti firinyie ma, yire nde nu na naxan ya rafindixi yirefanyi ma, yire nde fan nu na naxan ya rafindixi koola ma.

<sup>45</sup> Na xeme naxa a fala n be, a naxe: «Yire naxan ya rafindixi yirefanyi ma, na findixi serexedubee gbe nan na, naxee horomobanxi makantama.

<sup>46</sup> Yire naxan ya rafindixi koola ma, na findixi serexedubee gbe nan na, naxee serexebade makantama. Nee findi Sadoki xa die nan na, naxee findi Lewi bonsoe mixi ra, naxee gbansan lan e xa makore Alatala yire ra e xa wali kui.»

<sup>47</sup> Na xeme naxa tete maniya. A xa kuye lan nongon ya keme nan ma, a xa gboe fan lan nongon ya keme nan ma. Serexebade nu tixi horomobanxi nan yatagi.

<sup>48</sup> Na xeme naxa n xanin horomobanxi xa buntunyi ra. A naxa buntunyi xele bun se maniya. Keren lan nongon ya suuli nan ma, boore fan naxa lan nongon ya suuli ma. Sode de xa gboe lan nongon ya fu nun naani nan ma. Banxi xele naxee nu na na seeti firinyie ma lan nongon ya saxan nan ma.

<sup>49</sup> Na buntunyi xa maigboe lan nongon ya moxopen nan ma, a xa maite lan nongon ya fu nun firin nan ma. Tedee nu na a be. Kinki firin nu tixi buntunyi xele seetie ma.

## 41

### *Horomobanxi neene xalse nun naadse*

<sup>1</sup> Na xeme naxa n xanin horomobanxi yire seniyenxi kui. A naxa a kinkie maniya naxee nu

na naade seetie ma. Kankan xa gboe naxa lan nongon ya senni ma.

<sup>2</sup> Sode de xa gboe lan nongon ya fu nan ma. Banxi xele naxee nu na na seeti firinyie ma, e lan nongon ya suuli nan ma. A naxa na horomobanxi maniya. A xa kuye lan nongon ya tongo naani nan ma, a xa gboe lan nongon ya moxoren nan ma.

<sup>3</sup> Na temui, na xeme naxa so horomobanxi yire seniyenxi fisamante kui. A naxa a kinkie maniya naxee nu na naade seetie ma. Kankan xa gboe naxa lan nongon ya firin ma. A sode de lan nongon ya senni nan ma. Banxi xele naxee nu na na seeti firinyie ma, e lan nongon ya solofere nan ma.

<sup>4</sup> A naxa a xa kuye nun a xa gboe maniya, kankan naxa lan nongon ya moxoren ma. A naxa a fala n be, «Yire seniyenxi fisamante nan yi ki.»

<sup>5</sup> A naxa horomobanxi xele maniya. A xa marabinye naxa lan nongon ya senni ma. Yire naxee nu na horomobanxi rabilinyi ma, kankan xa gboe lan nongon ya naani nan ma.

<sup>6</sup> Na yiree nu doxoxi e bore nan kon na deki saxan na. Konkoe tongo saxan nan nu na na deki keren keren birin ma. Bun se nu na horomobanxi rabilinyi, kon e mu nu rasoxi horomobanxi xele tan kui.

<sup>7</sup> Dekie nu te igbo ra e bore be alako naxan na koore ma naxa igbo dangi lanbanyi daaxi ra. Tedee nu na keli lanbanyi ma a sa doxo deki donxoe ra.

<sup>8</sup> N naxa a raben, sanbunyi nu na horomobanxi rabilinyi ma, naxan kuya nongon ya senni. Na

yire naxee nu na hōrōmōbanxi rabilinyi, e nu tixi na sanbunyi fari.

<sup>9</sup> Na yiree xele xa marabinye lan nōngon ya suuli nan ma. Kene naxan nu na hōrōmōbanxi

<sup>10</sup> nun serexedubee xa konkoe tagi, a lan nōngon ya mōxōnen nan ma, a rabilinyi birin na.

<sup>11</sup> Na yire naxee nu na hōrōmōbanxi rabilinyi, e sode de keren nu na kōola ma, keren fan nu na yirefanyi ma. Kene nu na e rabilinyi ma, naxan lan nōngon ya suuli ma.

<sup>12</sup> Banxi gbete nde nu na hōrōmōbanxi so-gegorode mabiri, naxan xa maigboe nu lanxi nōngon ya tongo solofere ma, a xa kuye nu lanxi nōngon ya tongo solomanaani nan ma. A xele xa marabinye nu lanxi nōngon ya suuli nan ma.

<sup>13</sup> Na xeme naxa hōrōmōbanxi maniya. A xa kuye lan nōngon ya keme nan ma. Kene, banxi, nun a xele, nee fan xa kuye lan nōngon ya keme nan ma.

<sup>14</sup> Kene naxan nu na hōrōmōbanxi sogetede mabiri, a lan nōngon ya keme nan ma.

<sup>15</sup> Na xeme naxa banxi maniya, naxan nu na hōrōmōbanxi xanbi ra, nun dangide naxee nu na a seeti firinyi ma, na lan nōngon ya keme nan ma.

Hōrōmōbanxi, a xa buntunyi,

<sup>16</sup> a sode dee, nun a wunderie, na birin nu ratofanxi wuri fanyi nan na, kelife lanbanyi ma han koore.

<sup>17</sup> Sode de xun ma nun banxi xele birin nabilinyi, a kui nun a fari,

<sup>18</sup> malekee nun tugi fensee nan nu masolixi a ma a raxunmase ra. Tugi fense keren nan nu



masolixi maleke firin tagi. Yatagi firin nan nu na na maleke birin be,

<sup>19</sup> a mixi daaxi nun a yete daaxi. Na mixi yatagi nu rafindixi tugi fense nan ma, na yete yatagi nu rafindixi tugi fense nan ma boore seeti mabiri.

<sup>20</sup> Malekee nun tugi fensee nu masolixi kelifa hɔrɔmɔbanxi lanbanyi ma han koore.

<sup>21</sup> Sode de nu na hɔrɔmɔbanxi xa yire seniyenxi ma, a maniyɛ fan nu na a xa yire seniyenxi fisamante ma.

<sup>22</sup> Serɛɛɛbade nde nu na menni, naxan nu rafalaxi wuri ra, a xa maite lan nɔngɔn ya saxan nan ma, a xa kuye lan nɔngɔn ya firin nan ma, a xa maigboe nu lanxi nɔngɔn ya firin nan ma. A tunxunye, a de kirie, nun a seetie birin nu yailanxi wuri nan na. Na xeme naxa a fala n be, «Yi teebili nan na Alatala ya i.»

<sup>23</sup> Naade firin nan nu na hɔrɔmɔbanxi yire seniyenxi sode de ra, naade firin nan nu na hɔrɔmɔbanxi yire seniyenxi fisamante sode de ra.

<sup>24</sup> Naade bela firin nan nu na na sode de firinyi, naxee nu ragalima sode de ma.

<sup>25</sup> Malekee nun tugi fensee nu masolixi hɔrɔmɔbanxi naade ma, alo a nu masolixi a xelee ma ki naxe. Wurie fan nu na buntunyi ma koore ma.

<sup>26</sup> Wunderie nu na buntunyi xelee ma a seetie ma, tugi fensee nu masolixi wunderie seetie ma. Wurie fan nu na na yiree xun na, naxee nu tixi hɔrɔmɔbanxi rabilinyi.

### *Serexedubee xa banxi*

<sup>1</sup> Na dangi xanbi, na xeme naxa n namini na tete singe kui koola ma. A naxa n xanin banxi yire, naxan nu na tete singe xele koola mabiri nun hōromōbanxi tagi.

<sup>2</sup> Na banxi xa sode de ya nu rafindixi koola nan ma. Na banxi nu kuya nōngon ya keme, a nu igbo nōngon ya tongo suuli.

<sup>3</sup> Seeti naxan nu kuya tete mabiri nōngon ya mōxōpen, a nun seeti naxan nu na hōromōbanxi mabiri, konkoe yire deki saxan nde nu tixi na yire firinyi ma.

<sup>4</sup> Nerēdee nu na na seeti firinyi ma naxee nu igbo nōngon ya fu, e nu kuya nōngon ya keme alo banxi. Konkoe sode de nu rafindixi koola nan ma.

<sup>5</sup> Konkoe naxee nu na koore deki saxan nde ma, nee nu ixutu dangife boore ra lanbanyi.

<sup>6</sup> Kinki yo mu nu na na deki saxan nde be, e ixutuxi na nan ma.

<sup>7</sup> Xele nu tixi konkoe nun tete singe tagi, a nu kuya nōngon ya tongo suuli.

<sup>8</sup> Boore seeti hōromōbanxi mabiri a nu kuya nōngon ya keme.

<sup>9</sup> Konkoe naxee nu na lanbanyi, e sode de nu na sogetede mabiri.

<sup>10</sup> Konkoe gbete nu na yirefanyi mabiri tete singe xele longori ra hōromōbanxi ya i.

<sup>11</sup> Nerēde nde nu na e ya ra. Na konkoe nu maniyaxi konkoe nan na naxee nu na koola mabiri. E firin nafala ki, e xa kuye nun e xa gboe, na birin lan.

<sup>12</sup> E xa sode dæ nu na yirefanyi nan ma. Naade xungbe nde nu na sogetede mabiri.

<sup>13</sup> Na xeme naxa a fala n be, a naxe, «Konkoe naxee na yirefanyi nun koola ma tete ya i, nee findixi yire seniyeñxie nan na, Alatala xa serexedubee serexe sube donma dennaxe. E serexe seniyeñxie ragatama menni ne naxee findixi sansi xori serexee, yunubi xafari serexee ra. Yire seniyeñxi nan menni ra.

<sup>14</sup> Serexedubee na so yire seniyeñxie, a mu lanma e xa mini pama ya ma tete kui, fo e xa e xa dugi seniyeñxie ba.»

<sup>15</sup> Na xeme to ge horomobanxi yire maniyade, a naxa n namini sogetede sode de ra, a fa na tete rabilinyi birin maniya.

<sup>16</sup> A naxa a folo sogetede mabiri. Na seeti xa kuye lan nongon ya keme suuli nan ma.

<sup>17</sup> Na temui, a naxa koola seeti maniya, naxan xa kuye fan lan a ya keme suuli ma.

<sup>18</sup> Na temui, a naxa yirefanyi seeti maniya, naxan xa kuye fan lan a ya keme suuli ma.

<sup>19</sup> A raponyi, a naxa sogeorode seeti maniya, naxan xa kuye fan lan a ya keme suuli ma.

<sup>20</sup> A naxa tete rabilinyi birin maniya a xa wuri maniyase ra. Tete seeti naanie birin lan wuri ya keme suuli nan ma. Na tete nu tixi yire seniyeñxi nun yire seniyeñtare nan tagi.

## 43

### *Alatala xa nore gbilenfe horomobanxi kui*

<sup>1</sup> Na temui, na xeme naxa n xanin sogetede sode de ra.

<sup>2</sup> N naxa Isirayila Marigi Ala xa nɔrɛ to fafe ra kelife sogetede mabiri. A nu xui naxan namin-ima, na nu luxi nɛ alɔ baa xungbe mɔrɔnyie, bɔxi fan nu iyalanma a yanbɛ ra.

<sup>3</sup> N laamatunyi naxan to, na nu luxi nɛ alɔ n naxan to Marigi fa lɔxɔɛ Darisalamu kanade. A nu luxi nɛ alɔ n naxan to Kebara xure dɛ ra. N to a to, n naxa n yatagi rafelen bɔxi ma.

<sup>4</sup> Alatala xa nɔrɛ naxa so hɔrɔmɔbanxi kui sogetede sode dɛ ra.

<sup>5</sup> Na tɛmui, Ala Xaxili Seniyenxi naxa n tongo, a n xanin hɔrɔmɔbanxi tɛtɛ firin nde kui, Alatala xa nɔrɛ nu bara gbo dennaxɛ.

<sup>6</sup> N nu na na xɛmɛ sɛɛti ma, kɔnɔ n naxa xui nde mɛ wɔyɛnfe n na kelife hɔrɔmɔbanxi kui.

<sup>7</sup> Na xui naxa a masen n bɛ, a naxɛ, «Adamadi, n ma kibanyi yire nan ya, n sanyi tima dennaxɛ. N sabatima nɛ be Isirayilakae ya ma abadan. Isirayila bɔnsɔɛ nun a xa mangɛɛ mu n xili seniyenxi maberema sɔnɔn e xa langoeɓa ra, nun e xa gaburi tife ra e xa salide itexie ma.

<sup>8</sup> Mangɛɛ na e xa banxi sode dɛɛ nun e xa banxi xalɛɛ ti n gbee sɛɛti ma, e n xili seniyenxi maberexi na ki nɛ e xa wali kobi ra. N e sɔntɔxi n ma xɔnɛ kui na nan ma.

<sup>9</sup> Yakɔsi fa, e xa e xa kuye batui nun e xa mangɛɛ furee makuya n na, alako n xa lu e ya ma abadan.»

<sup>10</sup> «Adamadi, i xa yi hɔrɔmɔbanxi xa fe masen Isirayilakae bɛ, alako e xa yaagi e xa yunubie ra. E xa yi banxi ti ki mato.

<sup>11</sup> Xa e bara yaagi e xa wali kobie ra, yi banxi xa fe rakolon e ra, a tixi mɔoli naxan na, a sode

dɛɛ nun a minide dɛɛ na ki naxɛ, nun a xa fe raba kɛra, alako e xa bira na yaamarie fɔxo ra.»

<sup>12</sup> «Hɔrɔmɔbanxi xa sɛriyɛ nan ya: Bɔxi naxan birin na yi geya fari, na birin sɛniyenxi. Hɔrɔmɔbanxi xa sɛriyɛ nan na ki.»

<sup>13</sup> «Sɛrɛxɛbade xa maniyɛ xasabi nan yi ki, naxan maniyaxi maniyase ra singe maniyase nu dangi naxan na bɛlɛxɛ suxu keren. Fole naxan gexi sɛrɛxɛbade rabilinyi, a tilin nɔngɔn ya keren, a igbo nɔngɔn ya keren. A dɛ kiri igboe lanxi nɔngɔn tagi nan ma. Sɛrɛxɛbade xa maite

<sup>14</sup> kelifɛ na fole ma han sɛrɛxɛbade bunyi, a lanxi nɔngɔn ya firin nan ma. A igboe lanxi nɔngɔn ya keren nan ma. Sɛrɛxɛbade xa maite kelifɛ a bunyi ma han a koore, na lanxi nɔngɔn ya naani nan ma, a igboe lanxi nɔngɔn ya keren nan ma.

<sup>15</sup> Sɛrɛxɛbade xa tɛ sade tilinyi lanxi nɔngɔn ya naani nan ma. Feri naani tixi sɛrɛxɛbade tunxunyie ma.

<sup>16</sup> Na tɛ sade xa kuyɛ lanxi nɔngɔn ya fu nun firin nan ma. A igboe fan lanxi nɔngɔn ya fu nun firin nan ma.

<sup>17</sup> A dɛ rabilinyi xa kuyɛ lanxi nɔngɔn ya fu nun naani nan ma, a igboe fan lanxi nɔngɔn ya fu nun naani nan ma. Na dɛ rabilinyi dɛ kiri lanxi nɔngɔn tagi nan ma, a dɛnnaxɛ kui igexi a lanxi nɔngɔn ya keren nan ma. Sɛrɛxɛbade santidee ya nu rafindixi sogetede nan ma.»

<sup>18</sup> Na tɛmɛi, na xɛmɛ naxa a fala n bɛ, a naxɛ, «Adamadi, i Marigi Alatala yi nan masenxi: <Sɛriyɛ nan yi ki sɛrɛxɛ gan daaxi xa fe ra nun wuli kasanfe xa fe ra yi sɛrɛxɛbade bɛ a ti tɛmɛi.

<sup>19</sup> A lanma i xa tuura keren so Lewi serexedubee Sadoki bõnsõe yi ra, naxee na bama yunubi xafari serexe ra. Wo Marigi Alatala xui nan na ki.

<sup>20</sup> E xa na wuli di sa serexebade ferie ma, a tunxun naani birin ma lanbanyi, nun a de rabilinyi birin ma. Serexebade raseniyenma na ki ne, a findi xunsare ra a be.

<sup>21</sup> E xa na tuura tongo, naxan bama yunubi xafari serexe ra, a xa gan horomobanxi tete kui a lanma a xa gan dennaxe seriyе ki ma.»

<sup>22</sup> «Na loxo kuye iba, e xa sikote keren tongo, lanyuru yo mu na naxan ma, e xa a ba yunubi xafari serexe ra serexebade raseniyenfe ra, alo e a raba ki naxe tuura ra.

<sup>23</sup> E na ge serexebade raseniyende na ki, e man xa tuura keren nun yexee kontonyi keren tongo, lanyuru yo mu naxee ma,

<sup>24</sup> e xa nee ba Alatala be serexe gan daaxi ra. Serexedubee lanma e xa foxe kasan na birin ma.»

<sup>25</sup> «Loxo yo loxo han xi solofere, e xa sikote keren ba yunubi xafari serexe ra, a nun tuura nun yexee kontonyi, lanyuru yo mu na naxee ma.

<sup>26</sup> Han xi solofere bun ma, yi serexebade raseniyenma na ki ne, a xa findi wo xa serexebade ra.

<sup>27</sup> Na loxoe na ba a ra, keli a xi solomasaxan nde ma, serexedubee luma wo xa serexe gan daaxie nun wo xa serexe janigexie ba ra ne menni fa. Na kui, n wo rasenema ne. Wo Marigi Alatala xui nan na ki.»

*Naade balanxi*

<sup>1</sup> Na xeme naxa n xanin hɔrɔmɔbanxi tete sode de ra, naxan nu na sogetede mabiri. Na naade nu balanxi.

<sup>2</sup> Alatala naxa a masen n be, «Na naade balanxi, a mu rabima. Ibunadama yo mu soma naa, barima, n tan Isirayila Marigi Alatala nan soxi menni ra.

<sup>3</sup> Kɔnɔ Isirayila mange nan gbansan nɔma dɔxɔde na sode de ra a serexe don n ya i. A soma buntunyi sode de nan na, a man mini menni ra.»

<sup>4</sup> Na dangi xanbi, na xeme naxa n xanin hɔrɔmɔbanxi tete sode de kɔɔla biri ra hɔrɔmɔbanxi ya i. Menni n naxa Alatala xa nɔre to so ra a xa hɔrɔmɔbanxi kui, n fa n yatagi rafelen bɔxi ma.

<sup>5</sup> Alatala naxa a masen n be, a naxe, «Adamadi, i xa i tuli mati n ma masenyi ra a gbengbenyi, n tan Alatala naxan masenma i be n ma hɔrɔmɔbanxi xa fe ra. I xa i jɔxɔ sa na sode dee nun a minidee xɔn ma.

<sup>6</sup> I xa a fala Isirayila matandilae be, «N tan Marigi Alatala yi nan masenxi: Na lan. Wo xa fe naaxie bara dangi a i!

<sup>7</sup> Wo man bara a xunmasa, sunnatatee rasofe n ma hɔrɔmɔbanxi seniyenxi kui, naxee bɔje makuya n na. Na kui wo bara fe raharamuxi raba n ma banxi ra, hali wo to nu donse, ture, nun wuli bafe serexe ra a kui. Wo bara n ma seriye kana na mɔɔli ra.

<sup>8</sup> Wo bara tondi n ma wali seniyenxi rabade, wo fa na wali so mixi gbete yi ra.

<sup>9</sup> Marigi Alatala yi nan masenxi: Sunnatate yo naxa so n ma hɔrɔmɔbanxi kui, naxan bɔje

makuya n na, hali e sabatixi Isirayilakae ya ma.»»

<sup>10</sup> «Lewi bõnsõe to e makuya n na, e bira e xa kuyee fõxõ ra, a nun Isirayila jama, n nee sare ragbilenma ne e ma.

<sup>11</sup> N e luma ne e xa wali kui n ma hõrõmõbanxi yire, e xa na sode dee kanta, e xa serexe gan daaxi nun serexe gbete ba jama be.

<sup>12</sup> Kõnõ e to n ma wali raba e xa kuyee ya i, e a niya Isirayila bõnsõe fan xa bira yunubi fõxõ ra, n bara n kali n belexe itexi ra, e fama ne na sare sõtode. Wo Marigi Alatala xui nan nan ki.

<sup>13</sup> Yakõsi n mu tinma e xa e maso n na serexe bade, n mu tinma e xa e maso n ma se seniyeñxie ra, n mu tinma e xa e maso n ma se seniyeñxi fisamantee ra. A lanma e xa yaagi soto e xa fe jaaxie xa fe ra.

<sup>14</sup> Kõnõ n e luma ne e xa wali nde raba n ma hõrõmõbanxi yire, e xa e jõxõ sa naa xõn ma.»

<sup>15</sup> «Isirayilakae to nu e makuyama n na, Lewi bõnsõe serexedubee tan, Sadõki xa mixie, e nu bara e tunnabexi n ma hõrõmõbanxi xa wali kui. Na nan a ra, n naxa a lu nee peti xa e maso n na, e xa ture nun wuli ba serexe ra n be. Marigi Alatala xui nan na ki.

<sup>16</sup> Nee nan gbansan soma n ma yire seniyeñxi kui, e fa n ma wali raba n ma teebili ya i.»

<sup>17</sup> «E na so n ma hõrõmõbanxi xa tete kui naxan na na tete singe kui, a lanma e xa suwa dugi ragoro e ma. E naxa dugi binye ragoro e ma e ne walima hõrõmõbanxi tete sode dee yire temui naxe, xa na mu a ra hõrõmõbanxi kui.

<sup>18</sup> A lanma e xa suwa dugi nan xiri e xunyi e raxunmase ra, e man xa suwa dugi xiri e



tagi. E naxa sese ragoro e ma, naxan kuyefure raminima e fate ma.

<sup>19</sup> Beenu e xa mini boore tete kui jama tixi dennaxe, e xa e xa sose seniyenxie ba e ma, e xa e lu e xa konkoe kui horomobanxi yire. Na ki e mu mixi raseniyenma e xa dugie ra.»

<sup>20</sup> «A mu lanma e xa e xunyi bi, a mu lanma e xa e xunsexe rakuya. E xa a maxaba a seriye ki ma.

<sup>21</sup> A mu lanma serexedubee xa bere yo min, e na so horomobanxi tete kui temui naxe.

<sup>22</sup> Serexedubee mu lan e xa kaaje gine dɔxo, a mu lan e xa gine dɔxo, xeme nde mexi naxan na. E xa Isirayila gine dimedi gbansan nan dɔxo, xa na mu serexedube nde xa kaaje gine.

<sup>23</sup> E xa n ma jama xaran se radaxaxi nun se raharamuxi tagi raba kolonde. E xa a masen e be naxan findi se seniyenxi nun se seniyentare ra.»

<sup>24</sup> «Nɔxɔnsɔsɔe na mini jama tagi, serexedubee nan kiiti sama n ma seriye ki ma. E xa n ma yaamarie suxu, e xa n ma salie raba, e xa n ma malabui loxɔee binya.»

<sup>25</sup> «Serexedube naxa a maso fure ra, xa na mu a ra a findima ne seniyentare ra. Kɔnɔ xa a baba, a nga, a xa di xemema, xa na mu a ra ginema sa faxa, na temui a nɔma a masode nee tan fure ra.

<sup>26</sup> Na dangi xanbi, a xa a yete raseniyen, a fa mame ti xi solofere bun ma.

<sup>27</sup> A na so horomobanxi tete kui a xa wali seniyenxi rabade, a xa folo yunubi xafari serexe ma a yete be. Marigi Alatala xui nan na ki.»

<sup>28</sup> «N tan nan findixi serexedubee ke ra. Wo naxa boxi fi e ma Isirayila boxi ma, barima n tan

nan findixi e ke ra.

<sup>29</sup> E baloma serexee nan na, alo sansi xori serexe, yunubi xafari serexe, yunubi sotoe serexe, nun se birin naxee fixi Ala ma Isirayila boxi ma.

<sup>30</sup> E gbe nan sansi bogi singe ra, a nun hadiya birin naxee fima wo ya ma. A man lanma wo xa taami fi e ma serexe ra, alako wo xa denbaya xa baraka soto.

<sup>31</sup> Serexedubee mu lanma e xa xoni nun xuruse sube yo don naxan faxa a yete ma, xa na mu a ra, wulai sube naxan iboxi.»

## 45

### *Boxi seniyenxi*

<sup>1</sup> «Wo na Isirayila boxi itaxun Isirayila bonsoe ma temui naxe, wo xa yire nde ragata a xati ma Alatala be, a xa findi a xa yire seniyenxi ra. Na yire xa kuye lanma nongon ya wulu moxonen nun suuli nan ma, a xa gboe lan nongon ya wulu fu ma.

<sup>2</sup> Na kui, yire gbete xa maniya horombanxi tima dennaxe. Na xa kuye lanma nongon ya keme suuli nan ma, a xa gboe fan lan nongon ya keme suuli ma, nun yire nde naxan xa tilinyi nongon ya tongo suuli lima, na xa lu na rabilinyi.

<sup>3</sup> Wo xa Alatala xa horombanxi seniyenxi ti na yire kui, naxan xa kuye nongon ya wulu moxonen nun suuli lima, a igboe nongon ya wulu fu.

<sup>4</sup> Yire seniyenxi na a ra, naxan bama Isirayila boxi ra serexedubee be, naxee tima Alatala ya i a xa wali rabafe ra a xa horombanxi kui. E xa

banxie fan tima naa ne Alatala xa yire seniyeŋxi seeti ma.

<sup>5</sup> Na boxi naxan xa kuye nongon ya wulu mɔxɔɔɛn nun suuli lima, naxan xa gboe nongon ya wulu fu lima, na findima Lewi bɔnsɔɛ gbe nan na, naxee walima hɔrɔmɔbanxi kui. E sabatide nan na ki.»

<sup>6</sup> «Wo xa yire gbete maniya yire seniyeŋxi fe ma, naxan findima taa gbe ra. A xa kuya nongon ya wulu mɔxɔɔɛn nun suuli, a igboe nongon ya wulu suuli. Isirayila bɔnsɔɛ birin gbe nan na ki.»

<sup>7</sup> «Isirayila mange xa boxi luma na yire seniyeŋxi nun taa xa boxi seetie nan ma sogetede nun sogegorode mabiri, han Isirayila bɔnsɔɛe naaninyie ra.

<sup>8</sup> Na boxi findima a gbe nan na. A hayi mu na sonon Isirayila bɔnsɔɛe tɔrɔfe ma e xa boxi xa fe ra. Isirayila bɔnsɔɛ birin xa e gbe sɔɔ.»

<sup>9</sup> «Wo Marigi Alatala yi nan masenxi: <Isirayila mangee, na xa wo wasa! Wo naxa n ma pama tɔrɔ, wo naxa fe xɔrɔxɔɛ raba e ra! Wo xa bira seriye nun tinxinyi fɔxɔ ra! Wo xa ba n ma pama ke mupafe! Wo Marigi Alatala xui nan na ki.»»

<sup>10</sup> «Wo xa maniyasee xa kamali. Wo xa busali xa findi busali yati nan na. Wo xa fifa xa findi fifa yati nan na.

<sup>11</sup> Na firinyie xa lan, hali keren to rawalima sansi xori maniyafe nan na, boore rawali ture maniyafe ra. Na busali nun na fifa, e birin xa maniyase nde ya fu li a seriye ki ma.

<sup>12</sup> Kobiri kole naxan xili <sikili,> na xa lan maniyase nde ya mɔxɔɔɛn ma, naxan xili <gera.>

Sikili tongo senni lanxi maniyase nde nan ma, naxan xili <mina.>»

<sup>13</sup> «Wo xa hadiyae xa findi yi see nan na: mengi maniyε xōri konbo ya mōxōpēn kui, wo xa konbo ya saxan ba a ra, fundenyi maniyε xōri konbo ya mōxōpēn kui, wo xa konbo ya saxan ba a ra,

<sup>14</sup> ture fifa keren kui, wo xa litiri firin ba a ra (fifa keren findi litiri keme firin litiri mōxōpēn nan na),

<sup>15</sup> yεxεε keme firin ya ma, wo xa yεxεε keren ba a ra Isirayila bōxi fanyi birin ma. Yie nan bama sansi xōri sεrεxεε ra, sεrεxε gan daaxie ra, xanunteya sεrεxεε ra pama xunsare xa fe ra. Wo Marigi Alatala xui nan na ki.

<sup>16</sup> Isirayila pama birin xa lu na fe kui e xa mange malife ra.

<sup>17</sup> Mange lanma a xa sεrεxεε gan daaxie nun sansi xōri nun minse sεrεxεε ba kike salie nun malabui lōxōε sali tēmui. A man xa yunubi xafari sεrεxεε, sansi xōri hadiyae, sεrεxεε gan daaxie, nun xanunteya sεrεxεε ba Isirayila bōnsōε xunsare xa fe ra.»

<sup>18</sup> «Wo Marigi Alatala yi nan masenxi, a naxε, <Kike singe, xi singe, wo xa tuura keren ba sεrεxεε ra, lanyuru yo mu na naxan ma, hōrōmōbanxi rasēniyenfe ra.

<sup>19</sup> Sεrεxεdube nde xa xuruse wuli tongo, naxan baxi yunubi xafari xa fe ra, a a maso hōrōmōbanxi sode dε sεētie ra, sεrεxεbade tunxui naani ra, a nun hōrōmōbanxi tεtε sode dε sεētie ra.

<sup>20</sup> Wo man xa na raba na kike xi solofere nde ra, barima xa mixi nde bara yunubi raba

a mu naxan kolon, na serexε hōromōbanxi raseniyeṇma nε.»»

<sup>21</sup> «Kike singe, xi fu nun naani nde ra, wo xa Sayamaleke Dangi Sali raba xi solofere bun ma. Wo naxa taami lebinitare yo don na temui.

<sup>22</sup> Na sali lōxōε, mange xa tuura keren ba yunubi xafari serexε ra a yetε be a nun jama be.

<sup>23</sup> Na sali xi solofere bun ma lōxō yo lōxō, mange xa tuura solofere ba serexε gan daaxi ra, a nun yexεε kontonyi solofere lanyuru yo mu na naxee ma. A man xa sikōte keren ba yunubi xafari serexε ra lōxō yo lōxō na xi solofere bun ma.

<sup>24</sup> A man xa sansi xōri konbo ya saxan nun ture litiri ya naani ba serexε ra na tuurae nun na yexεε kontonyie birin seeti ma.»

<sup>25</sup> «Na sali waxati, na xi solofere bun ma, a man xa na mōoli ba serexε ra yunubi xafari serexεe seeti ma, a nun serexε gan daaxie seeti ma, a nun sansi xōri nun ture hadiyae seeti ma. Na sali fōlōma kike solofere, xi fu nun suuli nde nan na.»

## 46

### *Serexεε*

<sup>1</sup> Wo Marigi Alatala yi nan masenxi, a naxε: «Sode dε xa naade, naxan na hōromōbanxi tεte kui sogetede biri ra, na balanma nε xi senni bun ma, kōnō a rabima malabu lōxōε nun kike nεεnε sali temui nε.

<sup>2</sup> Mange a maso naa buntunyi sode dε ra, a ti menni. Serexedube a xa serexε gan daaxi nun a xa xanunteya serexεε bama temui naxε, a xa a

xinbi sin. A na ge na rabade, a xa mini. Sode de naade mu balanma, fo nunmare.

<sup>3</sup> Nama e xinbi sinma ne naa Alatala ya i malabui loxoε nun kike neene sali loxoεε ra.

<sup>4</sup> Mange tan xa yexεε xεme senni nun yexεε kontonyi keren ba serεε ra malabui loxoε. Lanyuru yo naxa lu e ma.

<sup>5</sup> Sansi xori busali keren xa ba hadiya ra yexεε kontonyi seeti ma. A man xa sansi xori nde ba hadiya ra yexεε booree seeti ma, a wama xasabi naxan xon, a nun ture litiri naani sansi xori busali keren be.

<sup>6</sup> Kike neene xi singe, a xa tuura keren, yexεε xεme senni, nun yexεε kontonyi keren nan ba serεε ra, lanyuru yo mu na naxee ma.

<sup>7</sup> A xa sansi xori busali keren ba tuura be, a xa keren ba yexεε kontonyi be, a nun a wama naxan xon yexεε xεme booree fan be. A xa ture litiri naani sa busali keren keren seeti ma.

<sup>8</sup> Mange xa so buntunyi sode de ra, a man xa mini menni nan na.»

<sup>9</sup> «Nama na fa temui naxe Alatala batude sali loxoεε ma, naxan na so koola sode de ra, a xa mini yirefanyi sode de ra. Naxan na so yirefanyi sode de ra, a xa mini koola sode de ra. Mixi yo naxa mini a soxi dennaxe ra. A xa mini naade gbete ra.

<sup>10</sup> Mange fan xa lu e ya ma, e so temui nun e mini temui.»

<sup>11</sup> «Sali loxoεε nun loxoε sugandixie, mange xa sansi xori busali keren ba tuura be, a xa keren ba yexεε kontonyi be, a nun a wama naxan xasabi xon yexεε xεme booree be. A xa ture litiri naani sa busali keren keren seeti ma.

12 Mange na wa serexε janigexi bafe Alatala be, naxan findixi serexε gan daaxi, xa na mu a ra, xanunteya serexε, a lanma sogetede naade xa rabi a be. A xa a xa serexεe ba alo a a bama ki naxe malabui loxoε. A na ge na ra, a xa mini, naade fa balan.»

13 «Geεsege birin wo xa yeχee ne keren daaxi ba serexε ra, lanyuru mu na naxan ma.

14 Wo xa sansi xori konbo ya saxan nun ture litiri keren ba na yeχee seeti ma geεsege birin. Yaamari na a ra naxan mu kanama abadan.

15 Na kui geεsege birin, yeχee, sansi xori, nun ture xa ba serexε gan daaxi ra.»

16 «Marigi Alatala yi nan masenxi, a naxe: Xa mange boxi nde fima a xa di nde ma, na findima a xa di be ke nan na, a fa lu a xa di xa die be.

17 Kono xa a boxi nde fi a xa konyi nde ma, na luma ne na yi ra han xoreya ne waxati. Na temui, na boxi man gbilenma mange nan ma. Mange xa boxi findima a xa die ke nan gbansan na.

18 Mange mu lanma a xa mixi yo ke ba a yi ra nama ya ma, a a keri a xonyi. A xa a yete ke fi a xa die ma, alako n ma nama naxa fa makuya e xa boxi ra.»

19 Na temui, na xeme naxa n xanin hoxomobanxi tete sode de ra, naxan na koola biri ra, a serexedubee xonyi masen n be. A naxa yire nde masen n be menni sogogorode mabiri,

20 a a fala n be: «Serexedubee xa xuruse sube jinma be ne, naxan bama yunubi xafari serexee ra, nun yunubi sotoe serexε ra. E man sansi xori serexε ganma be ne, alako na se seniyeuxie naxa nama tan naseniyeux.»

<sup>21</sup> Na xeme naxa n namini tete xungbe kui, a a tunxun naanie birin masen n be. Tete gbetee nu na na tunxun naani birin na,

<sup>22</sup> naxee xa kuye nongon ya tongo naani lima, e igboe nongon ya tongo saxan. Na tete naani birin nu lan.

<sup>23</sup> Teebili geme daaxie nu fatuxi na tete xelse ma. Yiree nu na na teebilie bun ma te nu xuruma dennaxe.

<sup>24</sup> Na xeme naxa a fala n be, a naxe, «Kuri nan ya, serexedubee jama xa serexee jinma dennaxe.»

## 47

### *Xure naxan minima horomobanxi yire*

<sup>1</sup> Na xeme naxa n nagbilen horomobanxi sode de ra sogetede mabiri, banxi ya nu rafindixi dennaxe ma. Menni n naxa ye to mini ra. Na ye nu kelima serexebade koola mabiri ne.

<sup>2</sup> Na xeme naxa n namini koola sode de ra, muxu tete mabilin tande biri ra, han tete sode de ra sogetede mabiri. Ye nu xalema sode de yirefanyi biri ra.

<sup>3</sup> Na xeme to mini sogetede biri ra, luuti nu na a yi ra, a naxa nongon ya wulu keren maniya menni. A fa n nagiri ye ma, naxan nu bara te han n san konyi.

<sup>4</sup> A man naxa nongon ya wulu keren maniya, a n nagiri ye ma, naxan nu bara te han n xinbi. A man naxa nongon ya wulu keren maniya, a n nagiri ye ma, naxan nu bara te han n tagi.



<sup>5</sup> A to nongon ya wulu keren gbete maniya, na ye nu bara findi xure ra mixi mu nu noma naxan igiride, fo a xa ye masa.

<sup>6</sup> Na temui a naxa n maxarin, «Adamadi, i bara yi fe to a fanyi ra? A naxa n xanin xure de ra.

<sup>7</sup> Menni n naxa wuri bili gbege to, e tixi xure de firin na.»

<sup>8</sup> Na xeme naxa a fala n be, «Yi xure xun tixi sogetede nan na, a sa goro Yuruden fare ma, a sa sin baa ma, naxan ye mu fanxi. Xure ye na baa li dennaxe, baa ye fanma ne a fanyi ra,

<sup>9</sup> yexee fa balo. Yexe wuyama ne menni na xure ye xa fe ra, naxan baa ye fanma. Na xure ye na lu dennaxe, nimasee baloma ne a fanyi ra.

<sup>10</sup> Keli En Gedi ma, han a sa doxo Egelayimi ra, yexesuxuie dinma ne menni birin na, e e xa yelae sa. Yexe mooli birin nan suxuma naa, alo naxee toma Baa Xungbe ma.

<sup>11</sup> Ye yire ndee mu fanma, alako foxoe xa lu naa.

<sup>12</sup> Wuri bili mooli birin nan bulama na xure de firinyi ma. E burexe mu lisima, e bogi fan. Kike yo kike e bogima ne a fanyi ra na xure ye xa fe ra naxan kelima horomobanxi kui. E bogi findima baloe nan na, e burexe findi seri ra.»

<sup>13</sup> «Wo Marigi Alatala yi nan masenxi, a naxe: Wo xa yi boxi itaxun Isirayila bonsoe fu nun firinyie ma, a xa findi e ke ra. N xa na naaninyie masen wo be. Yusufu bonsoe boxi itaxunxi firin nan sotoma,

<sup>14</sup> naxee birin lan. Isirayila boxi findima wo birin ke nan na, alo n na n kali wo benbae be ki naxe.»

15 Bɔxi naaninyie nan ya: A kɔɔla seeti fɔlɔma Baa Xungbe nan ma, a siga Xetelon kira ra, a dangi Lebo Xamata ra, Tisedadi,

16 Berota, Sibirayima, naxan na Damasi nun Xamata tagi, han a sa dɔxɔ Xasari Tikoni ra, naxan na Xawuran naaninyi ra.

17 Na kui, na naaninyi kelima baa xungbe nan ma, a siga han Xasari Enan, naxan na Damasi kɔɔla mabiri. Tisafoni bɔxi na kɔɔla nan ma. Isirayila naaninyi nan na ki kɔɔla mabiri.

18 Isirayila bɔxi naaninyi sogetede mabiri kelima Damasi ne, a siga Xawuran. Yuruden xure findixi naaninyi nan na Galadi bɔxi nun Isirayila bɔxi tagi, a sa baa li sogetede biri ra. Isirayila naaninyi nan na ki sogetede mabiri.

19 Isirayila bɔxi naaninyi yirefanyi mabiri kelima Tamari, a siga han Meriba Kadesi, han Misira xure nun baa xungbe ma. Isirayila naaninyi nan na ki yirefanyi mabiri.

20 Isirayila bɔxi naaninyi sogegorode mabiri kelima baa xungbe nan ma, han Lebo Xamata longori. Isirayila naaninyi nan na ki sogegorode mabiri.

21 «Wo xa yi bɔxi itaxun wo bore ma Isirayila bɔnsɔɛ ki nan ma.

22 A xa findi wo ke ra, a nun mixie ke ra naxee sabatixi wo xɔnyi a nun e xa die. Wo xa e tongo alo Isirayila lasiri, naxee ke sɔtɔma Isirayila bɔxi ma wo ya ma.

23 Na xɔne sabatixi bɔnsɔɛ naxan ya ma, e xa e ke sɔtɔ menni ne. Wo Marigi Alatala xui nan na ki.»

## 48

*Isirayila bõnsõee naaninyie*

<sup>1</sup> «Bõnsõee xilie nan ya: Dana bõnsõee xa bõxi na kõõla mabiri ne Xetelon kira ra, kelife Lebo Xamata, a sa dõxõ Xasari Enan ra, naxan na Damasi nun Xamata naaninyi ra kõõla mabiri. A keli naaninyi ra naxan na sogetede mabiri han baa xungbe.»

<sup>2</sup> «Aseri bõnsõee xa bõxi na Dana bõnsõee xa bõxi naaninyi sèeti nan na, kelife sogetede naaninyi ma han sogegorode naaninyi.»

<sup>3</sup> «Nafatali bõnsõee xa bõxi na Aseri bõnsõee xa bõxi naaninyi sèeti nan na, kelife sogetede han sogegorode.»

<sup>4</sup> «Manasi bõnsõee xa bõxi na Nafatali bõnsõee xa bõxi naaninyi sèeti nan na, kelife sogetede han sogegorode.»

<sup>5</sup> «Eframi bõnsõee xa bõxi na Manasi bõnsõee xa bõxi naaninyi sèeti nan na, kelife sogetede han sogegorode.»

<sup>6</sup> «Ruben bõnsõee xa bõxi na Eframi bõnsõee xa bõxi naaninyi sèeti nan na, kelife sogetede han sogegorode.»

<sup>7</sup> «Yuda bõnsõee xa bõxi na Ruben bõnsõee xa bõxi naaninyi sèeti nan na, kelife sogetede han sogegorode.»

<sup>8</sup> «Yire seniyenxi na Yuda bõnsõee xa bõxi naaninyi sèeti nan na, kelife sogetede han sogegorode. Na bõxi xa gboe nõngõn ya wulu mõxõpõn nun suuli, a kuya kelife sogetede naaninyi han sogegorode naaninyi. Alatala xa hõrõmõbanxi tixi a tagi.»

<sup>9</sup> «Na yire seniyeñxi naxan sama a xati ma Alatala be, a xa kuye lanma nongon ya wulu moxonon nun suuli nan ma, a xa gboe lanma nongon ya wulu fu nan ma.

<sup>10</sup> Serexedubee luma na yire seniyeñxi nan kui, naxan xa kuye lanma nongon ya wulu moxonon nun suuli ma koola biri ra, a xa gboe nongon ya wulu fu sogegorode biri ra, a xa gboe sogetede biri ra nongon ya wulu fu, a xa kuye yirefanyi biri ra nongon ya wulu moxonon nun suuli. Alatala xa horomobanxi tima na yire seniyeñxi nan tagi.

<sup>11</sup> Menni findima serexedubee nan gbe ra, naxee sugandixi Sadoki bonsoe ya ma. E nu n nabatuma a fanyi ra, e mu n yanfa alo Lewi bonsoe mixi gbete naxee e makuya n na Isirayilakae muruta temui.

<sup>12</sup> Na yire seniyeñxi saxi a xati ma e tan nan be Lewi bonsoe xa yire seeti ma.»

<sup>13</sup> «Na yire xa kuye nongon ya wulu moxonon nun suuli, a xa gboe nongon ya wulu fu, serexedubee xa boxi.

<sup>14</sup> A mu lanma e xa na boxi mati, a mu lanma e xa na masara boxi gbete ra, a mu lanma e xa na fi mixi yo ma, barima boxi hagige na a ra naxan seniyeñxi Alatala be.»

<sup>15</sup> «Boxi naxan luxi, naxan xa gboe lanma nongon ya wulu suuli ma, a xa kuye nongon ya wulu moxonon nun suuli, na findima taa gbe nan na banxie nun mere luma dennaxe. Taa yati luma ne na boxi tagi.

<sup>16</sup> Na boxi seeti naanie birin lan nongon ya wulu naani ya keme suuli nan ma, a koola

sɛɛti, a yirefanyi sɛɛti, a sogetede sɛɛti, nun a sogegorode sɛɛti.

<sup>17</sup> Na bɔxi naxan luma taa sɛɛti ra, na bɔxi sɛɛti naanie fan birin lan nɔngɔn ya kɛmɛ firin ya tongo suuli nan ma, a kɔɔla sɛɛti, a yirefanyi sɛɛti, a sogetede sɛɛti, nun a sogegorode sɛɛti.

<sup>18</sup> Bɔxi dɔnxɔɛ naxan luma bɔxi seniyenxi xa kuyɛ sɛɛti firinyi ra, naxan nɔngɔn ya wulu fu lima a sogetede nun a sogegorode, na findima mɛrɛ nan na taa walikɛɛ bɛ,

<sup>19</sup> naxɛɛ kelima Isirayila bɔnsɔɛɛ birin ma.

<sup>20</sup> Na bɔxi birin xa kuyɛ lanma nɔngɔn ya wulu mɔxɔɲɛn ya wulu suuli nan ma, a xa gboe fan lanma nɔngɔn ya wulu mɔxɔɲɛn ya wulu suuli nan ma. Na birin saxi a xati nan ma taa nun hɔrɔmɔbanxi xa fe ra.»

<sup>21</sup> «Bɔxi naxan na yire seniyenxi nun taa sɛɛti ra, na findima mangɛ nan gbe ra. A kelima bɔxi seniyenxi nɛ, naxan kuya nɔngɔn ya wulu mɔxɔɲɛn nun suuli sogetede mabiri, a siga han Isirayila naaninyi sogetede mabiri. A man kelima bɔxi seniyenxi nɛ naxan kuya nɔngɔn ya wulu mɔxɔɲɛn nun suuli sogegorode mabiri, a siga han Isirayila naaninyi sogetede mabiri. Na bɔxi luma Isirayila bɔnsɔɛɛ xa bɔxi sɛɛti nan na. Yire seniyenxi nun hɔrɔmɔbanxi luma na bɔxi nan tagi.

<sup>22</sup> Na kui, taa yire nun Lewi bɔnsɔɛ xa bɔxi luma mangɛ xa bɔxi nan tagi, naxan na Yuda bɔnsɔɛ nun Bunyamin bɔnsɔɛ xa naaninyie sɛɛti ra.»

<sup>23</sup> «Bunyamin bɔnsɔɛ xa bɔxi na Yuda bɔnsɔɛ xa bɔxi naaninyi sɛɛti nan na, kelife sogetede

han sogegorode.»

<sup>24</sup> «Simeyɔn bɔnsɔɛ xa bɔxi na Bunyamin bɔnsɔɛ xa bɔxi naaninyi sɛeti nan na, kelife sogetede han sogegorode.»

<sup>25</sup> «Isakari bɔnsɔɛ xa bɔxi na Simeyɔn bɔnsɔɛ xa bɔxi naaninyi sɛeti nan na, kelife sogetede han sogegorode.»

<sup>26</sup> «Sabulon bɔnsɔɛ xa bɔxi na Isakari bɔnsɔɛ xa bɔxi naaninyi sɛeti nan na, kelife sogetede han sogegorode.»

<sup>27</sup> «Gadi bɔnsɔɛ xa bɔxi na Sabulon bɔnsɔɛ xa bɔxi naaninyi sɛeti nan na, kelife sogetede han sogegorode.»

<sup>28</sup> «Gadi bɔnsɔɛ xa bɔxi xa naaninyi yirefanyi mabiri, a kelima Tamari nɛ han Meriba Kadesi xa ye yire, Misira xure goroma baa xungbe ma dennaxɛ.»

<sup>29</sup> «Bɔxi nan yi ki, wo fama naxan itaxunde Isirayila bɔnsɔɛɛ ma, a xa findi e kɛ ra. Wo Marigi Alatala xui nan na ki.»

<sup>30</sup> «Taa sode dɛɛ xilie nan yi ki: Naadɛ naxee na taa kɔɔla sɛeti, naxan kuya nɔngɔn ya wulu naani kɛmɛ suuli,

<sup>31</sup> Isirayila bɔnsɔɛ Ruben, Yuda, nun Lewi xilie nan sama e xun ma.»

<sup>32</sup> «Naadɛ naxee na taa sogetede sɛeti, naxan kuya nɔngɔn ya wulu naani kɛmɛ suuli, Isirayila bɔnsɔɛ Yusufu, Bunyamin, nun Dana xilie nan sama na naadɛ saxanyi xun ma.»

<sup>33</sup> «Naadɛ naxee na taa yirefanyi sɛeti, naxan kuya nɔngɔn ya wulu naani kɛmɛ suuli, Isirayila bɔnsɔɛ Simeyɔn, Isakari, nun Sabulon xilie nan sama na naadɛ saxanyi xun ma.»

<sup>34</sup> «Naade naxee na taa sogegode seeti, naxan kuya nongon ya wulu naani keme suuli, Isirayila bonsoe Gadi, Aseri, nun Nafatali xilie nan sama na naade saxanyi xun ma.»

<sup>35</sup> «Taa rabilinyi lanma nongon ya wulu fu nun solomasaxan nan ma. Folefe na loxo ma, na taa xili falama ne, <Alatala na menni.>»

**Soso Kitaabuie: Tawureta, Yabura, Inyila**  
**The Holy Bible in the Susu language of Guinea (Soso**  
**Kitaabuie: Tawureta, Yabura, Inyila Bible)**

copyright © 2015 Mission Évangélique Réformée Néerlandaise et les  
Traducteurs Pionniers de la Bible

Language: Susu

Contributor: Mission Évangélique Réformée Néerlandaise

This translation is made available to you under the terms of the Creative  
Commons Attribution-Noncommercial-No Derivatives license 4.0.

You may share and redistribute this Bible translation or extracts from it  
in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.  
Pictures included with Scriptures and other documents on this site are  
licensed just for use with those Scriptures and documents. For other uses,  
please contact the respective copyright owners.

2020-11-11

---

PDF generated using Haiola and XeLaTeX on 28 Dec 2024 from source  
files dated 29 Jan 2022

f1d08866-ea3e-5b9b-b506-e7690c5c61d2